

# XITSONGA RAYA

Buku ya 2  
Tikotara ta  
3 & 4




Tlilasi:




**basic education**  
Department:  
Basic Education  
REPUBLIC OF SOUTH AFRICA

Vito:



XITSONGA RIRIMI RA LE KAYA – Giredi ya 6 Buku ya 2

ISBN 978-1-4315-0124-3



ISBN 978-1-4315-0124-3



XITSONGA HOME LANGUAGE  
GRADE 6 – BOOK 2

TERMS 3 & 4

ISBN 978-1-4315-0124-3

THIS BOOK MAY NOT BE SOLD.

9th Edition

Workbooks available in this series:

- Grade R (in all official Languages);
- Literacy/Home Language Grades 1 to 6 (in all 11 official Languages);
- Mathematics Grades 1 to 3 (in all 11 official Languages);
- Mathematics Grades 4 to 9 (in Afrikaans and English);
- Life Skills Grades 1 to 3 (in all 11 official Languages); and
- Grades 1 to 6 English First Additional Language.

Ku dyondza hi Vumbiwa ra Riphabiliki ra Afrika-Dzonga (1996)

Vumbiwa ra Afrika-Dzonga (1996) ri na milawu ya le henbla ya tiko. Milawu leyi yi le henbla ku tlula na puresidente, yi le henbla ku tlula tihuvo na ku tlula mfumo.

Yi hlamusela ndlela leyi vanhu va tiko va faneleke ku khomana hiyona, timfanelo na vutihlamuleri bya vona eka vanhu van'wana. Vumbiwa ra Tiko ri kona leswaku ri kota ku sirhelela hinkwerhu ka hina sweswi na vana va hina eka minkarhi leyi taka.

Lemuka matimu ya hina.

Hi nga vuyeleti swihoxo swa nkarihi lowu nga hundza.

Vumbiwa ra hina ri hi pfuna ku anakanya no aka yumundzuku byo antswa bya vanhu hinkwavo.

Hina, vanhu va Afrika-Dzonga,

Hi lemuka ku kala vululami ka nkarihi lowu hundzeke evuton'wini bya hina;

Hi xixima lava va xanisekeke hikwalaho ko hisekela vululami na ntshunxeko etikweni rerhu;

Hi hlonipha lava va tirheke ku aka no hluvukisa tiko ra hina; naswona Hi tshemba leswaku Afrika-Dzonga i ra hinkwavo lava tshamaka eka rona, hi hlanganile hi ku hambana-hambana ka hina.

Kutani, hi ku tirthisa vayimeri va hina lava hi tihlawuleleke vona hi ntshunxekile, hi amukela Vumbiwa leri tanahi nawu lowu kulukumba wa Riphabiliki ku endlela—

Ku lulamisa ku hambanisiwa ka nkarihi lowu hundzeke no vumba rixaka leri simekiweke ehenbla ka masungulo ya swipimelo swa xidemokhirasi, vululami exikarhi ka vanhu na timfanelo ta ximunhu ta masungulo;

Ku simeka masungulo ya rixaka ra xidemokhirasi leri vekaka swilo erivaleni laha eka rona mfumo wu simekiweke ehenbla ka ku navela ka vanhu naswona vaakatiko hinkwavo va sirheleriwile hi ku ringana hi nauw;

Ku antswisa xiyimo xa vutomi bya vaaka-tiko hinkwavo no humesela erivaleni vuswikoti bya munhu un'wana na un'wana na;

Ku aka Afrika-Dzonga leri vumbaneke ra xidemokhirasi leri ri kotaka ku teka vutshamo bya rona lebyi faneleke tanahi tiko leri tiyimeleke endyangwini wa tinjaka.

Lava timfanelo ta wena tanahi Muafrika-Dzonga u tlhela u va na vutihlamuleri byo sirhelela timfanelo ta vanhu van'wana.

Xikwembu a xi sirhelele vanhu va hina.

Nkosi Sikelel' iAfrika. Morena boloka setjhaba sa heso.

God seën Suid-Afrika. God bless South Africa.

Mudzimu fhatutshedza Afurika. Hosi katekisa Afrika.



9 781431 501243

# Ndlela ya matsalele



Manana Angie Motshekga,  
Holobye wa Dyondzo ya  
Masungulo



Nkulukumba Enver Surty,  
Xandla xa Holobye wa  
Dyondzo ya Masungulo

Tibuku leti to tirthela ti endleriwe vana va Afrika-Dzonga ehansi ka vurhangeri bya Holobye wa Dyondzo ya Masungulo. Manana Angie Motshega na Xandla xa Holobye wa Dyondzo ya Masungulo. Nkulukumba Enver Surty.

Tibuku to tirthela ta Rainbow ti vumba xiyenge xin'wana xa ntawa wa mgingiriko ya Ndzwulo ya Dyondzo ya Masungulo leyi kongomisiweke eka ku antswisa matirhelo ya vadyondzi va Vaafrika-Dzonga eka tigiredi ta ntsevu to sungula. Tanihi xin'wana xa swilo leswi nga swirhangana eka nkunguhato wa matirhelo ya mfumo. phurojeke leyi yi humelerile hi ku seketeriwa hi timali hi Nkwama wa Timali ta Tiko. Leswi swi endlile leswaku Ndzwulo yi swi kota ku endla leswaku tibuku leti to tirthela, ti kumeka hi tindzimi hinkwato ta ximfumo handle ko hakeleriwa.

Hi tshemba leswaku tibuku leti ti ta pfuna vadyondzisi eka mgingiriko ya vona yo dyondzisa ya masiku hinkwawo no tiyisisa leswaku vadyondzi va vona va kota ku heta kharikhulamu. Hi tiyisise leswaku hi letela mudyondzisi eka nghingiriko wun'wana na wun'wana hi ku katsa mifungho leyi kombisaka leswi mudyondzi a faneleke ku endla swona.

Hi ni ntshembo wa leswaku vana va ta tiphina no tsakela ku tirha mgingiriko leyi nga ebukwini loko va ri karhi va ya emahlweni no dyondza, na leswaku wena, mudyondzisi, u ta tsaka swin'we na vona.

Hi mi navelela ku humeleta, wena na vadyondzi va wena eku tirhiseni tibuku leti to tirthela.



## Kunguhata

Hlawula nhlokomhaka. Vulavula na ntawa wa wena leswaku mi hlengeleta mianakanyo. Tirhisani mepe wa miehleketo ku veka erivaleni mianakanyo ya n'wina mayelana na kungu, swimunhuhatwa na mbangu.

## Mpfapfarhuto

Tsala mpfapfarhuto wa wena wo sungula. Ehleketa hi vahlayi, xivumbeko na ndzimana yin'wana na yin'wana.

## Pfuxeta

Hlaya mpfapfarhuto hi vuxopaxoperi kutani u kuma mavonele ya vadyondzi-kuloni na mudyondzisi.

## Hlela


Hlela ku kambisia mapeletelo na mahikahatelo. Endla ndzulamiso eka mpfapfarhuto.

## Andlala

Tsala mpfapfarhuto wa wena lowu hliereweke tanahi xitshuriwa xa wena xo hetelela.



# Giredi 6 ya



R i r i m i i  
r a l e k a y a



Buku leyi i ya:



KITSONGA

Buku ya

2

# SWILETELO SWO TIRHISA BUKU LEYI YO TIRHELA

Ha ku amukela eka Buku yo tirhela ya Ririmri ra le Kaya ra xiyimo xa le xikarhi. Xiyimo xa Ririmri ra le Kaya eka xiyimo xa le xikarhi xi kongomisiwe eka ku tumbuluxa vuswikoti bya vadyondzi bya ririmri eka vuswikoti bya mbulavurisano lebyi lavekaka eka tindhawu leti ku hlanganaka vanhu no hluvukisa vuswikoti bya akademiki lebyi lavekaka eka ku dyondza tidyondzo hinkwato ta kharikhulamu. Hi tshemba leswaku buku leyi yi ta pfuna vadyondzi va wena ku tumbuluxa no hluvukisa vuswikoti lebyi.

Tirhisa buku yo tirhela  
kun'we na switirhisiwa  
swin'wana swa wena.  
Hlaya XIPHOKHAMA xa  
xiyimo xa le xikarhi xa  
Ririmri ra le Kaya.

Buku yo tirhela yi lulamisiwe ku ya hi ndzhendzeleko wa mavhiki mambirhi ya XIPHOKHAMA. U ta kuma nkatsakanyo wa leswi nga ta dyondzisiwa eka ndzhendzeleko wun'wana na wun'wana wa mavhiki mambirhi eka tipheji ta 1, 35, 69 na 103 ta buku leyi yo tirhela. Ndzhendzheleko wun'wana na wun'wana wa 2 wa mavhiki wu katsa vuswikoti bya mune bya ririmri lebyi landzelaka:



A hi vulavuleni

## 1 Ku yingisela na ku vulavula (swanomo) – 2 wa tiawara eka ndzhendzeleko wa 2 wa mavhiki

Vadyondzi va fanele va nyikiwa nkarhi wo tala wo hluvukisa vuswikoti bya vona bya ku yingisela na ku vulavula ku endlela leswaku va swi kota ku hlengeleta vuxokoxoko, ku tshunxa swiphiqo no hlamusela mavonelo na miehleketo ya vona. Buku yo tirhela yi na mgingiriko yo hlaya ya ku vulavula na ku yingisela leyi u nga engetelaka eka yona ku tiyisia leswaku vadyondzi va kuma minkarhi ya ntoloveloy titoloveta swihlayahlaya.



A hi hlayersi

## 2 Ku hlaya na ku langutisa – 5 wa tiawara eka ndzhendzeleko wa 2 wa mavhiki

XIPHOKHAMA xi lava leswaku vadyondzi va hlaya va tlhela va vona switshuriwa swo karhi eka ndzhendzeleko wa 2 wa mavhiki. Leswi swi katsa ku hlaya: swirungulwana, mitsheketo, leswi munhu a hlanganeke na swona, mapapila, tiimeyili, leswi tsariweke eka dayari, ntlangu, tiatikili ta maphephahungu, tiatikili ta timagazini, tiinthavhiyu ta rhadiyo, switshuriwa swa nkucetelo, swinavetiso, swiletelo swa ndlela na maendlele. Ku engetela eka sweswo, XIPHOKHAMA xi lava leswaku vadyondzi va hlaya switshuriwa swo nyika vuxokoxoko leswi nga na swifaniso: mimepe, tichati, matafula, tidayigiram, mimepe ya miehleketo, tichati ta maxelo, tiphositara, switiviso, swifaniso na tigirafu. U ta kuma tinxaka ta switshuriwa leswi hlawuriweke hi vukheta eka Buku yo tirhela.

XIPHOKHAMA xi kombisa mahlayele lama vumbiwaka hi swiyimo swa ku lulamisela ku hlaya, ku hlaya na endzhaku ka ku hlaya. U ta kuma nhlamuselo ya girafu ya mahlayele endzeni ka khavhara ya le mahlweni ya buku leyi.



A hi tsaleni

## 3 Ku tsala na ku andlala – 4 wa tiawara eka ndzhendzeleko wa 2 wa mavhiki


XIPHOKHAMA xi lava leswaku vadyondzi va kuma minkarhi yo tala yo titoloveta ku tsala eka mimbangu yo hambarahambana. Buku yo tirhela yi nyika tifureme to tala ta ku tsala na tipulani to andlala switshuriwa swo tsariwa, swifaniso na switshuriwa swa mahungu. U ta kuma nhlamuselo ya girafu ya matsalele endzeni ka khavhara ya le ndzhaku ya buku leyi.



A hi tsaleni

## 4 Swiaki na milawu ya swivumbeko swa ririmri – 1 awara eka ndzhendzeleko wa 2 wa mavhiki

XIPHOKHAMA xi nyika nxaxameto wa swiaki na milawu ya swivumbeko swa ririmri (swilo) leswi faneleke ku dyondzisiwa eka giredi yin'wana na yin'wana. Buku yo tirhela yi katsa switoloveto swo karhi swa mindzhendzeleko yin'wana na yin'wana ya 2 wa mavhiki. Ko tala mgingiriko leyi yi katsa 'xitiviso' lexi hlamuselaka nauwu wa ririmri.



Ku kuma vuletevi  
byin'wana, hlaya  
buku yo letela ya  
Buku yo tirhela.

## Nkongomelo wa 5: Ntiyiso na swilo swo tisungulela

**Mavhiki ya 1 - 2:  
Ku rungula xitoriori**

### 65 Mufana u lava vuswikoti bya yena 2

Ku hlaya xitshuriwa xa ndzungulo. Ku hlamula swivutiso swo huma eka xitshuriwa.

### 66 Charlie a ya emahlweni no lava 4

Ku hlaya xitshuriwa xa ndzungulo. Ku hlamula swivutiso swo huma eka xitshuriwa.

Ku lava marito eka xitshuriwa lama nga na tinhlamuselo to fana na ta swivulwa-hava leswi nyikiweke. Ku hlamusela mitwiwo-mbilu leyi Charlie a veke na yona. Ku tsala eka dayari ku katsakanyiwa xitori.

### 67 Ku tsala xitori xa mina 6

Nkanelo wa swimunhuhatwa, mbangu na swiendleko swa xitori xa Charlie.

Ku tatisa mepe wa miehleketo ku kunguhata xitori hi ku languta swimunhuhatwa, mbangu na kungu.

Ku tsala xitori hi vukheta ku tirhisiwa mepe wa miehleketo.

### 68 Tinxaka to hambana ta masivi 8

Ku hetisa swivulwa hi ku tatisa masivi lama faneleke. Ku tirhisa mavutisi lama faneleke. Ku tirhisa masivi-ntalo eswivulweni. Ku rungula xitori xa Charlie hi ndzandzelelano lowu faneleke.

### 69 A hi kambisiseni buku 10

Ku hlaya nkambisiso wa buku. Ku hlamula swivutiso swo huma eka nkambisiso wa buku. Ku yelanisa marito na tinhlamuselo ta wona. Ku tsala nkambisiso wa buku leyi hlaiyiweke no tsakeriwa.

### 70 Ntlangu wa minkarhi ya riendlili 12

Ku tlanga ntlangu wa maendlili.

### 71 Nelson Mandela a ya exikolweni xa le henhla 14

Ku hlaya xitshuriwa xa ntitsalwavutomi ra Nelson Mandela.

Ku bula hi swivulwa-hava swin'wana eka xitshuriwa na tinhlamuselo ta swona.

Ku lava marito eka dikixinari no tsala swivulwa hi xin'wana na xin'wana.

Ku bula hi swivutiso swo huma eka xitori.

Ku hlamula hi swiyimo swo hambana swa vutomi bya Nelson Mandela.

### 72 A hi tsalenixitori 16

Ku tirhisa mepe wa miehleketo ku kunguhata xitori ku langutiwa swimunhuhatwa, mbangu na kungu.

Ku tsala mpfapfarhuto wa xitori, ku lulamisa mpfapfarhuto no tsala xitori xo hetelela.

### Mavhiki ya 3 - 4: Mintsheketo

### 73 Jabu na N'wanghala 18

Ku hlaya ntsheketo.

Ku bula hi swivutiso swo huma eka xitori.

Ku encenyeta ku kombisa mahetelelo ya xitori.

Ku hlela ku encenyeta loku kombisiweke.

### 74 Jabu u twa ku bonga ka nglala 20

Ku hlamula swivutiso swo hlawula nhlamlulo yin'we swo huma eka xitori.

Ku longoloxa xitori hi ndzandzelelano lowu faneleke hi ku nambara swifaniso.

Ku rungula xitori hi ndzandzelelano lowu faneleke.

Ku boxa maendlili eka xitshuriwa no vumba swivulwa hi wona.

Ku boxa vamavizweni va marito lama nyikiweke.

Ku boxa riendlili leri faneleke exivulweni.

### 75 Ku humelele yini eka N'wanghala? 22

Ku hlaya ntsheketo hinkwawo.

Ku bula hi ntsheketo no kombisa ku titwa na mavonele.

## Kotara ya 3: Mavhiki ya 1 - 4

### 76 Ku ehleketa hi xitori 24

Ku tsala nkatsakanyo wa xitori ku hlamuseriwa matumbulukelo ya kungu na swiendlo swo hambana eka xiyege xin'wana na xin'wana. Ku bula hi swimunhuhatwa leswi nga exitorini.

Ku tirhisa mabumabumeri ku hlamusela swimunhuhatwa.

Ku tsala xivulwa xa mbangu wun'wana na wun'wana lowu kombisiweke eswifanisweni.

Ku tsundzuka ndzandzelelano wa xitori lowu faneleke.

### 77 Ku ehleketa hi swimunhuhatwa 26

Ku tsala mabumabumeri ya mahanyelo ya N'wanghala.

Ku tsala ndzimana ya nhlamuselo hi N'wanghala.

Ku vulavula hi mabumabumeri yo hlamusela mahanyelo ya N'wanghala.

Ku tsala nhlamuselo ya munhu wo karhi loyi a hanyakha.

Ku tsala nhlamuselo ya mahanyelo.

### 78 Ku languta ririmi 28

Ku bvumba xitori hi ku bula hi swifaniso.

Ku tirhisa maendlili.

Ku tsala xivulwa hi leswi humelelaka eswifanisweni.

Ku tsala swivulwa nakambe ku tirhisiwa riendlili leri faneleke.

Ku hetisa swivulwa.

### 79 Ku vumba maviti 30

Ku tsala swivulwa ku tirhisiwa chati. Ku boxa maviti-riendlili.

Ku bula hi xiyimo xa hefemulo na leswi xi cincisaka xiswona nhlamuselo ya xivulwa.

Ku dirowa xifaniso.

### 80 Swi hlanganise 32

Ku tirhisa mahlanganisi ku vumba swivulwa-nkatsano.

Ku boxa maendlili na maviti eswivulweni.

# Mufana u lava vuswikoti bya yena



A hi hlayeni



U ta hlaya xitori lexi eka  
maphepha yo tirhela  
mambirhi

## Loko u nga si hlaya

- Languta swifaniso na tinhlokomhaka kutani u ringeta ku bvumba leswi xitshuriwa xi nga ta vulavula hi swona.
- Sikima pheji ku vona leswi u nga ta swi hlaya.



## Loko u ri karhi u hlaya

- Pimanisa ku bvumba ka wena na leswi u swi hlayeke.
- Loko u nga twisisi xiyenge xo karhi, tlhela u xi hlaya hi ku nonoka. Xi hlayele ehenhla.

A ku sungula tiholideyi ta swikolo. Charlie, loyi a tshama eLimpopo, a byala matsavu exirhapeni xa vaakandhawu lexi a xi langutane na yindlu ya ka vona. Loko a ku kelu, u vonile munghana wa yena Dingani a hundza.

"Xewani Dingani. Xana u ta endla yini hi nkarhi wa tiholideyi ta swikolo?", ku vutisa Charlie.

"Ndzi mudzaberi wa ntlawa wa bolo ya milenge laha xikolweni, kutani hi ta va hi endla vutiori masiku hinkwawo ku tilulamisela thonamente leyikulu", ku hlamula Dingani.  
"Lembe leri, ndza tshemba leswaku hi ta hlula!"

"Heyi, swi sasekile!" ku hlamula Charlie.

Loko Dingani a tsutsumile a hundza, Charlie u sale a n'unun'uta a ri yexe, "Ndzi navela ku va eka xipanu xa bolo ya milenge. Ndzi ta sungula ku endla vutiori."

Vhiki leri landzelaka, Charlie a tihlanganisa na Dingani eka vutiori bya ntlangu wa bolo. U tlangile na ntlawa kambe a swi fambangi kahle. U tiphijile hi milenge ya yena n'wini, a tlhela a howisela ntlawa lowun'wana.

Loko ntlangu wu hela, Charlie u swi vonile xikan'we leswaku swa ntlangu wa bolo a hi swa yena. U tlhelele ekaya a fika xikan'wekan'we a tlhelela exirhapeni.

Endzhaku ka nkarhi, hi loko a vona Jan a ri karhi a tihundzela. "Xewani Jan!" a huwelela. "Xana u ta va u endla yini tiholideyi leti?" Jan a hlamula a ku, "Ndzi le khwayereni ya kereke, kutani ndzi ta va ndzi endla switoloveto swo yimbelela tiholideyi leti."  
"Hi lulamisela khonsati leyikulu leyi nga ta va kona."

Charlie a hefemulela ehenhla. "Yoo, ndzi navela onge ndzi nga yimbelela", a anakanya. Munhu un'wana na un'wana u endla leswi n'wi tsakisaka, loko yena a hetu tiholideyi ta yena hi ku tirha exirhapeni.



Siku:



Hlamula xivutiso lexi hi ku gwajula bokisi ra nhlamulo leyi nga yona.

**Xana Charlie a ri kwihi eku sunguleni ka xitori?**

- |   |                           |
|---|---------------------------|
| A | Exirhapeni xa vaakandhawu |
| B | Exikolweni                |
| C | Erivaleni ra mintlangu    |
| D | Exitarateni               |



Marito lamantshwa

Tsala swivilwa swimbirhi leswi hi byelaka leswaku Charlie a navela ku va na nyiko yo fana na ya vanghana va yena.



Tsala swilo swimbirhi leswi nga nyawuliki leswi Charlie a swi endleke loko a ringeta ku tlanga bolo ya milenge.



Xana Jan a kunguhata ku endla yini hi tiholideyi ta swikolo?

Xana Charlie u titwise ku yini hi ntirho wa yena wa xirhapa endzhaku ka ku vulavula na Jan?

Xitori xi hi byela leswaku endzhaku ka switoloveto swa bolo ya milenge, Charlie u tlhelerile ekaya a ri karhi "a koka milenge".



**Xana leswi swi ku byela yini hi matitwelo ya Charlie?**

- |   |                             |
|---|-----------------------------|
| A | A lava ku cina.             |
| B | A tsanile.                  |
| C | A chuhile.                  |
| D | A lava ku tirha exirhapeni. |

TEACHER: Sign \_\_\_\_\_ Date \_\_\_\_\_

# Charlie a ya emahlweni no lava



## A hi hayeni

Eka mavhikinyana lawa ya nga landzela, Charlie u vonile phamfulete leyi a yi vitana vana lavatsongo ku nghanela ntawa lowuntshwa wa vayimbeleri. Xana u ehleketa leswaku u endle yini? U yile ku ya kamba loko a ri na vuswikoti. Kambe loko a ri karhi a yimbelela, rito ra yena a ri huwelela. Un'wana wa vaahluri u kokile xikandza, kutani Charlie a swi vona xikan'wekan'we leswaku a nge hlawuriwi. Charlie u tlhelerile ekaya a koka milenge a rhwale saka ra tingana a tiyela exirhapeni xa yena. "Hinkwavo vanghana va mina va na vuswikoti byo hlawuleka," a ehleketa. "Ndzi navela ku va na nchumu wun'we lowu ndzi wu kotaka ngopfu." Eka tiholideyi ta yena ta xikolo, Charlie u yile emahlweni no ringeta ku lava vuswikoti bya yena kambe nkarhi wun'wana na wun'wana a tlhelela ekaya na saka ra tingana kutani a ya exirhapeni xa yena ku ya tirha kona.

Loko masiku ya holideyi ya ya eku heleni, Charlie u tlhele a vona vanghana va yena, Dingani na Jan. "Xana thonamente ya bolo ya milenge a yi ri njhani?" a vutisa Dingani. "Hi hlurile!" ku hlamula Dingani. "Xana khonsati yi fambise ku yini?" Charlie a vutisa Jan. "Yi mundzuku. Kambe khwayere ya hina yi tirhe hi matimba swinene naswona ndzi ta yimbelela solo!"

"Hoyohoyo!" ku vula Charlie eka vona. "Ndzi navela onge ndzi nga va na swin'wana leswi ndzi nga tinyungubyisaka hi swona."

"U le ku hi vungunyeni?" ku vutisa Jan. Matsavu ya wena exirhapeni ya kurile! Ya languteka ya nandziha no va kahle swinene! Minkarhi hinkwayo loko ndzi ringeta ku byala xa nchumu, xi hundzuka muhlovo wa buraweni kutani xi fa. Ndzi navela onge ndzi nga va na nyiko ya wena yo byala swimilana. "Hakunene?" ku hlamula Charlie. "Mina a ndzi ehleketa leswaku ku tirha swa xirhapa a hi nchumu wo hlawuleka." A n'wayitela. "Hikokwalaho ka yini mi nga ti hi vumbirhi bya n'wina hi ta ta tlangela ku hlula ka Dingani eka bolo ya milenge? Tanani hi ta lalela swin'we. Hi ta dya matsavu yo huma exirhapeni xa mina, kutani loko hi hetile hi ta ya ekhonsatini ya Jan".

(Xihlovo: Sampulu ya swivutiso na swiletelo swa prePIRLS)



## A hi tsaleni

Xana u swi tivisa ku yini leswaku xipanu xa bolo ya milenge xa vaDingani xi na vuswikoti?

Hlamula swivutiso leswi hi ku gwajula nhlamulo leyi nga yona.

### Xana Jan u pfune Charlie ku dyondza yini eku heteleleni ka xitor?

- A A ri na vuswikoti eka swo karhi.
- B A kota ngopfu bolo ya milenge.
- C Ku tirha exirhapeni i ntirho wo tika.
- D Vanghana va yena a va ri na vuswikoti ku tlula yena.

### Hikokwalaho ka yini Charlie a rhambile vanghana va yena?

- A Ku ta tlangela ku hela ka ximumu.
- B Ku ta tlangela vuswikoti bya yena na bya vanghana va yena.
- C Ku ta tlanga ntlangu wa bolo ya milenge.
- D Ku ta va dyondzisa hi ta xirhapa.




Siku:



Languta xitori xa: *Mufana u lava vuswikoti bya yena kutani u kuma marito lawa ya vulaka leswi landzelaka.*

ku languta hi ku hatlisa (phepha ro tirhela 65)	
ku vulavula u tlangisa munhu (phepha ro tirhela 66)	
ku titwa ka munhu (phepha ro tirhela 66)	
rito ro tlangerisa munhu loko a humelele eka xanchumu (phepha ro tirhela 66)	
ku kota ku endla xanchumu (phepha ro tirhela 66)	



Xana Charlie u ringetele micingiriko yihi?



Eka Dayari

Siku

TEACHER: Sign \_\_\_\_\_ Date \_\_\_\_\_

# Ku tsala xitori xa mina



Langutani xitori xa *Charlie na vuswikoti* bya yena nakambe kutani mi vulavula hi swivutiso leswi:

- ❖ Xana i vamani swimunhuhatwankulu?
- ❖ Xana xiphiqo hi xihi?
- ❖ Xana xitori xi humelela kwihi?  
Hlamusela mbangu.
- ❖ Xana hi swihi swiendleko leswi humelegaka?



Sweswi kunguhata ku tsala xitori xa wena.



• Tirhisa mepe wa miehleketo ku ku pfuna ku kunguhata tsalwa ra wena  
• Kombela munghana wa wena ku hlela mpfapfarhuto wa wena • Pfuxeta xitshuriwa xa wena u tlhela u endla ndzulamiso • Pfuxeta xitshuriwa xa wena u tlhela u endla ndzulamiso lowu faneleke  
• Xi tsale hi vukheta eka xivandla lexi nga eka pheji leri nga langutana na leri.

Xana i vamani swimunhuhatwa swa wena?

---



---



---

Xana xitori xi humelela kwihi?

---



---



---

Xana xitori xi vulavula hi yini? (Hi xihi xiyimo kumbe xiphiqo?)

---



---



---

Xana hi swihi swiendleko leswi humelegaka?

---



---



---

Xana xi herise ku yini? Xana ku ve na xintshuxo eka xiphiqo lexi?

---




---



---

Siku:

Sweswi tsala xitori xa wena. Tirhisavavonele lama nga emepeni wa wena wa miehleketo.



TEACHER: Sign  Date



A hi tsaleni

Tatasa risivi-komba leri faneleke.

lexi

letiya

leswo

loyi

Tihomu \_\_\_\_\_ i ta tatana.

Charlie a byarile swiluva \_\_\_\_\_ exirhapeni  
lexi lembe leri nga hela.

Mufana \_\_\_\_\_ u lavana na talenta ya yena.

Xikero xa mina hi \_\_\_\_\_.

Susa switirho \_\_\_\_\_ u swi veka kahle.

Munhu \_\_\_\_\_ u huma kwih?

Masivi-komba i marito lama hi kombaka ndhawu yo sungula, ya vumbirhi na ya vunharhu. **Leri** i risivikomba ra ndhawu yo sungula, ku nga ndhawu ya le kusuhi swinene, **lero** ri komba ndhawu ya vumbirhi, ndhawu ya le kulenyana kasi **leriya** ri komba ndhawu ya vunharhu ku nga ndhawu ya le kule.



## Mavutisi

**Mavutisi** i marito lama hi ma tirhisaka loko hi vutisa swivutiso.

Swikombiso swa mavutisi hi leswi landzelaka: **rini, yini, mani, xihi, tihu na kwihi.**

Tatasa rivutisi leri faneleke ku hetisa swivutiso leswi landzelaka.

Pensele ya mina yi .....?

Lexi i ximilana xa .....?

Vanhu va muti lowu va ye .....?


Siku ra wena ra ku velekiwa hi .....?

Swikolo swi ta pfala .....?

U velekiwe hi n'hweti .....?

Xivongo xa wena i xa ka .....?

Swi endlisiwa ku ..... swilo leswi?



Siku:

## Masivi-ntalo

Tinxaka ta masivi-ntalo



Ku na tinxaka to hambana ta **masivi-ntalo**. **Risivi-ntalo** ra nsinya wa hinkwa-, risivi-ntalo ra nsinya wa -xe na risivi-ntalo ra nsinya wa swa-. Xikombiso xa masivi-ntalo: hinkwako, hinkwerhu, swanga, toxo, hexe, hinkwaswo, swavo na swaku.

Nkhwatihata masivi-ntalo eswivulweni leswi u tlhela u vula na nsinya wa rixaka rin'wana na rin'wana.

Vana hinkwavo etlilasini ya mina va pasile xikambelo.

**Nsinya wa**

**hinkwa-**



Ndzi ye evhengeleni ndzi ri swanga.




Ximanga xi dyile vuswa hinkwabyo.




Mpfula yi na etikweni hinkwaro.



Va titsalele hi voxé.



Xitimela hinkwaxo xi tshwile.



Magezi u ta famba a ri yexe.



Tlhela u hlamusela xitori xa Charlie hi ndzandzelelano wa kahle. Tirhisa marito lama, **xo sungula, kutani, endzhaku, ku landzela na eku heteleleni.**



TEACHER: Sign \_\_\_\_\_ Date \_\_\_\_\_

# A hi kambisiseni buku

**Vito:** Matilda

**Mutsari:** Roald Dahl

Yi kandziyisiwe hi Ndzati 2004

Yi kandziyisiwe hi Puffin

Nhlayo ya mapheji, 240

**Vatlangi:** Matilda Wormwood, N'wa-Honey na Manana Trunchbull

**Mbangu:** Exikolweni na le ka ndyangu lowu nga eNghilandhi

**Kungu**

Matilda a ri nhwanyana wo tlhariha swinene na ku va ni rirhandzu ro hlaya tibuku. **Vatsvari** va yena, Manana na Tatana Wormwood, a va **ehleketa** leswaku u va **dyisa mbitsi** naswona leswi a swi endla a swi hume endleleni. Matilda a ehleketa leswaku vona a va tsakisiwa ntsena hi ku **languta** thelevhixini na ku endla mali. Kutani u ehleketile ku va twisa ku vava. Hi loko a kuma leswaku a ri na matimba yo kala ya nga tololekangi lama a ya ta va na mpfuno eka muti hinkwawo na le ka xikolo xa yena xa Crunchem Hall laha Matilda na vadyondzikulobye a va ri na nhloko ya xikolo ya wansati wo chavisa- Manana Trunchbull.



Hlaya nkambisiso wa buku kutani u hlamula swivutiso leswi landzelaka.

I vamani vanhu lava languteriwaka ku hlaya buku leyi? U nga gwajula mintlawa yo tala.

vafana		vanhwanyana		vanhu lavakulu		vantshwa		9 ku fika eka 13.	
--------	--	-------------	--	----------------	--	----------	--	-------------------	--

Ku suka eka vuxokoxoko lebyi nyikiweke eka nkambisiso wa buku, tsala swivulwa swinharhu u hlamusela Matilda.

U ehleketa leswaku buku yi vulavula hi yini?

---



---



---



---


Dirowa ntila u pananisa marito lama na tinhlamuselo leti faneleke.

anakanya		hlalela
ku dyisa mbitsi		vatsvari
languta		ehleketa
vabeburi		ku karhata

Siku:



Tsala nkambiso wa buku kumbe wa xitori lexi u xi hlayeke u tlhela u xi tsakela. Loko u hetile mpfuxeto wa wena, kucetela munghana wa wena ku hlaya buku na yena.



Vito ra buku	
Mutsari	
Kungu Xana ku humelela yini exitorini?	
Mbangu Xana xitori xi humelela kwahi na swona rini?	
Swimunhuhatwa Xana i vamani vanhu lava nga kona exitorini?	
Xana buku ya kona i fikixini?	
Nkongomelo Xana xitori xi vulavula hi yini? Xana hungu ra xitori hi rihi?	
Leswi ndzi swi tsakeleke Xana hi xih xiphemu xa xitori lexi xi nga hlawuleka?	
Swibumabumelo Xana u nga bumabumela buku leyi eka vanghana va wena?	



TEACHER: Sign \_\_\_\_\_ Date \_\_\_\_\_


# Ntlangu wa minkarhi ya riendlī



## MILAWU

Tlangani ntlangu wa minkarhi ya riendlī. Hoxa dayizi kutani ri wela exibokisanini. Tsondzela nhlamulo leyi nga yona. Loko u tsondzela nhlamulo leyi hoxekeke, a wu nga tlangi loko nkarhi wa wena lowu landzelaka wu fika. Loko u fika eka nomboro ya 35 u nga si tsondzela na nhlamulo na yin'we exibokisanini, u fanele ku ya u ya sungula eku sunguleni. Tlanga ntlangu ku kondza u kota ku tsondzela tinhlamulo leti nga tona hinkwato. Munhu loyi a tsondzeleke tinhlamulo hinkwato leti nga tona ro sungula i muhluri wa ntlangu.

### SUNGULA



**32**

Vhiki leri taka ndzi  
**ya/ta ya** eDurban.

**31**

Mundzuku ndzi **ta**  
**tlanga/tlanga** netibolo.

**30**

U hundziwa  
hi nkarhi wo  
tlanga.

**33**

Hi **ta ya/ya**  
eLondon.

**34**

Xana u **vona/**  
**vonile** yini?

**35**

Xana  
u/a wu ri  
muhluri?

**14**

Va **khandziya/**  
**khandziyile**  
bazi.

**13**

Charlie **u/a** le  
xirhapani.

**17**

Hi **dya/dyile**  
mihadzu.

**18**

Vavanuna  
va **phasile/**  
**phasa**  
tinhlampfi.

**16**

Tlanga  
nakambe.

Ndzi **tirha/**  
**tirhile** nivusiku.

**19**

Vafana va  
**vatlide/vatla**  
swinkombyana.

**20**

U hundziwa  
hi nkarhi wo  
tlanga.

**21**

Hi **hlalela/**  
**hlalerile**  
thelevhixini.

**23**

U **famba/**  
**fambile** rini?

**22**

Hikwalaho ka  
yini u **onha/**  
**onhile** buku?

**28**

Manana u **swekile/**  
**sweka** vuswa.

**27**

Tatana u **chayela/**  
**chayerile** movha.

**26**

Ndzi **tsarile/tsala**  
papila.

**25**

Kuma minkarhi  
minharhu yo  
tlanga.

**24**

Hi **ta**  
**dya/dya**  
matimba.





A hi hlayeni

Siku rin'wana nivusiku loko ndzi ri na malembe ya kaye, ndzi twile nkalanga ekaya. Ndzi kume tata wa mina a etlerile hi **xikosi** ehansi endlwini ya mana wa mina ya byanyi. Leswi a swi tikomba onge a ku ri makumu ya yena ya ku khohlola loku a kunga ri na ku hela. A vabya a khomiwe hi vuvabyi bya rifuva. Endzhakunyana hi loko tatana a lova kutani **vutomi bya mina byi cincela makumu**. A ndzi fanele ku ya ndzi ya tshama eka malume loyi a ta kota ku ndzi hlayisa no ndzi yisa exikolweni. Ndzi longile swilo switsongo leswi a ndzi ri na swona ndzi famba na manana hi ya ekaya ra mina lerintshwa.

A swi ndzi tikela ku suka eQunu. Ndzi hundzulukile ndzi languta ekaya ka hina na ntsako lowu a ndzi wu siya kona. Ndzi langutile tiyindlu ta ka hina to fuleriwa hi byanyi na vanhu lava a va tifambafambela va ri karhi va tiendlela swa vona. Ndzi languta na xinambyana lexi a hi hamba hi tlanga no ticheletela hi mati na vafana van'wana. Mahlo ya mina ya fika ya wisa eka tiyindlu ta ka hina tinharhu leto fuleriwa hi byanyi. Ndzi famba-kambe a ndzi nga swi koti ku anakanya hi **vumundzuku** bya mina.



Ndzi yile ndzi ya tshama na malume Jongi eMqhekezweni, emugangeni wa le kusuhi. A ri munghana lonkulu wa tata wa mina. A ndzi navela Qunu na ndyangu wa ka hina, kambe vutomi lebyi a hi hanya byona na malume Jongi a byi ri lebyinene. A ndzi tlanga na n'wana wa yena wa mufana Justice naswona a hi tiphina swinene. Malume a ndzi hlayisa tanihi n'wana wa yena wa xiviri. Ndzi dyondzile exikolweni lexi a xi ri ekusuhi xa tlilasi yin'we, ndzi dyondza Xinghezi, Xiqhoza, Matimu na Ntivomisava. A ndzi tikarhata swinene exikolweni. A ndzi humelela eka ntirho wa mina wa xikolo hikuva hahani a kambisia ntirhokaya wa mina nimadyambu.



Loko ndzi ri na 16 wa malembe, malume Jongi u ndzi rhumerile exikolweni xa Clarkebury. Malume a tshemba swinene leswaku dyondzo i ya nkoka ku fana na tata wa mina.

Clarkebury a yi ri ya **xiyimo xa le henbla** ku ri na Mqhekezweni. Xikolo hi vuxona a xi ri na miako ya tidazeni timbirhi leyi a yi akisiwe **xihlampfa**.

Hi siku ro sungula ra xikolo ndzi ambarile tibutsu ta mina letintshwa. Loko ha ha susumetana ku nghena etlilasini, tibutsu ta mina ti ri karhi ti khuhlana na fuloro yo vangama ya mapulanga, ndzi lemukile vanhwanyana vambirhi lava a va tshame emahlweni va ri karhi va langute no tsakisiwa hi fambelo ra mina ra **vuphuphula**. Ndzi tikume ndzi tolovelane na un'we wa vanhwanyana lava kutani a va munghana wa mina lonkulu eClarkebury.






Ndzi hatlise ndzi tolvela vutomi bya le Clarkebury. A ndzi tlanga mintlangu hilaha ndzi koteke hakona kambe vuswikoti bya mina eka mitlangu a byi kayivela. Vadyondzikulorhi a va ndzi tlula etimbaleni ta mintlangu na le ka swa tidyondzo. A ndzi fanele ndzi tikarhata leswaku ndzi kota ku va tshinelela.

Endzhaku ka masungulo ya mina yo nonoka, ndzi swi kotile ku kuma leswi a swi endlisiwa xiswona kutani matirhelo ya mina ya antswa no tlakukela ehenhla. Ndzi kote ku heta tidyondzo ta mina ta setifikheti ya le hansi

(Giredi ya 10) hi malembe mambirhi ematshan'weni ya malembe manharhu. Ndzi tivekile hi ndhuma yo va na **byongo byo olova**, kambe ntiyiso wa kona hi leswaku a ndzi tirha hi matimba. Loko ndzi ri na 21 wa malembe ndzi yile ndzi ya dyondza eYunivhesiti ya Fort Hare. Kambe sweswo i switori swa nkarhi wun'wana.



Xana marito lama ya nga tsariwa hi ku tikisiwa ya vula yini? Languta marito yo tika eka dikixinari kutani u vumba swivulwa hi wona ku komba leswi ya vulaka swona. Tsala swivulwa leswi laha.




- ❖ Hlamusela vuhangi bya Nelson Mandela endzhaku ka loko tata wa yena a lovile.
- ❖ Xana vutomi bya yena byi cince hi ndlela yihi endzhaku ka rifu ra tata wa yena?
- ❖ Xana u tiva yini hi swikolo swimbirhi swo hambana leswi boxiweke laha xitorini?



Hetisa tafula leri nga laha hansi hi ku longoloxa swiendlekonkulu swa vutomi bya Nelson Mandela eka swiyimo swo hambana swa vutomi bya yena.

Xiyimo kumbe malembe evuton'wini bya yena	Xana hi xihi xiendlekonkulu lexi boxiweke?

# A hi tsalenii xitori



Kunguhata ku tsala xitori xa wena. Anakanya leswi u lavaka ku tsala xitori hi swona. Tatisa mepe wa miehleketo lowu nga laha hansi ku nyika xitori xa wena masungulo, xikarhi na mahetelelo.



- Tirhisa mepe wa miehleketo ku ku pfuna ku kunguhata tsalwa ra wena
- Kombela munghana wa wena ku hlela mpfapfarhuto wa wena • Pfuxeta xitshuriwa xa wena u tlhela u endla ndzulamiso • Pfuxeta xitshuriwa xa wena u tlhela u endla ndzulamiso lowu faneleko
- Tsala swi basa ebukwini ya wena.

## Masungulo

Sungula hi ku vula leswaku ku humelele yini eku sunguleni.

---



---



---

## Xikarhi

Vula leswaku ku humelele yini exikarhi ka xitori.

---



---



---

## Xitori xa mina

### Leswi landzelaka

Vula leswi humeleleke endzhaku.

---



---



---

### Mahetelelo

Xana xitori xi herise ku yini?

---



---



---

Tatisa mepe lowu wa miehleketo

Xana swimunhuhatwa i vamani?

---



---



---

Xana matshamelo hi wahi?  
Xana xitori xi humelela kwihi?

---



---



---

Ku humelela yini?

---



---



---

## Xana u ta tsala hi yini?

Xana xi herise ku yini? Xana hi swihi leswi a swi tsakisa eka xitori?

---



---




---

Tirhisa mepe wa miehleketo ku tsala mpfapfarhuto. Kombela munghana wa wena ku hlela mpfapfarhuto wa wena. Lulamisa kutani u tsala xitori eka papila leri landzelaka.






## Siku:



Tirhis mepe wa wena wa miehleketo ku tsala xitori.

SUNGULA



HETA

TEACHER: Sign

Date



A hi hlayeni

Vhiki leri u ta hlaya hi ntsheketo wa Xizulu. Mintsheketo a yi tsariwanga ehansi. Mintsheketo yi runguriwa yi suka eka rixaka rin'we yi ya eka rin'wana. Vanhu va rungulela vana va vona mintsheketo - a va yi tsali.

Mintsheketo yi na dyondzo leyinene yi tlhela yi hungasa. Yi tlhela yi hlanganisa vanhu.

Vana va mindhavuko yo hambana va yingisela mintsheketo yo fana, leswi swi va endla va titwa va ri van'we.

Eka mintsheketo yo tala hi hlangana na swiharhi swo kota ku vulavula.



- Tirhisa mepe wa miehleketo ku ku pfuna ku kunguhata tsalwa ra wena
- Kombela munghana wa wena ku tlhela mpfapfarhuto wa wena ● Pfuxeta xitshuriwa xa wena u tlhela u endla ndzulamiso ● Pfuxeta xitshuriwa xa wena u tlhela u endla ndzulamiso lowu faneleke
- Tsala swi basa ebukwini ya wena.

Jabu a ri mufana wa murisi wa 14 wa malembe. A tinyungubyisa hilaha a hlayisa ntlhambi lowukulu wa tihomu ta tata wa yena. Siku rin'wana ro kufumela ra xixikana, loko Jabu a ri karhi a titshamele ehenhla ka xintshabyana, a hlalele swifuwo swa ka vona. Munghana wa yena Sipho u humelerile eka yena a ri karhi a tsutsuma.

"Xana u ya twile mahungu, Jabu?" ku vutisa Sipho a ri karhi a hefemuteka. "N'wanghala u voniwile kwala tolo a ri karhi a fambafamba. U dlayile homu. Vavanuna va le ku rhiyeni ka swirimbana ku n'wi phasa. Tlherisela ntlhambi wa ka n'wina etshangeni kutani u ta hi ta ya vona loko vavanuna va rhiya swirimbana!"

Jabu a hlamarile. "Ndzi nga ka ndzi nga tlheriseli tihomu etshangeni, Sipho," a hlamlula. "Ka ha ri mpundzu ngopfu. Swifuwo swi fanele ku heta ku dya byanyi, kutani ndzi swi yisa enambyeni ku ya nwa mati ndzi nga si ya swi pfalela etshangeni."

Sipho a khomiwe hi tingana kambe a swi tiva leswaku a nga fanelangi ku sindzisa Jabu. "Hi swona", a hlamlula. "Ndzi ta ku vona endzhaku ka nkarhi, kumbexana le ndzilweni nimadyambu." "Ndza ha ya vona vavanuna." A suka hi ku tsutsuma. Jabu u sungurile ku khayima tihomu ta yena kutani a ti byisela enambyeni ku ya nwa mati. Loko ti ri karhi ti nwa, a tshamile a ri karhi a pete minkondzo ya yena ematini.

Jabu u twile mpfumawulo lowu nga n'wi rhurhumerisa. "Hhhhh!" Hi loko tihomu ti khoma hi ku chava ti yima ti ku dzii! A ku ri N'wanghala naswona a ri ekusuhi swinene. Jabu a halahala hi vuxiyaxiya. Matsolo ya yena ya ri karhi ya rhurhumela, a vuyetela tihomu ta yena leswaku ti ba xirhendzevutana. "Ku vomba loku a ku vuli leswaku ndzi ta ku dya," a ehleketa. "N'wanghala u twakala a ri ekhombyeni. Ndzi ehleketa leswaku ku vomba lokuya a ku ri xirilo xo kombela ku pfuniwa. Jabu hi loko a sungula ku famba a kongoma laha nghala a yi twakala kona.

N'wanghala a phasiwile eka xin'wana xa swirimbana leswi rhiyiweke hi vavanuna. Nhloko ya yena a yi phaseke exirimbanini naswona loko a ri karhi a ringeta ku chukuvanya, xirimbana a xi ya xi n'wi manya hi matimba. Jabu a

yima a languta. A nga si tshama a vona hosi ya swiharhi yi ri ekusuhi. Hakunene nghala a yi ri xiharhi lexi a xi fanele hi vuhos. Loko Jabu a ri karhi a langute N'wanghala a ri karhi a lwela vutomi bya yena, a sungula ku n'wi twela vusiwana. N'wanghala u vonile mufana kutani a vulavula na yena.

**N'wanghala:** Hawu! Mufana! Ndzi kombela u ndzi pfuna. A ndzi koti ku titshunxa.


Xana u nga swi kota ku tlakusa nsimbhi ley i tshikelelaka nhloko ya mina ehansi? Ndza kombela!

Jabu u langutile mahlo ya N'wanghala. A twa ku xaniseka ko lava ku pfuniwa loku a ku huma eka rito ra N'wanghala.

**N'wanghala:** Ndza kombela, mufana! Ndza kombela, ndzi tshunxe vahloti lavaya va nga si fika ku ta ta ndzi dlaya. Ndza kombela, ndzi tshunxe!

**Jabu:** Ndza swi navela ku ku tshunxa N'wanghala, kambe ndza chava leswaku loko ndzo ku pfuna, u ta ndzi dya.

**N'wanghala:** E-e mufana, a hi swona, ndzi nga ka ndzi nga dyi mupfuni wa mina! Ndza ku tshembisa, ndzi nga ka ndzi nga khumbi na nsisi na wun'we enhlokweni ya wena! Ndza ku tshembisa!



Bula na munhana wa wena hi swivutiso leswi landzelaka.

- ❖ Xana hi swihi swimunhuhatwankulu eka xitori lexi?
- ❖ Xana hikokwalaho ka yini Sipho a nyanyukile loko a tsutsumela eka Jabu?
- ❖ Xana Jabu a ri kwihi loko Sipho a n'wi kuma?
- ❖ Languta swifaniso u tlhela u hlamusela mbangu (ndhawu) wa laha xitori xi humeleleke kona.
- ❖ Xana ndhawu ley i hambane njhani na laha u tshamaka kona? Hlamusela ku hambana loku.
- ❖ Xana u ehleketa leswaku Jabu a ri munhu wo tiva ntirho wa yena? Hikokwalaho ka yini u ehleketa hi ndlela yeleyo?



Xana u ehleketa leswaku xitori lexi xi ta herisa ku yini?  
Xana u ehleketa leswaku Jabu u ta tshunxa N'wanghala?

- ❖ Emintlaweni, vumbani mahetelelo ya xitori lexi kutani mi encenyeta ntlangu etilasini ya n'wina. Mi fanele ku kuma vanhu lava va faneleke ku encenyeta Jabu, Sipho na N'wanghala. Mi ta fanelu ku lava na tihomu to hlayanyana.
- ❖ Tekani xiboho mi hlawula ntlawa lowu wu tluleke yin'wana mintlawa.

# Jabu u twa ku bonga ka nghala



Tlhela u languta xitori kutani u hlamula swivutiso leswi.

**1. Jabu a nga swi tsakeli ku ya a ya vona swirimba. Hikuva**

- |   |   |
|---|---|
| A | a ku ri ekule ngopfu.                   |
| B | a karhele.                              |
| C | a lava ku ya nwisa tihomu ta yena mati. |
| D | a tiva leswi xirimba a xi ri xiswona.   |

**3. Hikwalaho ka yini matsolo ya Jabu a ya rhurhumela?**

- |   |                               |
|---|-------------------------------|
| A | A twa ku titimela.            |
| B | A chava N'wanghala.           |
| C | A nga koti ku khayima tihomu. |
| D | A tivavisile matsolo.         |

**2. Xana mutsari wa xitori u vula yini loko a ku: "tihomu ti yima ti ku dzii!?"**

- |   |  |
|---|--|
| A | A ti twa ku titimela.                  |
| B | A ti chava kutani ti nga ha ninginiki. |
| C | A ti swi lavi ku ya enambyeni.         |
| D | Ti hundzuke gamboko.                   |


**4. Ha swi tiva leswaku Jabu a ri munhu loyi a ri na vutihlamuleri hikuva**

- |   |                                    |
|---|------------------------------------|
| A | a hlayisa tihomu ta ka vona.       |
| B | a nga ta sukela tihomu ti ri toxo. |
| C | a tshame eka xintshabyana.         |
| D | a vulavula na n'wanghala.          |



Tsala tinomboro eka swifaniso ku ya hi ndzandzelelano lowu faneleke wa xitori.

*Ndzi khomele, Ndzi nga ka ndzi nga fambi na wena Sipho.*



Siku:



Sweswi tsala swivulwa u hlamusela leswi humevelaka eka xifaniso  
xin'wana na xin'wana xa leswi nga le ka papila leri hundzeke.

1	
2	
3	
4	

Hlaya ndzimana nakambe kutani u nkhwatihata maendli hinkwawo lama u nga ta ma kuma.  
Hlawula ntlhanu ya wona kutani u ma tirhisa ku vumba swivulwa.




Yelanisa marito lama landzelaka na tinhlamuselo ta wona.

vuxiyaxiya      rila      sekele      tshemba      khula      nghozi      khensa  
byisa

Tsala mavizweni wa rito rin'wana na rin'wana eswivandleni leswi nyikiweke.

xirhendzevutana	khombo	kholwa	cema
khayima	nwa	vonga	vukheta
byisa			

Sweswi bana xirhendzevutana eka riendli leri faneleke.

Jabu u **ehleketa/ehleketile** qhinga ro tshunxa N'wanghala.

A hi helangi hi **tiva/tivile** mahanyelo ya N'wanghala.

Nghala yi **endlile/endla** xitshembiso kambe yi tlhela yi xi **tshovile/tshova**.

Manana u **sweka/swekerile** vandyangu swakudya swo lalela kutani va **dya/dyile** swin'we.

Madambu wolawo vavanuna va **tshamile/tshama** endzilweni va **vulavurile/vulavula** hi  
leswi nga humevela.

TEACHER: Sign \_\_\_\_\_ Date \_\_\_\_\_

# Ku humelete yini eka N'wanghala?



A hi hlayeni

A hi languteni leswi Jabu a swi endleke hi nghala.

N'wanghala u xavelerile hi ndlela yo twisa vusiwana lero kala Jabu a n'wi tshemba kutani a n'wi tshunxa. U tlakusile nsimbhi ya xirimbana leyi a yi ri ehenhla ka nhloko ya N'wanghala. N'wanghala u tlurile a suka exirimbanini kutani a tidzudza voya.

**N'wanghala:** Aaa, inkomu, mufana. Ndza ku kolota hakunene. Nhamu ya mina a yi sungula ku tika hikokwalaho ka xirimbana naswona a ndzi chava ku dlayiwa hi vahloti. Sweswi mufana, ndza kombela, ndzi khomiwile hi torha, ndzi kombete laha nambu wu nga kona.

**Jabu:** Wu kwala kusuhi. A hi fambe.

**N'wanghala:** Swi na vusiwana ku tlanga hi swakudya swa kahle.

**Jabu:** Ndzi ku ponisile eka vahloti naswona u tshembisile ku ka u nga ndzi dyi.

**N'wanghala:** Ina, u tiyisile. Ndzi endlile xitssembiso. Kambe sweswi ndzi nga tshunxeka a ndzi voni nkoka wo hlayisa xitssembiso xa mina. Ndzi twa ndlala ngopfu.

**Jabu:** U endla xi hoxo lexi kulukumba ngopfu. A wu fanelangi ku tshova xitssembiso xa wena.

**N'wanghala:** Yhuu! A swi twali sweswo! Ndzi lava ku ku dya sweswi, mufana. Ku vulavula loku ku ndzi khomisa ndlala ngopfu!

**Jabu:** Kambe u endlile xitssembiso. Loko wo xi tshova, xi ta tlhela xi vuya eka wena xi ta ku xupula. N'wamhungubye wo tlhariha loyi a yingiserile u yile eka N'wanghala na mufana ku ya twa hi ta xitssembiso lexi a va vulavula hi xona.




**N'wamhungubye:** Xana hi xihi xitssembiso lexi mi vulavulaka hi xona. Hosi, hikokwalaho ka yini mi endlle xitssembiso?

**Jabu:** Ndzi tshunxile N'wanghala exirimbanini kutani u endlile xitssembiso.

**N'wamhungubye:** Xitori lexi a xi twali. U vula leswaku hosi leyikulu ya swiharhi, a yi khomiwile hi xirimbana lexi? A hi ntiyiso. A ndzi swi tshembi mina.

**N'wanghala:** I ntiyiso, a xi ri xirimbana xo tiya lexi a xi rhiyiwe hi ndlela yo bohana na vutlhari swinene!

**N'wamhungubye:** A ndzi tshembi leswaku ku na nchumu wa matimba lowu nga hlulaka hosi ya mina. U nga si lalela, ndzi kombela u ndzi komba xirimbana xa kona, kutani u ta dya swakudya swa wena u tiphina. N'wanghala, Jabu na N'wamhungubye va tlhelerile laha xirimbana a xi ri kona.



**N'wamhungubye:** U lava ku ndzi byela leswaku xilo lexisongo xi nga kota ku paraka nhloko ya wena! A swi endleki leswi hosi ya mina. Xana u nga swi kota ku hoxa nhloko ya wena ndzi ta vona leswi a wu langutekisa xiswona loko u kumiwa hi mufana?

**N'wanghala:** E-e. Wa ndzi karharisa hi swivutiso swa wena. Lowu i nchumu wo hetelela lowu ndzi nga ta ku endlela wona, kutani u ta fanela ku famba u ndzi sukela leswaku ndzi ta kota ku tiphina hi swakudya swa mina.


Hi loko N'wanghala a hoxa nhloko ya yena exikarhi ka tinsimbi ku fana na leswi a ri xiswona loko Jabu a n'wi kuma. Hi ku hatlisa ko tlula ka rihati, N'wamhungubye u vekerile xirimbana. N'wanghala a phasiwa hi ku hatlisa nakambe.

**N'wamhungubye:** Sweswi ndza swi vona leswaku a wu phasiwile njhani. Swi na vusiwana leswaku u phasiwile hi ndlela leyi fanaka nakambe. Kambe mufana u tiyisile, Hosi, switshembiso leswi swi tshoviwaka swa ku landzela!

N'wanghala a vomba hi ku hlundzuka kambe xirimbana lexo tiya a xi n'wi phasile swinene. Jabu u khensile N'wamhungubye. U tsutsumerile laha a siye swifuwo swa yena kona kutani a swi khayima a swi yisa ekaya etshangeni!


Sipho u n'wi vonile kutani a huwelela, "Jabu, Jabu! N'wanghala u phasiwile hi xirimbana lexi nga le kusuhi na nambu. A wu vonanga nchumu." Jabu a hleka, kutani a ku eka yena n'wini. "Ndzi vile na mavonavona yo ringanelia hi siku rin'we."

Sipho u tlhelerile eka vahloti ku ya twa xitori xa N'wanghala wa matimba loyi a phasiweke hi xirimbana kasi Jabu u yile ekaya. U perisile mana wa yena kutani a tshama ehansi a hefemulela ehenhla swinene. Vusiku byebyo endzilweni, Jabu a yingiserile vavanuna va bula hi xitori xa leswi va phasiseke nghala xiswona, vutlhari na vuswikoti lebyi va byi tirhiseke ku yi phasa.



Sweswi u tiva hilaha xitori xi heleke ha kona.  
Ehleketa hi swivutiso leswi landzelaka:

- ❖ Xana xitori xi herise leswi a wu ehleketa xiswona?
- ❖ Xana u titwise ku yini loko nghala yi tshova xitshembiso?
- ❖ Xana xitori xi hi dyondzisa yini?
- ❖ Xana u ehleketa leswaku N'wamhungubye u tlharihile?  
Hikokwalaho ka yini u ehleketa xileswi?
- ❖ Sipho u byerile Jabu leswaku u kayerile mavonavona.  
Xana u pfumelelana na Sipho? Hikokwalaho ka yini?



# Ku ehleketa hi xitori



Ehleketa hi xitori hinkwaxo kutani u hlamusela leswi humelegeleke. Hlamusela hi laha kungu ri humelegeleke ha kona. U ta fanela ku hlamusela xiphemu xin'wana na xin'wana xa xitori.

Tsala leswaku xitori xi sungule njhani.	
Xana ku humelegele yini exikarhi ka xitori?	
Hlamusela hi laha xitori xi heleke ha kona.	



Vulavula hi ximunhuhatwa xin'wana na xin'wana. Ehleketa leswaku hi wahi marito lama nga laha hansi lama hlamuselaka ximunhuhatwa xin'wana na xin'wana. Ya tsale eka swivandla leswi faneleke.





Jabu	N'wanghala	N'wamhungubye

Siku:



Langutisa swifaniso leswi hi vuxiyaxiyi.



Dikixinari ya mina

Marito lamantshwa

Sweswi tsala xivulwa hi mbangu lowu kombisiweke eka xifaniso xin'wana na xin'wana.

1

2



Languta swivulwa leswi nga laha hansi kutani u susa leswi swi nga yelaniki na nhlokomhaka. Tsala swivulwa leswi saleke hi nongonoko lowu faneleke u tlhela u swi nambara.

Jabu a ri mufana loyi a ri na vutihlamuleri.
A risa tihomu ta tata wa yena loko Sipho a n'wi byela hi nghala leyi hlaseleke.
Mirhi a yi ri na marhavi yo tala.
Jabu a nga fambangi na Sipho hikuva a fanele ku yisa tihomu ku ya nwa mati.
Tihomu a ti karhele.
Jabu a swi tiva leswaku u fanele ku hlayisa tihomu ta yena hi vukheta.

TEACHER: Sign

Date

# Ku ehleketa hi swimunhuhatwa



Tatisa mabumabumeri ya tsevu lama hlamuselaka  
N'wanghala.



Hi tiva leswaku  
swimunhuhatwa eka xitori  
i swa njhani ku ya hi leswi  
swi vulavulaka swona na  
leswi swi endlaka swona  
kumbe leswi van'wana va  
vulaka swona hi swona.

Tirhisa mabumabumeri ku tsala ndzimana leyi hlamuselaka N'wanghala. Tsala nhlamuselo eka mpafapfarhuto. Loko munghana wa wena a ha hlela, tsala nhlamuselo leyi yi pfuxetiweke eka xivandla lexi nyikiweke.



Ehleketa hi mahanyelo ya Jabu. Ehleketa hi marito lawa ya hlamuselaka leswi a langutekisaka xiswona na leswi a hanyisaka xiswona. Ehleketa na munghana wa wena ku kuma tinhlamuselo to tala. Kutani tatisa marito lawa ya hlamuselaka yumunhu bya yena eka swivandla leswi nga laha hansi.



Tirhisa mabumabumeri ku tsala nhlamuselo ya mahanyelo ya ximunhuhatwa. Tsala mpfapfarhuto wa wena exiphephanini. Kombela munghana wa wena ku hlela mpfapfarhuto wa wena. Kutani tsala mahanyelo ya ximunhuhatwa eka xivandla lexi nyikiweke.

Vito: Malembe:  
Xivumbeko:

Siku:



Sweswi hlamusela munhu loyi a hanyaka. Hlawula munhu loyi u lavaka ku tsala hi yena. Munhu loyi a nga va nhenha leyi hanyaka kumbe leyi loveke.

Vito na xivongo swa ximunhuhatwankulu	
Rimbewu/ malembe/ Ntirho	
Xivumbeko	
Vuswikoti	
Hikokwalaho ka yini u hlawule yena?	


Sweswi tatisa mabumabumeri lama hlamuselaka ximunhuhatwa.

Vito ra ximunhuhatwa

Tirhisia mabumabumeri ku tsala mahanyelo ya ximunhuhatwa. Tsala mpfapfarhuto wa wena exiphephanini. Kombela munghana wa wena ku hlela mpfapfarhuto wa wena. Na wena u nga hlela ntirho wa yena. Kutani tsala mahanyelo ya ximunhuhatwa eka xivandla lexi nga laha hansi.

TEACHER: Sign \_\_\_\_\_ Date \_\_\_\_\_

# Ku languta ririmi



Languta swifaniso leswi landzelaka.  
Byela nakuloni leswi swi humevelaka exifanisweni.

Nkarhi wa sweswi  
wa riendlji.

Nkarhi wa sweswi wa riendlji  
wu kombisa leswaku mhaka  
kumbe xiendlo xi le ku  
humeleleni.



Tirhisa tafula ku vula leswi swi humevelaka eka xifaniso xin'wana na xin'wana.

Yena	<b>wa</b>	cina      cela	<b>Riendlji</b>	baka
Mina	<b>ndza</b>	hlantswa      tlula	hlambela	hlaya      famba
Hina	<b>ha</b>	gada	endza	vulavula      sweka
Vona	<b>va</b>	etlela	vukarha	pfuna      tlanga



Sweswi tsala xivulwa hi leswi humevelaka eka swifaniso swinharhu leswi nga laha  
henhla.


Tirhisa tafula leri ku tsala swivulwa eka nkarhi lowu taka.

Yena	<b>u ta</b>	cina      cela	<b>Riendlji</b>	baka
Mina	<b>ndzi ta</b>	hlantswa      tlula	hlambela	hlaya      famba
Hina	<b>hi ta</b>	gada	endza	vulavula      sweka
Vona	<b>va ta</b>	etlela	vukarha	pfuna      tlanga



Siku:

## Ku tirha hi maendli



Tatisa maendli eka swivulwa leswi nga laha hansi.


pfuna	1. Xana u nga swi kota ku ndzi <b>pfuna</b> ?
pfuna	2. Mufana u ndzi <b>pfuna</b> ku koka rhole.
ta	3. U nga rivali ku _____ exikhongelweni.
tana	4. _____ haleno.
yima	5. Ndzi kombela u _____ kwalaho.
vulavula	6. Ndzi dyondza ku _____ Xinghezi.
sweka	7. Manana u ndzi dyondzisa ku _____ vuswa.
teka	8. U nga rivali ku hundza u _____ makwenu.
famba	9. U _____ na mani edorobeni?
tshika	10. Ndzi tiyimiserile ku _____ ku ba huwa etilasini.
rima	11. Kokwana u rhandza ku _____.
byela	12. _____ vanghana va wena ntiyiso.
tlanga	13. Loko xikolo xi huma ndzi _____ na makwerhu.
rholela	14. Loko u hetile u _____ thyaka relero.
tisa	15. U pfumerile ku _____ swiwitsi swa mina.
nyika	16. Ndzi lava ku n'wi _____ sagwati.
vulavula	17. U tshamela ku _____ etilasini.
rina	18. Ricece ra ka hina ri tshamela ku _____.
phamela	19. Ndzi ta kombela manana a ndzi _____ tihove.
vhakacha	20. Hi navela ku _____ eGauteng hi vhakela hahani.



TEACHER: Sign

Date

# Ku vumba maviti



Xiyisa chati leyi. Bula na munghana wa wena hi leswi n'wana un'wana na un'wana a tsakelaka kumbe a nga tsakeliki ku swi endla.

	ku yimbelela	ku penda	ku tsutsuma	ku hlalela tinyenyana	ku tluta	ku sweka	ku hlaya
Ann	✓	✓	✗	✗	✗	✓	✓
Jabu	✗	✗	✓	✗	✓	✓	✗
Peter	✗	✓	✗	✓	✗	✗	✓
Nomsa	✗	✓	✓	✓	✗	✗	✓
Enver	✗	✗	✓	✗	✓	✗	✓

Ann *Ann u rhandza ku yimbelela, ku penda, ku sweka na ku hlaya. A nga swi rhandzi ku tsutsuma, ku hlalela tinyenyana na ku tluta.*

Jabu

Hi tirhisa hefemulo exikarhi ka marito lawa ya nga longoloko.

Peter

Hi tirhisa na exikarhi ka marito mambirhi yo hetelela eka nongoloko.

Nomsa

Enver

Hlaya swivulwa hi vukheta kutani u nkhwathihata riviti. Tlhela u vula leswaku hikokwalaho ka yini rito ieri ku ri riviti ku nga ri riendlili.

1. A ndzi swi rhandzi ku hlota swiharhi.
2. A hi rhandzi ku duvuriwa ka timhelembe laha Afrika-Dzonga.
3. Ku dlayiwa ka timhelembe ku hlamarise un'wana na un'wana.
4. Ku hlekelela ka vanhwanyana ku nyangatse mudyondzisi.
5. Ku vukula ka mbyana ku yile emahlweni vusiku hinkwabyo.
6. Ku chayela ko huma endleleni ku vanga tinghozi emagondzweni.

Riviti-riendlili hi ri vona hi ku leyji tsariwaka emahlweni ka riendlili, Xikombiso: ku famba, ku dyo ku tirha

- |     |   |
|-----|---|
| 7.  | Endzhaku ka ku tsutsuma ndzi ta hlamba miri.  |
| 8.  | Ndzi nga si etlela ndzi fanele ku nwa tiyi.   |
| 9.  | U nga tirhisi mati yo tala ku hlantswa movha. |
| 10. | Ku tsutsuma ku ndzi vavisa milenge.           |



## Ku tirhisa hefemulo



Languta swihikahati swa hefemulo.

Laha ku nga ni marito yo longoloka exivulweni, rito rin'wana na rin'wana ri hambanisiwa hi hefemulo.

Xiyimo xa hefemulo xi nga cinca nhlamuselo ya xivulwa loko yi nga tirhisiwangi kahle.



Langutani swivulwa leswi swimbirhi kutani mi bula hi laha xiyimo xa hefemulo xi nga cincaka nhlamuselo. Dirowa xifaniso ku komba leswi va swi dyeke eka xivulwa xin'wana na xin'wana.

Hi dyile chokoleti, jeli na khekhe.	
Hi dyile jeli ya chokoleti na khekhe.	

Sweswi vekela tihefemulo eka swivulwa leswi.

*Hi ta lava hamula xipikiri na saha.*



*Hi xave maapula malamula mabanana na mapyere.*

*Ndzi ta xava rhaba penisele na rhula.*



*Ari na Solly Ntsako na Tivani.*

Hi tirhisa mahlanganisi ku hlanganisa swivulwa. Mahlanganisi i ya nkoka eka ku hlanganisa swivulwa swi va xivulwa xin'we. Handle ka mahlanganisi, mbulavulo na ku tsala ka hina a swi nga ta twala kahle. *Languta xikombiso lexi landzelaka.*  
Jim u hundzulukile. Jim u gomule khumbi. Jim u hundzulukile kutani a gomula khumbi.

Vito ra "Jim" ri tirhisiwe eka swivulwa hi swimbirhi kutani tshika Jim loyi wa vumbirhi loko u hlanganisa swivulwa leswi swimbirhi.

U nga ha tirhisa na "hambileswi" ku hlanganisa swivulwa. **Hambileswi** u nga ha ri tirhisa ku fana na loko u tirhisa **kambe**. Hinkwawo marito lawa ya tirhisiwa ku fana.  
Tsundzuka: Xivulwan'we xi na nhlokomhaka yin'we na riendli rin'we. Xivulwa-nkatsano xi na swivulwa swimbirhi.



A hi tsaleni

Hlanganisa swivulwa hi ku tirhisa mahlanganisi lama landzelaka.

Kutani nkhwatihata maendli eka swivulwa leswi katsiweke.

loko

na

kambe

hikokwalaho

kutani

hambileswi

hikuva

A hi lava ku tlanga bolo. Mpfula yi onhile makungu ya hina.

Ann u ndzi komberile ku n'wi pfunza hi ntirhokaya. Ndzi n'wi pfunile.

A ndzi letile exikolweni. A ndzi siye hi bazi.

Va ri buloho ri lunghisiwile. Ra ha onhekile.

U kota tinhlayo swinene. A nga xi koti Xinghezi.

Ndzi rhandza mihandzu. Ndzi rhandza matsavu.

Hi tirhisa swambhulela. Ku na mpfula.

Siku:

Mudyondzisi a hi holovela. Mudyondzisi u na malwandla.

A vabya. Dokodela u n'wi nyikile mirhi.

Sam u rhandza kofi. Ann u rhandza tiyi.

U yile exitolo. U xave chokoleti.

A hlundzukile. A ndzi hlwerile ku fika.

Vafana va tlanga bolo ya milenge. Va tlanga khirikete.

Ndzi rhandza swiwitsi. A ndzi rhandzi khekhe.

Ndzi dyondza hi ku tinyiketa. Ndzi lava ku pasa xikambelo.

Ndzi rhandza mpfula. A ndzi rhandzi xihangu.

A ndzi tsakile loko ndzi ri ekaya ka malume. Ndzi tsundzuka mana wa mina.

Ndzi rhandze xikolo xa mina lexintshwa. Ndzi fanele ku tirha hi matimba ku fikelela!

Eka swivulwa leswi nkhwatihata maviti (mavito ya swilo) u tlhela u tsondzela maendli (marito ya swiendlo).

John u rhandza timbyana ta swimakwa.

Mary wa famba ku ya exikolweni xa Good Hill.

Sipho u tlanga bolo ya milenge eka xipanu xa Little Chiefs.



Jabu u khandziye xikanyakanya xa yena.

Ann u tshamela ku vulavula etlilasini.

TEACHER: Sign \_\_\_\_\_ Date \_\_\_\_\_

NDZI KOTA KU			
hlaya xitshuriwa			
hlamula swivutiso swo huma eka xitshuriwa			
lava marito ya swivulwa-hava eka xitshuriwa			
kombisa mitwiwombilu ya ximunhuhatwa			
tsala eka dayari			
bula hi swimunhuhatwa, mbangu na swiendleko swa xitori			
tatisa mepe wa miehleketo ku kunguhata xitori			
tsala xitori hi vukheta ku suka eka mepe wa miehleketo			
tirhisa masivi-komba			
tirhisa mavutisi			
boxa masivi-nene no kombisa loyi ya vulaka yena			
rungula xitori nakambe hi ndzandzelelano lowu faneleke			
hlaya nkambisiso wa buku			
hlamula swivutiso swo huma eka nkambisiso wa buku			
tsala nkambisiso wa buku			
tirhisa nkarhi wa sweswi			
hlaya ntitsalwa-vutomi			
lava marito yo tika eka dikixinari			
hlaya ntsheketo			
encenyeta ntlangu			
tsala mahetelelo ya xitori			
hlamula swivutiso swo hlawula nhlamulo yin'we swo huma exitorini			
longoloxa xitori hi ndzandzelelano lowu faneleke			
boxa maendli no ma tirhisa ku vumba swivulwa			
boxa vamavizweni va marito			
boxa riendli leri faneleke exivilweni			
kombisa mitwiwo-mbilu no nyika mavonele mayelana na xitori			
tsala nkatsakanyo wa xitori			
hlamusela mbangu wa xitori			
tsala ndzimana ya nhlamuselo hi ximunhuhatwa			
tsala nhlamuselo ya mahanyelo ya ximunhuhatwa			
tsala nakambe swivulwa ndzi tirhisa nkarhi lowu taka			
hlamusela chati			
boxa riviti-riendli			
tirhisa hefemulo ku hikahata swivulwa			
tirhisa mahanganisi ku hanganisa swivulwa			
boxa maendli na maviti eswivulweni			

## Nkongomelo wa 6: Tindlela to andlala xitshuriwa

**Mavhiki ya 5 - 6:  
Switori na mapapila**

**81 N'wampfundla u lemukisa hi ku tsekatsuka ka misava 36**

Ku hlaya xitshuriwa xa ndzungulo.

**82 Ku ehléketa hi xitori 38**

Ku hlamula swivutiso swo huma eka xitori xa N'wampfundla.  
Ku tirhisa mabumabumeri ku hlamuela swimunhuhatwa swa xitori.

**83 Ku tsala xitori 40**

Ku hetisa mepe wa miehleketo ku rungula nakambe xitori xa N'wampfundla.

Ku tsala xitori xa N'wampfundla hi vukheta.

**84 Papila ra holideyi 42**

Ku hlaya papila.

Ku kuma nonganoko wa matirhele ya John yo huma epapileni.

Ku hlamula swivutiso swo huma eka xitshuriwa.

Ku lava marito eka dikixinari no rhekhoda tinhlamuselo ta wona.

Ku hlamula swivutiso swo hlawula nhlamulo yin'we swo huma eka xitshuriwa.

**85 Ku tsala papila 44**

Ku tirhisa mepe wa miehleketo ku kunguhata ku tsala papila.

Ku tsala papila ro ya eka munghana ri tivisa mahungu ya le kaya na mahungu ya xikolo.

**86 Imeyili yo huma eka munghana 46**

Ku hlaya imeyili.

Ku hlamula swivutiso swo huma eka imeyili.

Ku humesiwa vuxokoxoko epapileni ku hetisa khadi ro nyika vuxokoxoko hi ximunhuhatwa.

Ku tsala papila ro nyika swiletelo swa ndlela.

**87 Swo tala hi ririm 48**

Ku boxa maviti na mabumabumeri eswivulweni.

Ku tsala swivulwa – ribumabumeri ri tsariwa emahlweni ka riviti na le ndzhaku ka riviti.

Ku yelanisa marito na marito-fularha kun'we na vamavizweni va wona.  
Ku tirhisa mahlanganisi ku vumba swivulwa-nkatsano.

**88 Nkarhi lowu nga hundza na nkarhi lowu taka 50**

Ku tirhisa nkarhi lowu nga hundza.  
Ku hetisa swivulwa ku tirhisiwa nkarhi lowu nga hundza.  
Ku hetisa swivulwa ku tirhisiwa nkarhi lowu taka.

**Mavhiki ya 7 - 8:  
Tikhathuni ta tsakisa**

**89 Supa Strika 52**

Ku hlaya switiripi swa khomiki.  
Ku bula hi nhlamuselo ya xivono na ririm ieri vulavuriwaka hi swimunhuhatwa eka switiripi swa khomiki.

**90 Ku ehléketa hi khomiki 54**

Ku bula hi fureme yin'wana na yin'wana ya khathuni.  
Ku tsala xivulwa xo hlamuela xitori hilaha swi kombisiweke hakona eka fureme yin'wana na yin'wana.  
Ku tsala swivulwa hi marito ya munhu.  
Ku bula hi swinavetiso swa thelevhixini no nyika mavonele.

**91 Ku tsala xinavetiso 56**

Nkunguhato wa xinavetiso xa thelevhixini hi swifaniso no tsala xikiripiti xa xona.

Ku hlamuela mbangu, swimunhuhatwa na nkongomelo wa xinavetiso.

Ku tirhisa nkunguhato ku lulamisa xitshuriwa.

Ku encenyeta xinavetiso.

**92 Swi hlanganise 58**

Ku lungelela swirhangi na swilandzi eka timitsu ta marito.

Ku boxa swirhangi, swilandzi na timitsu ta marito.

Ku hetisa swivulwa ku tirhisiwa riendli ra nghingiriko na riendli ra xitwisiwo.

Kotara ya 3: Mavhiki ya 5 - 10

**Mavhiki ya 9 - 10:  
Nkarhi wo ntlangu**

**93 Dan, xitlangi xa bolo ya milenge! 60**

Ku encenyeta ntlangu wa Dan ku tirhisiwa swimunhuhatwa na murunguri.  
Ku hlamula swivutiso swo huma eka ntlangu.

**94 Phositara ya ntlangu 62**


Ku hlaya phositara yo navetisa ntlangu.  
Ku hlamula swivutiso swo huma eka ntlangu.  
Ku endla phositara ya ntlangu.

**95 Tsala ntlangu wa wena 64**

Ku tirhisa nkunguhato wo tsala ntlangu.  
Ku tsala mpafparhuto wa ntlangu, ku hlela no tsala ntlangu wo hetelela.

**96 Swo tala hi maengeteri na mabumabumeri 66**

Ku boxa maengeteri na maendlı.  
Ku boxa maengeteri: mukhuva, nkarhi na ndhawu.  
Ku boxa no hlawula mabumabumeri.  
Ku boxa maviti na masivi lama bumabumeriwaka hi mabumabumeri: rihlawuri, rifuwi na riengetelo.  
Ku boxa tinxaka ta mabumabumeri.



# N'wampfundla u lemukisa hi ku tsekatseka ka misava



A hi hlayeni

A ku ri na N'wampfundla loyi a tshama a ri karhi a vilela. "Yo manano!" A hlevetela siku hinkwaro.

Xivilelo lexikulu lexi a ri na xona a xi ri xa leswaku ku nga va na ku tsekatseka ka misava. "Loko ko tsekatseka misava, "a vulavula a ri yexe. "Ku ta humelela yini hi mina?"

U titwe a vilela ngopfu mpundzu wun'wana, loko hi xitshuketa ku wa muhandzu lowukulu lowu a wu ri ekusuhi. Bu! wu endla leswaku misava hinkwayo yi tsekatseka.

"Misava ya tsekatseka!" A rila.

U tsutsumele emasin'wini ku ya byela vakhazi va yena.

"Misava ya tsekatseka! Tsutsumani mi sirhelela vutomi bya n'wina!"

Van'wampfundla hinkwavo va sukile emasin'wini va n'wi landzela hi rivilo lerikulu swinene.

Van'wampfundla va tsutsumile va tsemakanya

masimu, swihlahla na milambu, va famba va tivisa vakhazi va vona loko va ri karhi va tsutsuma.

Kwalaho ku hundzile N'wandlopfu. "Misava ya tsekatseka! Tsutsuma u sirhelela vutomi bya wena." A huwelela.

N'wandlopfu u landzerile Van'wampfundla, a ninginisa misava hi magoza ya yena lamo tika.

Va tsutsumile va hundza Van'wanhutlwa. "Misava ya tsekatseka! Tsutsumani mi sirhelela vutomi bya n'wina!" Ku huwelela N'wampfundla.

Van'wanhutlwa va landzerile N'wandlopfu loyi a ri endzhaku ka Van'wampfundla.

Loko va fika etintshaveni, madzanadzana ya Van'wampfundla, N'wandlopfu na Van'wanhutlwa vo hlayanyana, lava a va

tsutsuma onge va hlanganile tinhloko, naswona a swi endla wonge ra duma etimbaleni.

N'wampfundla wo sungula u langutile endzhaku ku vona loko ku tsekatseka ka misava ku ri kusuhi, kambe u vonile ntsena ntlawa wa swiharhi swi ri ku tsutsumeni.

Loko va ha yimile va hefemuteka, ku humelela N'wanghala.

"Ku humelela yini?" ku vutisa N'wanghala.


"Misava ya tsekatseka, Misava ya tsekatseka!" ku n'unun'uta N'wampfundla.

"Misava ya tsekatseka?" ku vutisa N'wanghala.  
"Yi vone hi mani? Yi twe hi mani?"



- Tirhisa mepe wa miehleketo ku ku pfuna ku kunguhata tsalwa ra wena
- Kombela munghana wa wena ku hlela mpfapfarhuto wa wena • Pfuxeta xitshuriwa xa wena u tlhela u endla ndzulamiso • Pfuxeta xitshuriwa xa wena u tlhela u endla ndzulamiso lowu faneleke
- Tsala swi basa ebukwini ya wena.

"Misava ya tsekatseka!  
Swa antswa ndzi ya tivisa van'wampfundla van'wana!



Humelani ehandle!



Ku humelela yini?

Siku:

"A hi mina," ku vula N'wandlopfu.

"A hi hina," ku vula Van'wanhutlwa. "Vutisa loyi, n'wi vutise!" ku rila Van'wampfundla hinkwavo, va kombetela wo rhanga.

N'wanghala a hundzulukele eka N'wampfundla.

"Nkulukumba," ku vula N'wampfundla hi ku titsongahata, "a ndzi tshamile ekaya laha a ku nga ri na pongo loko ndzi twa nchumu wu wela ehansi hi mpfumawulo wo chavisa kutani misava yi tsekatseka, ndzi swi tivile leswaku ku ta va ku ri ku tsekatseka ka misava, kutani ndzi tsutsumile hi ku hatlisa ku lemukisa van'wana leswaku va ta kota ku ponisa vutomi bya vona."

"Makwerhu, xana u nga va na xivindzi xo ya ndzi kombu laha mhangu leyi yi humeleleke kona?" ku vutisa N'wanghala.

"E-e, a ndzi nge pfuki ndzi tlhelerile endhawini liyani!" ku vula N'wampfundla.

"Khandziya enhlaneni wa mina ndzi ta ku heleketa. Ndzi ta ku hilayisa," ku vula N'wanghala.

N'wampfundla u khandziyle enhlaneni wa N'wanghala a nyumile, kutani va sukile va famba, va hundzile tintshava na swintshabyana, milambu, swihlahla na masimu ku fikela loko va fika ekaya ka N'wampfundla.

"Laha hi kona ndzi tweke ku wa ka xilo kona, Nkulukumba. Naswona ndzi twile na misava yi tsekatseka."

N'wanghala a rhalarhala- hi ku hatlisa u vonile khokhonati leyikulu leyi weleke ehansi hi pongo lerikulu ku suka emurhini. U vonile na xinkawana xi tshamile emurhini. N'wanghala u tekile khokhonati kutani a khandziya ehenhla ka tamba kutani a yi hoxela ehansi. Bu!

N'wampfundla u tlulerile ehenhla ku ringana mitara. "Misava ya tsekatseka! Tsutsumani hi ku hatlisa- swi humelerile nakambe!"

Kutani u vonile N'wanghala loyi a ri ku hlekeni na khokhonati leyi a yi pandzekile emikondzweni ya yena.

"Xii," a hlevetela. "Kasi a ku nga ri ku tsekatseka ka misava?"

"E-e," ku vula N'wanghala, "A ku nga ri ku tsekatseka ka misava naswona a wu nga fanelangi u chuha."


"Ndzi vile xiphukuphuku!"

N'wanghala a n'wayitela hi tintswalo. "U nga vileli butinyana-hinkwerhu ka hina-minkarhi yin'wana hi chava swilo leswi hi nga swi twisisiki."

Kutani u tlhelerile eka madzanadzana ya Van'wampfundla, N'wandlopfu na Van'wanhutlwa lava a va tshamile ehenhla ka ntshava ku ya va byela leswaku a ku nga ri na nghozi kutani va nga ha tlhelela emakaya.

Xihlovo: tekelela ku suka eka Rabbit heralds the earth quake hi Rosalind Kerven in PIRLS Reader. The Natural World. Main Survey 2001. IEA.

U nga vileli, butinyana.  
Minkarhi yin'wana hi chava  
swilo leswi hi nga swi twisisiki.



TEACHER: Sign

Date

# Ku ehleketa hi xitori



Hlamula swivutiso leswi hi N'wampfundla na ku tsekatseka ka misava. Loko u kanakana hi tinhlamulo leti faneleke, hlaya xitori nakambe.

Xana xivilelo lexikulu xa N'wampfundla hi xihi?

- |   |                         |
|---|-------------------------|
| A | Nghala                  |
| B | Ku wa ka xanchumu       |
| C | Ku tsekatseka ka misava |
| D | Ku wa ka murhi          |

Xana i yini lexi nga tsekatsekisa misava?

- |   |                             |
|---|-----------------------------|
| A | Ku tsekatseka ka misava     |
| B | Khokhonati leyikulu swinene |
| C | Mimpfundla leyi tsutsumaka  |
| D | Murhi lowu welaka hansi     |

N'wanghala a lava N'wampfundla a famba na yena va ya kwihi?

---

Hikokwalaho ka yini N'wanghala a cukumete khokhonati ehansi?

- |   |  |
|---|--|
| A | Ku endlela leswaku N'wampfundla a tsutsuma |
| B | Ku pfuna N'wampfundla ku kuma muhandzu     |
| C | Ku komba N'wampfundla leswi humeleleke     |
| D | Ku endla leswaku N'wampfundla a hleka      |

Xana N'wampfundla u titwise ku yini loko N'wanghala a cukumete khokhonati ehansi?

- |   |                     |
|---|---------------------|
| A | U hlundzukile       |
| B | U nyumile           |
| C | Tanihi xiphukuphuku |
| D | U vilerile          |

Xana nkongomelo wa xitori hi wihi?

- |   |                                    |
|---|------------------------------------|
| A | Tsutsuma loko ku ri na nghozi.     |
| B | Xiya xiyimo u nga si chuhu ngopfu. |
| C | Mimpfundla yi tsutsuma ngopfu.     |

Swilo swi humelerile hi ku hatlisa endzhaku ka loko mpfundla wu huwelerile wu ku: "Misava ya tsekatseka!" Kopunula marito mambirhi exitorini lama ya hi kombisaka leswi.

Xana N'wanghala u endlile yini leswaku N'wampfundla a nga vileli eku heteeleni ka xitori? Tsala swilo swimbirhi leswi a swi endlake.

1

---

2

---

Siku:

Xana matitwelo ya N'wampfundla ya cincise ku yini loko xitori xi ri ku humeeleni?

Eku sunguleni ka xitori N'wampfundla u twile

hikuva


Loko xitori xi hela N'wampfundla u twile

hikuva

Kutani emakumu swi vile erivaleni leswaku N'wanghala a tsakela N'wampfundla  
hikuva



Exitorini swi le rivaleni leswaku nghala na mpfundla i swiharhi leswi  
hambaneke swinene. Eka mepe wa pume laha hansi, tsala mahlawuri lama  
hlamuselaka swiharhi leswi.



TEACHER: Sign \_\_\_\_\_ Date \_\_\_\_\_

# Ku tsala xitori



Tirhisa mepe wa miehleketo ku ku pfuna ku hlamusela xitori xa N'wampfundla loko a rila hikwalaho ka ku tsekatseka ka misava hi nxaxamelo lowu faneleke. Kanela na vanghana va wena leswi humevelaka exitorini u tlhela u tsala mavonelo ya wena ekusuhi na xifaniso lexi nga xona.

1




---



---



---




---



---

2




---



---



---



---



---

3




---



---



---



---



---

4




---



---



---



---



---

5




---



---



---



---



---

6




---



---



---



---



---

N'wampfundla  
u lemukisa hi ku  
tsekatseka ka  
misava

Siku:



Sweswi tsala xitori hi vukheta eka xivandla lexi nyikiweke.




- Tirthisa mepe wa miehleketo ku ku pfunu ku kunguhata tsalwa ra wena
- Kombela munghana wa wena ku hlela mpafparhuto wa wena • Pfuxeta xitshuriwa xa wena u tlhela u endla ndzulamiso • Pfuxeta xitshuriwa xa wena u tlhela u endla ndzulamiso lowu faneleke
- Tsala swi basa ebukwini ya wena.

1



2



3



4



5



6



TEACHER: Sign \_\_\_\_\_ Date \_\_\_\_\_



A hi hlayeni



27 Apple Road  
New Town  
0301  
20 Ndzati 2015

Eka Dan

Heyi! Ndzi vile na nkateko wo kota ku ya eCape Town na vakhazi va mina hi tiholideyi ta Mawuwana. Hi sukile hi ti 12 ta Mawuwana hi fika siku leri landzelaka. A swi tsakisa ku va exitimeleni. Hi etlerile etorokisini naswona a ndzi kumile mubedo wa le henhla!

Loko hi fika eCape Town, xilo xo sungula lexi ndzi xi voneke i Table Mountain ley a yi funengetiwile hi papa ra mpunga. Ntshava ley yi sasekile swinene ku tlula leswi a ndzi swi ehleketa xiswona.

Xiya swifaniso hinkwaswo leswi ndzi ku hoxeleke swona.

Hi siku ra vumbirhi, hi yile exihlaleni xa Robben Island. Hi fambile hi xikepe ku ya exihlaleni lexi. Hi vonile sele ley Nelson Mandela a a tshama eka yona - ku ringana malembe ya 18! Hi vonile tiphengwini to tala na matamba exihlaleni lexi.

Hi siku ra vunharhu hi tlhele hi vona tiphengwini nakambe ebichini leyi vitaniwaka Boulder. Hi vonile na tisili ta voya ta le Kapa. Ku na phurojeke eKapa ya ku sirhelela tisili hikuva ti le khombyeni ro herisiwa ti nyamalala. Phurojeke ley yi hlayisa na tiphengwini.

Hi siku ra vumune, hi yimile enhlohlhorhini ya Afrika, eCape Point, laha malwandle mambirhi ya hlanganaka kona. Hi laha mati yo titimela ya Iwandlenkulu ra Atlantic ya hlanganaka kona na magandlati yo kufumela ya Iwandlenkulu ra India.

Hi siku ra vuntlhanu, leri a ri ri ro hetelela, hi yile ku ya vona swihadyana swa Iwandle eakhwariyamu ya Two Oceans. A ndzi nga si tshama ndzi va ekusuhi na nyankwave evuton'wini bya mina! A ko va na nighilazi ntsena ley a yi hambanisile hina na yona naswona a ti nga nyumi ku kombisa tinxaxa ta matino ya tona. Hi vonile na tinxaka to tala ta tinhlampfi na ta xivumbeko xa nyeleti-tin'wana ta tona a ti ri na khumentlhanu ya mavoko! Loko voko ri suka, rin'wana ra mila endhawini ya rona.

Hi ta suka mundzuku ku vuya ekaya. Ndzi ku tsundzuka swinene onge xikolo xi nga hatla xi pfula hi ta vonana.

Munghana wa wena

John




Siku:



A hi  
endleni

Papila ra John ri hlamusela masiku ya nkombo. Kuma masiku ya nonganoko wa matirhelo ya John kutani u tata leswi a swi endleke hi masiku lawa.

Siku	Leswi a swi endleke
12 Mawuwana	U yille eCape Town
13 Mawuwana	
14 Mawuwana	
15 Mawuwana	
16 Mawuwana	
17 Mawuwana	
18 Mawuwana	
19 Mawuwana	




A hi tsaleni

Sweswi tsala tinhlamulo ta swivutiso leswi landzelaka.

Kopunula xivulwa xin'we epapileni lexi kombaka leswaku John na Dan i vanghana va ntiyiso.

Nyika xikombiso xin'we xa xivulwa lexi kombisaka leswaku John u tsalela ntangha ya yena.



Nyika xikombiso xin'we xa xivulwa lexi kombisaka leswaku John a nga sunguli ku ya eCape Town.

Languta marito lama edikixinarini kutani u ma tirhisa eka swivulwa ku kombisa tinhlamuselo ta wona.

mpunga

mila



A hi tsaleni



Xana John u hlamusela yini loko a ku tinyankwave a ti nga ri na tingana ku kombisa tinxaxa ta meno ya tona?

- Hikokwalaho ka yini John a tsalele Dan papila leri?
- A Ku n'wi byela hi tinyankwave.
  - B Ku n'wi byela hi tiholideyi to tsakisa.
  - C Ku n'wi byela leswaku u ta vuya exikolweni hi ku hatlisa.
  - D Ku n'wi byela hi ta xitimela.

- A Tinyankwave a ti ri na malwandla.
- B Tinyankwave a ti va hungasa.
- C Tinyankwave a ti tshamela ku pfula milomu ya tona.
- D Tinyankwave a ti dya tinhlampfi tin'wana.

TEACHER: Sign

Date

# Ku tsala papila



Tsalela munghana wa wena papila. N'wi byele mahungu ya leswi a wu swi endla ekaya, exikolweni kumbe hi ntirho wun'wana wo tsakisa.

Hi ku sungulele ntila wun'wana na wun'wana. Pfapfarhuta papila ra wena kutani u nyika munghana wa wena leswaku a ri hlaya. Kutani ri tsale hi vurhon'wana ephejini leri.



Siku:



Tsala adirese  
Siku

Era \_\_\_\_\_

Sungula hi ku xeweta.

Tsala hi nchumu wo sungula lowu u tsakelaka ku vulavula hi wona.

Tsala hi nchumu wa vumbirhi wa mahungu ya wena.

Heta papila ra wena.

Munghana wa wena

Tsala vito ra wena.



TEACHER: Sign

Date

# Imeyili yo huma eka munghana



A hi hlayeni

Imeyili i ndlela yo vulavula na vanghana hi ku tirhisa tinetiweke ta khomphyuta. Hi tala ku tirhisa imeyili tanihu mapapila ku tivisana mahungu na vanghana va hina. Loko u navela ku rhumela munghana wa wena papila ra imeyili, wena na munghana wa wena mi fanele ku va na tiadirese ta imeyili na khomphyuta.

Eka: ana@school.co; dani@school.com

Yi huma eka: kin@library.com

13 Nyenyanikulu 2011 II:56

Eka Ana na Dani

Ndza tshemba u hlayile mahungu ya ku tsekatseka ka misava lokukulu eJapan. Ndzi tile ku ta tshama na maxaka ya mina edzongeni wa Japan naswona ndzi ta tshama na vona ku fikela loko swilo swi antswa ekaya eTokyo. Hambileswi a ndzi tsakile ku suka eka episenthara, ndzi navela vandyangu wa ka hina na vanghana va mina exikolweni xa phurayimari xa International laha ndzi nghenaka kona.

Kambe, ndzi le ku tiphineni na khazi wa mina. U na malembe yo ringana na ya mina. U na 13 wa malembe naswona hinkwerhu hi le ka Giredi ya 6. Hi na nkateko wa leswaku khazi u tshama ekusuhi na phaka ya ndhawu ya le xikarhi, laha hi kotaka ku tlanga hi michinginyo na timiligiramu.

Exikarhi ko tlanga, ndzi endla swihungaso swa mina leswi ndzi swi tsakelaka-ku hlaya na ku tlanga mintlangu eka khomphyuta. Ndzi le ku hlayeni ka buku ya swiharhi swa nhova naswona ndzi navela wonge ndzi nga tshama eAfrika. Ndzi le kusuhi na ku heta ku hlaya buku leyi.

Munghana wa n'wina

Kin Hosh

Rhumela



Xana Kin u vhakele mani?

Hikwalaho ka yini a yile endhawini leyi?

Xana u tsarile imeyili leyi hi siku rihi?



A hi tsaleni

Sikena papila u lava vuxokoxoko bya Kin kutani u n'wi tatela khadi leri.

Vito	
Malembe	
Giredi	
Xikolo	
Swihungaso	



Siku:



Sweswi hlamlula papila ra Kin. Hi ku nyike masungulo ya ntila wun'wana na wun'wana. Pfapfarhuta papila kutani u nyika munghana wa wena leswaku a ri hlaya. Kutani ri tsale hi vukheta eka phepha lerintshwa.



Tatisa adirese ya yena

Siku

### Eka Kin

Sungula hi ku xeweta.

N'wi byele leswaku u n'wi twela vusiwana hikokwalaho ka ku tsekatseka ka misava.

N'wi byele leswaku swi kahle loko a kota ku ya emahlweni na swihungaso swa yena.

Tivisa munghana wa wena mahungu hi xikolo, mitlangu na swihungaso swa wena.

Munghana wa Wena

Tsala vito ra wena.

TEACHER: Sign \_\_\_\_\_ Date \_\_\_\_\_

# Swo tala hi ririmí



Langutisia swivulwa leswi swi fambaka hi swimbirhi. Nkwatihata riviti kutani u tsondzela rihlawuri leri hi hlamuselaka.

Mbyana leyitsongo	Mbyana i yitsongo.
Movha wa rivilo	Movha wo tsutsuma.
Buku leyikulu	Buku i yikulu.
Khirayoni ya wasi	Khirayoni i ya wasi.
Xiluva xo saseka	Swiluva swi sasekile.
Nkwangulatilo wa mihlovo hlovo	Nkwangulatilo i wa mihlovo hlovo.

Sweswi tsala swivulwa u tirhisa maviti na mahlawuri. Tsala xivulwa u sungula hi rihlawuri u nga si tsala riviti. Kutani tsala xivulwa u tsala rihlawuri endzhaku ka riviti.

leha mufana	Mufana wo leha.  U lehile mufana.	
xivunguvungu rhoko	.....	
ndlala nghala	.....	
tlhariha nhwanyana	.....	
malwandla mudyondzisi	.....	
saseka xiluva	.....	



## Swo tala hi mahlawuri

Mahlawuri ya hi byela hi maviti (vanhu, ndhawu kumbe swilo). Hakanyingi mahlawuri ya ta emahlweni ka maviti. Nkarhi wun'wana mahlawuri ya ta endzhaku ka maviti. Kun'wana na kun'wana laha u nga ma vekaka kona, ya ha hlamusela riviti.


Siku:



A hi tsalen'i

Yelanisa marito lawa na vamavizweni va wona.

khwatsi	tsekatseka	nhova	mahungu	xirhami
ninginika	timhaka	gwitsi	khwati	kahle



Yelanisa marito lawa na marito fularha ya wona.

vukulu	hleka	hatlisa	biha	titimela
riila	vutsongo	saseka	hisa	hlwela



Hlanganisa swivulwa u tirhisa mahanganisi lama nga endzeni ka swiangi.

Ndzi ta tshama laha. Swilo swi antswa ekaya. (hambi)
Ndzi tsakile laha. Ndzi tsundzuka xikolo xa mina. (hambileswi)
Ndzi n'wi byele ku tshama laha a ri kona. Mati ya yile mahlweni no enta. (hikuva)
Ndzi langutile ematlheloo hinkwawo. Ndzi tsemakanya patu. (kutani)
U twa xirhami. U ta fanela ku ambala jesi. (hikokwalaho )
Ndzi n'wi byerile ku fika hi nkarhi. U xwerile. (kambe)



## Nkarhi lowu nga hundza



Langutisa swikombiso leswi landzelaka: Loko hi fika, xitimela **a xi fambilé**.  
Loko hi fika ekaya tolo, tatana a se a **swekile** swakudya swo lalela.

Mina	a ndzi	fikile. dyile.
Yena	a	tlangile. fambilé.
Hina	a hi	etlele. hlakurile.
Vona	a va	hlambile. dyile.

Yona	a yi	vukurile. dyile.
Swona	a swi	tumberile. chavisiwile.
Byona	a byi	xaviwile. onhiwile.



Sweswi hetisa swivulwa leswi hi ku tirhisa riendli (ra nkarhi lowu nga hundza).

Munghana wa mina u ndzi nyikile apula. A ndzi nga khomiwanga hindlala hikuva a ndzi

Ndzi hlwerile ku fika. Vanghana va mina hinkwavo a va

A ndzi karhele hikuva a ndzi

U ndzi byerile leswaku a

Loko ndzi fika exikolweni ndzi swi vonile xikan'we leswaku a ndzi

Loko nsimbi yi ba ndzi tsundzukile leswaku a ndzi

Loko ndzi vona mudyondzisi wa mina ndzi tsundzukile leswaku a ndzi

A ndzi tsakile hikuva a ndzi

Loko ndzi fika ekaya ndzi kumile manana a

Loko ndzi fika exitolo, ndzi kumile a

A hi languteni nkarhi lowu nga hundza  
lowu nga hetiseka

Loko hi lava ku vulavula hi xiendleko lexi  
xi nga humelela khale, hi tala ku vulavula  
hi nkarhi lowu wu nga hundza. **Nkarhi  
lowu nga hundza** wu hlamusela leswaku  
xiendleko a xi humelangala sweswi,  
kambe xi humelerile khale. I **nkarhi lowu  
nga hundza**, lowu nga hundza khale.

Siku:

## Nkarhi lowu taka



A hi languteni nkarhi lowu taka lowu nga hetiseka  
Nkarhi lowu wu taka lowu nga hetiseka wu kombisa  
swiendaleko leswi swi nga ta humeleta na leswaku  
swiendaleko leswi swi ta hela ku endleka eka nkarhi  
lowu taka. Nkarhi lowu wu vumbiwa hi "ta va" +  
"ndzi" ku katsa na riendli leri nga eka nkarhi lowu  
nga hundza.

Ndzi **ta va ndzi hetile** mali ya mina hinkwayo hi nkarhi lowu lembe leri taka.

Ndzi **ta va ndzi tlangile** eka timeche ta tsevu hi ku hela ka nguva.

Ehleketa hi leswi u nga ta va u swi endlile loko ku hela malembe ya wena  
exikolweni xa le hansi. Tsala swivulwa swa ntlhanu u sungula hi: Ndzi **ta va**  
**ndzi + riendli**

**Loko ndzi ūeta xikolo xa phurayimari.**

Ndzi ta va ndzi ūlayile 50 wa tiburu.



Sweswi hetisa swivulwa leswi hi ku tirhisa: **ta va ndzi/ ta va u/ ta va hi +**  
**riendli** leri nga eka nkarhi lowu wu nga hundza.



Hi karhi lowu vhiki leri taka, u   (tirha) hi phurojeke ku ringana masiku  
ya khumembirhi.



Hi nkarhi lowu lembe leri taka hi   (nghena) xikolo lexi ku ringana  
malembe ya mune.

Hi nkarhi lowu mundzuku ndzi   (heta) ntirhokaya wa mina.

Hi nkarhi lowu n'hweti leyi taka, ndzi   (tsutsuma) maratoni.

Hi Khisimusi, ndzi   (endza) entangeni wa swiharhi wa Kruger National Park.

TEACHER: Sign

Date



Ahi tsalen'i

Hlaya mapheji mambirhi lama landzelaka yo huma eka khomiki ya Strika. Nomboro ya 100. Languta leswi humelelaka eka fureme yin'wana na yin'wana. Lemuka tinxaka to hambana ta swimbyarumbyaru leswi tirhisiweke eka khathuni. Languta swimbyarumbyaru leswi kombisaka leswi vaviki va ntlangu va vulaka swona eka tifureme ta 4, 5, 6, 7 na 8. Lemuka marito ya mipfumawulo na leswi ma tsarisiwaka xiswona.

### Xitshuriwa xa khathuni

Lembe leri u hlaye switshuriwa swa tinxakaxaka: mintsheketo, vutlhokovetseri, swinavetiso, minjhekanjhekisano, switshuriwa swa mahungu. Khomiki kumbe khathuni i rixaka rin'wana ra switshuriwa. Tikhomiki ti na marito yo kala ya nga talanga kambe ti na swifaniso swo tala leswi swi ku pfunaka ku vona swimunhuhatwa. Xitori xi hlamuseriwa hi swiphemu swa fureme – kun'wana ku na marito kasi kun'wana ku hava marito.



Siku:



TEACHER: Sign

Date

53

# Ku ehleketa hi khomiki



A hi vulavuleni



Bula hi khomiki ya Supa Strika na munghana wa wena. Kutani tsala xivulwa u hlamusela leswi humelelaka eka fureme yin'wana na yin'wana.

- 1
- 2
- 3
- 4
- 5
- 6
- 7
- 8
- 9
- 10
- 11
- 12
- 13
- 14



A hi tsalen'i

Hlaya khomiki leyi nakambe kutani u hlamula swivutiso leswi landzelaka.

1. Xana vatlangandzhaku va Super Strika va rhandza ku endla yini tanihi leswi va rhandzaka ku tlanga bolo ya milenge?
2. Xipanu xa Super Strika xi tlanga na xipanu xihi?
3. Xitswiriri xa n'watipempe xi endla mpfumawulo wa njhani? Hikwalaho ka yini a ba xitswiriri eka fureme ya 4?
4. Ku na minkutlunyo mingani? (Xitsundzuxo: languta fureme ya 4 na fureme ya 8.)
5. Endla nxaxameto wa marito ya mipfumawulo hinkwayo leyi nga eka khomiki.
6. Xana u vona swinavetiso swa njhani eka khomiki?
7. Swinavetiso swi kongomisiwe eka vaman'i?


Siku:

## Tikhathuni leti humaka eka swinavetiso



- ❖ Xana xinavetiso xa thelevhixini kumbe xa xiyanamoya lexi u xi tsakelaka ngopfu hi xihi?
- ❖ Xana hikokwalaho ka yini u xi tsakela?
- ❖ Xana u nga xava nchumu lowu xi wu navetisaka?
- ❖ I mani loyi u ehleketaka leswaku a nga navela ku xava nchumu lowu?
- ❖ Xana xinavetiso xi tirhisa xilogene lexi yelanaka na nchumu lowu?

Xava movha wa Pheki phaki. A ku na munhu loyi a nga faneliki ku va na wona. Wu famba emisaveni: vhuum, vhuum! A ku na nchumu lowu nga wu yimisaka.



1



2

Naswona wu famba ematini: Xwaaaa!  
– vhrrrr!

Hi Pheki phaki u nga va n'wana wa ndhuma emisaveni hinkwayo!

Yoo!



3

Ndhuma, ndhuma! Hi leswi u nga ta va xiswona!

Ahee!  
Ndzi na movha wa mphikizano wo siyisana wa Pheki Phaka!



4



Xiya xinavetiso lexi kutani u hlamula swivutiso leswi landzelaka.

Xana xinavetiso xin'wana na xin'wana xi ringeta ku kucetela leswaku u endla yini?

Xana xinavetiso xa engetela kumbe xi ku tshembisa swin'wana? Hlamusela leswaku hikwalaho ka yini u vula leswi.

Xana i mipfumawulo yihi ya marito leyi yi tirhisiweke eka xinavetiso?

Xana xinavetiso xi kongomisiwe eka vamani? Xana xi kongomisiwe eka vadyuhari, vantshwa, vafana kumbe vanhwanyana?

TEACHER: Sign

Date

55

# Ku tsala xinavetiso



A hi tsaleni

Sweswi u ta tirhisa phositaro ku tsala xikiripiti xa xinavetiso xa wena n'wini xa thelevhixini!

Xi endle hi xivumbeko xa tikhathuni.

- Sungula hi ku boha leswi u nga ta swi tirhisa eka xinavetiso xa wena.

- Xana u ta tirhisa munhu un'we kumbe vo tala?

- Sweswi tlhantlha xinavetiso xa wena hi swivono swa mune.

- Dirowa swifaniso kumbe u tsema swifaniso ku kombisa xivono xa wena.

- Tsala marito lawa ya kombisaka leswi munhu un'wana na un'wana a nga ta vula swona.



- Tirhisa mepe wa miehleketo ku ku pfuna ku kunguhata tsalwa ra wena
- Kombela munghana wa wena ku hlela mpfapfarhuto wa wena ● Pfuxeta xitshuriwa xa wena u tlhela u endla ndzulamiso ● Pfuxeta xitshuriwa xa wena u tlhela u endla ndzulamiso lowu faneleke
- Tsala swi basa ebukwini ya wena.

1

2

3

4

Xana ku humelela yini?

I vamani swimunhuhatwa?

Xana hungu ra xinavetiso hi rihi?

Siku:


Sweswi tirhisa nkunguhato ku tsala xinavetiso xa wena. Hlaya swinavetiso swa vadyondzi-kuloni. Hlawula xin'we u encenyetela tlilasi.

1

2

3

4



Loko u tsarile xikiripiti hinkwaxo xa wena xa thelevhixini, hlawula vanghana va wena entlaweni wa n'wina leswaku va xi encenyeta ku kombisa leswi xi nga ta langutekisa xiswona eka thelevhixini.

TEACHER: Sign \_\_\_\_\_ Date \_\_\_\_\_

# Swi hlanganise

## Xana xilandzi i yini?


Xilandzi i xiphemu lexi vumbaka nsinya wa rito. Xi lungeleriwa endzhaku ka rito rin'wana na rin'wana. Eka swilandzi ku kumeka: swilandzi swa marhavi ya maendli, leswi kombaka nkarhi lowu nga hundza na leswi tsongahataka maendli.

Tsondzela xilandzi eka rin'wana na rin'wana ra marito lawa.

phamela	fambanyana	yimela	swekisa
rhandzeka	tsalela	tlhaviwa	
hembisa	biwa	tsarisa	
tsalela	hakeriwa	endlisiwa	
hlundzukisa	fambela	hlekisa	



Languta xikombiso. Xana ku humelela yini loko hi lungelerile xilandzi eka riendl? Xana rito lerintshwa ri vula yini?



### Swirhangi leswi swi vula yini?

Xirhangi	Nhlamuselo	Xirhangi	Nhlamuselo
mu-	vun'we	mi-	vunyingi
xi-	vun'we	ti-	vunyingi
swi-	vunyingi	ti-	xitlhelelo

## Riendl ra xitwisiwo



Tsala swivilwa leswi hi ku tirhisa rito ra murunguri. Hi ku sungulele xivulwa xin'wana na xin'wana.



Fasitere a ri fayiwile hi nhwanyana.

Xivulwa xi le ka riendl ra nghingiriko loko nhlokohaka ya xivulwa yi ri yona yi endlaka swo karhi. Xikombiso: Mbyana yi dya rhambu. Xivulwa xi le ka riendl ra xitwisiwo loko nhlokohaka ya xivulwa ku ri yona yi endliwaka swo karhi. Xikombiso: Rhambu ri dyiwa hi mbyana.



Bere a yi \_\_\_\_\_

Siku:

## Xana xirhangi i yini?

Xirhangi i xiphemu lexi lungeleriwaka emahlweni ka rimitsu. Ku kumeka tinxaka leti ta swirhangi: swa mintlawa, swa vundhawu na swa xitlhelelo. Xikombiso: ti-(xirhangi xa xitlhelelo) + rhandza (riendl)= tirhandza.



Languta xikombiso. Ku humelela yini loko u lungelela xilandzi eka rimitsu ra rito? Xana rito lerintshwa ri vula yini?

Rimitsu  
tirħa

Xilandzi  
isa

Tsondzela xirhangi eka marito lawa ya nga laha hansi kutani u tsala nsinya etlhelo ka rito leri u nyikiweke.

tivona	bohana	tidya	tsaleka	tlakuriwa
endlwini	hlantswela	titshova		
vanhu	pfuleka	tihlantswa		
murhi	tibyela	vulavurisa	cinile	
nyumile	fumisa	tiboha	tixisa	
entshaveni	mirhi	ebazini	pfalula	



### Swilandzi leswi swi vula yini?

Xilandzi	Nhlamuselo	Xilandzi	Nhlamuselo
-isa	xivangelo	-eka	xikotelo
-ana	xihlamulano	-ula	xitlhandlulo
-iwa	xitwisiwo	-nyana	ntsongahato
-isia	xidzimelo	-ile	nkarhi lowu nga hundza



Nhwanyana u \_\_\_\_\_



Bolo yi \_\_\_\_\_



Mufana u \_\_\_\_\_



N'wamapapila \_\_\_\_\_

TEACHER: Sign \_\_\_\_\_ Date \_\_\_\_\_

# Dan, xitlangi xa bolo ya milenge!



A hi hlayeni

Encenyeta ntlangu lowu. Ku ta laveka manana, tatana, mufana na murunguri loyi a nga ta hlaya n'wangulano (leswi swimunhuhatwa swi vulavulaka swona).



**Mbangu:** Ekamareni ro wisela ra ka vaDan. Dan u etlele esofeni u langutile bolo ya milenge eka thelevhixini. Tata wa yena na mana wa yena va languteka va khumbekile hikokwalaho ka ku va Dan a nga endli ntirhokaya wa yena.

Manana:

Dan, xana u endlile ntirhokaya wa wena?

DAN:

Aa ... yhu ... lomu ka swona. Mm ... a ndzi na ntirho wo tala, manana. Leswi ndzi faneleke ku swi endla i ku tsala xitori xa marito ya 300 ntsena hi swin'wana. Kambe ndzi lava ku vona ntlangu lowu hi xihatla la ka thelevhixini.

Manana:

Daniel Chabalala, swa antswa u endla ntirhokaya wa wena, sweswi!

[A teka nkwama wa yena wa tibuku ehansi a wu veka etafuleni.]

DAN: Ahh, Manana! Hikokwalaho ka yini mudyondzisi wa hina a hi kombela ku tsala xitori xa marito ya 300? A hi mina William Shakespeare mina! Marito ya madzana manharhu! Swi nge pfuki swi herile! Ndzi ta ma tsala ya huma kwihi? Xana ndzi nga ka ndzi nga sunguli hi ku vona Pirates na Chiefs ti tlanga? Ndzi ta sungula loko ntlangu wu hela. Ndza tshembisa!

Tatana:

[A teka buku enkwameni wa yena a yi pfula.] Kumbe buku ley a yi ta ku pfuna. Languta mepe wa miehleketo ebukwini ya wena yo tirhela. Wu hlamusela leswaku u tsala nhlokomhaka ya wena exikarhi na mianakanyonkulu emabokisini. Swa olova! Ringeta mufana wa mina.

Kambe tatana, ndzi ta tsala hi yini? Ndzi ta sungula hi vito ra mina na xivongo. Se swi ndzi nyika marito mambirhi ... ku sale 298 leswaku ndzi heta! Ndzi navela onge ndzi ngo languta ntlangu. Hi swona, hi swona. Ndzi ta ehleketa. Xana ndzi ta tsala hi yini? Mmm.


[Dan a etlela nhloko ya yena yi ri ehenhla ka buku.]

DAN:

Loko Dan a ri karhi a anakanya, vurhongo byi n'wi khoma hi matimba.

A ahlamulela ehenhla kutani hi ku hatlisa xikandza xa yena xi dzima ebukwini, vurhongo byi ku vuyavuyani. A lorha hi ntlangu lowu a lava ku wu hlalela.

A lorha a ri exitediyamu xa FNB a tshamile eswituwlwini swa le mahlweni endzhaku ka tipala ta Chiefs. A hlalerile hi ku chuha. A lorha ntlawa wa yena wu ri karhi wu dyiwa naswona ku sele ntlhanu wa timinete ntsena leswaku ntlangu wu hela. Muhowisi wa khwita na mutlangi wa le



Murunguri a rungula xiphemu xa xitori lexi nga encenyetiwangiki hi swimunhuhatwa.

Swiletelo swa mbangu na xiteji swi nyikiwile endzeni ka swiangi swa xikwere.



Siku:

xikarhi a va vavisekile no humesiwa erivaleni. Hi mbitsi, hi loko a tlulela erivaleni. A teka bolo a tlangatlanga hi yona na ku yi fambisa a tsemakanya rivala.

U na rivilo na vuswikoti ku tlula lava a tlangaka na vona. Kutani, hi ku tiyimisela na ku tirhisa tinyama hinkwato ta miri wa yena, Dan a howisa bolo xikan'wekan'we loko va ba xitswiriri xa ku tivisa ku hela ka ntlangu. Xikandza xa Dan xo n'wayitela xi humesiwa etikweni hinkwaro eka thelevhixini. Vaphuweteri va huwelela, "Dan Chabalala wa ha ku howisa bolo!" va tlhela va ku: "hi na nghwazi leyintshwa, Dan Chabalala! Afrika-Dzonga, hi na nghwazi leyintshwa ya ntlangu wa bolo ya milenge!"

[Mana wa Dan a n'wi pfuxa.]


Manana: **Dan, pfuka ... pfuka!** U na ntirhokaya lowu u faneleke ku wu tirha!

DAN: Hmmm? Hii? Xana mi te yini?

Tatana: Dan! Xana u ehleketa leswaku u endla yini?  
U fanele u hetu ntirhokaya wa wena!

Manana: Kumbexana xithongwana xa wena xi ta va xi ku nyike matimba yo hetu ntirhokaya wa wena. Xana u lava leswaku ndzi ku pfuna ku kuma nhlokomhaka ya xitoria xa wena?

DAN: [A n'wayitela katsongo.] Ee, hi swona, manana. Ndzi swi tiva kahle leswi ndzi lavaka ku tsala hi swona!



A hi tsalen'i

Xana u ehleketa leswaku Dan u ta tsala a vulavula hi yini?

Xana Dan a vula yini loko a ku "A hi mina William Shakespeare"?

Xana mbangu wa ntlangu hi wihi (swi humelela kwih)

Xana hi swihi swiendlo swinharhu leswi ku vulavuriwaka hi swona eka ntlangu?

1

2

3

# Phositara ya ntlangu



Naswona eAfrika Dzonga . . .

## Hleka ku kondza u phatluka tinhlaya

### U vuyile hi ku rhandziwa hi vanhu!



Tiyetara ya Rixaka ya tinyungubyisa hi ku tivisa nguva ya **Pippi Longstocking**, xitori xa khomiki ya vana. Yi ta humesiwa hi masiku ya ku wisa ka xikolo ya Paseka, ku suka hi ti 7 Nyenankulu.


Pippi i nhwana wo titsakela loyi a tshamaka a ri yexe eka **yindlu ya misavu**, a ri na hanci na nkawu leswi a swi ri swifuwana swa yena. Pippi a ri na endlelo ra yena ra misavu, hambi loko vanghana va yena va n'wi nghenisa ekhombyeni! Vana a va rhandza ku hlalela **leswi a swi endla**.

A ri ximunhuhatwa xo rhandzeka naswona vana hinkwavo lava a va n'wi vona a va navela ku fana na yena. Endzhaku ka ntlangu, vana a va tsutsumela elayiburari ku ya kuma buku ya *Pippi Longstocking*.



**A hi tsalen!**

Hlamula swivutiso leswi landzelaka.



**Ku buka hi buloko** na mimbhukuto swa kumeka eka swikolo.


Xana vito ra ntlangu i yini?

Xana hi swi tivisa ku yini leswaku i ntlangu wa misavu?

Xana swimunhuhatwa i vamani? Nkhwatihata ximunhuhatwankulu.

Xana xi kongomisiwe eka vahlaleri vahi? Tsala mahungu lawa ya hi byelaka leswi.

Xana hikokwalaho ka yini u ehleketa leswaku ku tirhisiwe mihlovo yo vonakala eka phositara?



Siku:

## Tumbuluxa phositara ya ntlangu



Tumbuluxa phositara yo navetisa ntlangu. U nga navetisa "Jabu na N'wanghala" kumbe "Dan, xitlangi xa bolo ya milenge". Anakanya swinene hi ntlangu lowu u nga ta wu navetisa hikuva eka pheji leri landzelaka u ta fanela ku tsala xikiripiti xa wona. U fanela ku katsa:

- Vito ra ntlangu hi maletere lamakulu, lama tikisiweke, ya muhlovo wo vonakala (u fanele u nyika ntlangu vito)
- Ku tlanga vamani eka ntlangu lowu?
- Wu ta tlangeriwa kwihi?
- Masiku na minkarhi ya ntlangu
- Nhlamuselo yo koma ya ntlangu
- Mahungu hi ta mabukelo

Switsundzuxo swo khavisa  
phositara

- Tirhisa ririm ijeri twisisekaka.
- Hambanisa maletere na sayizi ya marito, swibumabumelo na swivulwa.
- Tirhisa mihlovo yo koka mahlo ya vahlayi.
- Dirowa swifaniso kumbe u swi namarheta ku byela vanhu swo tala hi ntlangu.



Languta tiphositara leti endliweke hi vanghana va wena kutani u hlawula leyi u yi tsakelaka swinene. Eka phepha ro tirhela leri landzelaka u ta tsala xikiripiti xa ntlangu.

TEACHER: Sign

Date

# Tsala ntlangu wa wena



Tirha na vadyondzikuloni ku humelerisa ntlangu. Hetisa chati leswaku yi ta mi pfuna ku kunguhata.

Swimunhuhatwa Tsala mavito ya vadyondzikuloni lava va nga ta tlanga xiphemu xin'wana na xin'wana.	Hlamusela ximunhuhatwa.	Leswi ximunhuhatwa xi nga ta ambala swona.	Swimunhuhatwa swi ta vula yini?

Xana swimunhuhatwa i vamani?

---



---



---

Hi ntlawa, kanelani  
mavonele lama nga  
tirhisiwaka eka xitshuriwa  
hi ku tirhisa mepe wa  
miehleketo ku xaxameta  
mianakanyo ya n'wina.

Nhlokomhaka

Xana ku humeleta yini? Hlamusela mbangu.

---



---



---



Xana kungu ra xitori hi rihi?



Xosungula

Kutani

Kutani endzhaku

Eku heteleleni

## Siku:



Pfapfarhuta ntlangu wa wena. Wu hlele kutani u tsala tsalwa ra wena ro hetelela endhawini leyi nyikiweke. Loko u lava ndhawu yin'wana, tsema u hoxa papila ro huma eka buku ya wena ya switoloveto.

## Nhlokomhaka

# Swo tala hi maengeteri na mabumabumeri

Maengeteri ya tala ku hi byela swo tala hi riendli kumbe hi xiendaleko. Ya hlamula swivutiso swo fana na: **kwihi? rini? njhani?** kumbe **hikokwalaho ka yini?** Ya hlamusela:

- **Maendlelo/mukhuva** kumbe **leswi swo karhi** swi humelerisaka xi swona: ngopfu, khwatsi, swinene.
- **Ndhawu** kumbe **laha xanchumu** xi humevelaka kona: laha, ekule, endzeni, endzhaku, emahlweni, enambyeni, eGiyani.
- **Nkarhi** kumbe **loko xo karhi xi** humevela: tolo, namuntlha, mundzuku, n'hweti leyi taka.
- **Ku vuyeleta** kumbe **leswi swilo swi tshamaka** swi humelerisa xiswona: nkarhi hinkwawo, nkarhi wun'wana, hikanyingi. Marito lama ya hi byela hi nkarhi.



A hi tsaleni

Nkhwatihata maengeteri eka swivulwa leswi kutani u tlhela u tsongdzela maendli. Vula leswaku i riengeteri ra mukhuva, nkarhi kumbe ndhawu.



Vula leswaku i riengeteri rihi

U fambe <b>tolo</b>	<b>Nkarhi</b>
Mufana u dya khwatsi.	
Yingwe yi na rivilo swinene.	
U tshama eJoni.	
Xinyenyana xi tshama laha nkarhi hinkwawo.	
Va rhandza ku famba swin'we hikanyingi.	
U rhandza ku endla ntirhokaya wa yena nimpundzu.	
Kokwana u fike sweswi.	
Kokwana u fikile namuntlha.	
Jabu u rhandza ku pfuna tatana nkarhi hinkwawo.	
Ana u vuyile <b>ekaya</b> (_____) <b>hi xihatla</b> (_____) <b>tolo</b> (_____) ku ta hlalela ntlangu.	

Siku:

## Swo tala hi mahlawuri



Hi tirhisile mahlawuri loko hi hlamusela swimunhuhatwa exitorini.  
Mahlawuri ya hlamula swivutiso leswi "xana xi fana na yini?"

Hlaya swivulwa leswi kutani u nghenisa marito lawa tirhisiweke ku hlamusela swanchumu.

Khamba a ri ambarile baji ro tika, xihuku xa wulu na xitumbetaxikandza.

Mutlangi wa bolo ya milenge a ambale xikipa xo tshwuka, masokisi yo leha na tikhokho ta xilamula.

baji	xihuku	xitumbetaxikandza	xikipa	masokisi	tikhokho

## Tinxaka ta mabumabumeri

**Ribumabumeri ra rihlawuri:** vambe lavanene vantshwa mbisi timbirhi

**Ribumabumeri ra rifuwi:** wa mina ta ntima va xikolo xa hina ya mina swo tshwuka

**Ribumabumeri ra rihlayi:** timbirhi yin'we tinharhu swinharhu

**Ribumabumeri ra engetelo:** lava tirhaka leyi dyiwaka la tlhariheke leswi fambaka



Languta mabumabumeri lawa ya khwatihiatiweke eswivulweni kutani u tsondzela riviti kumbe risivi leri bumabumeriwaka. Eka kholomu ya ku hetelela, kombisa muxaka wa ribumabumeri:  
**Rihlawuri, engetelo, rifuwi, ntsengo.**



Rixaka ra ribumabumeri

Solani u dya xinkwa xo basa.

Vana lavatsongo va yingisela vatswari.

U rhambile vanghana va ntlhanu entlangwini wa yena.

Rhoko yo tshwuka yi sasekile.

Vana lava hlayaka va pasa.

Vanhu vambe va amukeriwa hi tintswalo.

Magezi i buti wa mina.

TEACHER: Sign \_\_\_\_\_ Date \_\_\_\_\_

### Ndzi kota ku



hlaya xitshuriwa xa ndzungulo	
hlamula swivutiso swo huma eka xitshuriwa	
tirhisa mabumabumeri ku hlamusela swimunhuhatwa swa xitori	
hetisa mepe wa miehleketo ku rungula xitori nakambe	
tsala xitori xo huma eka mepe wa miehleketo	
hlaya papila ra xinghana	
kuma nonganoko wa matirhele yo huma eka papila	
lava marito eka dikixinari no rhekhoda tinhlamuselo ta wona	
hlamula swivutiso swo hlawula nhlamulo leyi nga yona	
tsala papila ra xinghana	
tirhisa mepe wa miehleketo ku kunguhata ku tsala papila	
hlaya imeyili	
hlamula swivutiso swo huma eka imeyili	
boxa maviti na mabumabumeri eswivulweni	
tirhisa mabumabumeri emahlweni ka maviti na le ndzhaku ka maviti	
yelanisa marito na vamavizweni va wona	
yelanisa marito na marito-fularha ya wona	
tirhisa mahlanganisi	
tirhisa maendli ya nkarhi lowu nga hundza	
tirhisa nkarhi lowu nga hundza na nkarhi lowu taka	
hlaya xitiripi xa khomiki	
bula hi fureme yin'wana na yin'wana ya tikhathuni	
hlamusela fureme yin'wana na yin'wana ya tikhathuni	
tsala swivulwa nakambe ndzi tirhisa marito ya munhu	
nyika mavonele mayelana na swinavetiso	
kunguhata xinavetiso xa thelevhixini no tsala xikiripiti xa xona	
hlamusela mbangu, swimunhuhatwa na nkongomelo wa xinavetiso	
tsala xitori xa tikhathuni	
lungelela swirhangi na swilandzi eka timitsu ta marito	
tirhisa riendlri ra nghingiriko na riendlri ra xitwisiwo	
hlaya ntlangu	
encenyeta ntlangu	
hlamula swivutiso swo huma eka ntlangu	
hlaya phositara yo navetisa ntlangu	
hlamula swivutiso swo huma eka phositara	
endla phositara ya ntlangu	
tsala ntlangu	
boxa maeneteri ya mukhuva, nkarhi na ndhawu	
boxa maviti na masivi lama bumabumeriwaka	
boxa tinxaka ta mabumabumeri: rihlawuri, rifuwi na riengetelo	

## Nkongomelo wa 7: Leswi swi endlisiwaka xiswona

Kotara ya 4: Mavhiki ya 1 - 4

Mavhiki ya 1 - 2:  
Landzelela milawu

### 97 Matlangele ya ntlangu wa HUMA 70

Ku hlaya xitshuriwa xa swiletelo swa matlangele ya ntlangu wa HUMA.  
Ku hlamula swivutiso swo huma eka xitshuriwa.

### 98 Maendlelo ya xinkwa xo oxa xa Xifurwa 72

Ku hlaya rhesipi yo thosita xinkwa.  
Ku landzelela ndzandzelelano wa swifaniso no nambara swiletelo hi mfanelo.  
Ku hlamula swivutiso swa mayelana na rhesipi.  
Ku ringanisa swiletelo swa rhesipi na swa ntlangu wa HUMA  
Ku bula na munghana hi swivulwahava leswi tirhisiwaka eka telefoni.  
Ku tsala xitshuriwa xa swiletelo.

### 99 Ku tsala swiletelo na milawu 74

Ku tsala swiletelo kumbe milawu tanihi xitirho kumbe ku twisia milawu ya ntlangu.  
Ku boxa maendli eswivulweni.

### 100 Maengeteri ya nkarhi, mukhuva na ndhawu 76

Ku boxa maengeteri no vula tinxaka ta wona.

### 101 Xana u tsundzuka yini? 77

### 102 Ku famba exibakabakeni 78

Nkanelo na ku bvumba loku humaka eka swifaniso.  
Ku hlaya xitshuriwa xa swiletelo.

### 103 A hi twisiseni 80

Ku hlamula swivutiso swo huma eka xitshuriwa xa swiletelo.  
Ku tsala ndzimana mayelana no va muhandzulampfhuka.  
Ku tsala posikarata ku hlamuseriwa rendzo ro ya exibakabakeni.

### 104 Ku tirhisa swivutiso swa inthavhiyu 82

Ku endla mbalango ku tirhisiwa nonganoko wa swivutiso.  
Ku tsala mbuyelo wa mbalango.

Mavhiki ya 3 - 4:  
Ku hlayela ku kuma vuxokoxoko

### 105 Hinkwerhu hi tshama eka pulanete ya misava 84

Ku hlaya xitshuriwa xo nyika vuxokoxoko.  
Ku hlamula swivutiso swo huma eka xitshuriwa.  
Ku humesa vuxokoxoko eka xitshuriwa.

### 106 Matikonkulu ya nkombo 86

Ku tatisa mavito ya matikonkulu ya nkombo na malwandlenkulu.  
Ku tsala mavito eka mepe ku tirhisiwa vuxokoxoko lebyi nyikiweke.

### 107 Swivutiso hi mepe wa misava 88

Ku tlanga ntlangu wa swivutiso swa mepe wa misava.

### 108 Mindhavuko yo hambana 90

Ku vutisa swivutiso swa inthavhiyu no rhekhoda tinhlamulo.  
Ku dyondza hi tiko rin'wana no kuma tinhlamulo ta swivutiso.  
Ku hetisa marito yo siyanana eswivulweni.

### 109 Ku kuma Sediba 92

Ku hlaya atikili ya phephahungu.  
Ku hlamula swivutiso swo huma eka atikili ya phephahungu.  
Ku tsala eka dayari leswi humaka eka atikili ya phephahungu.

### 110 Manana Ples na Little Foot 94

Ku hlaya webesayiti hi tindhawu ta ndzhaka.

### 111 Ndzhaka ya hina 96

Ku hlamula swivutiso swo huma eka vuxokoxoko bya webesayiti.  
Ku endla phositara ku navetisa Ndhawu ya Ndzhaka ya Cradle of Humankind.  
Ku vumba swivulwa hi maengeteri  
Ku dirowa swifaniso ku kombisa nhlamuselo yin'wana ya swivulwa.

### 112 Ku kunguhata phamfulete 98

Ku endla burochara yo navetisa Cradle of Humankind.



## Xitshuriwa xa swiletelo kumbe swileriso i yini?

Eka mavhiki mambirhi lama landzelaka u ta langutisa eka xitshuriwa xo lerisa. Xikongomelo xa muxaka lowu wa xitshuriwa i ku hlamusela muhlayi maendlele ya xan'wanchumu. Mahungu ya tlhantliwa katsongo, hi magoza yo landzelelana. Xikombiso lexi nga tolreveleka xa xitshuriwa xo lerisa i xa maswekelo (rhesipi). Swin'wana swikombiso leswi nga tolreveleka swi katsa swileriso swo tirhisa riqingho ra le nyongeni kumbe khomphyuta na milawu ya mitlangu.



A hi hlayeni


Xitshuriwa lexi xa swileriso xi vulavula hi ntlangu lowu wu vuriwaka HUMA. Kongomisa eka swileriso swa matlangele ya ntlangu.



**Swilaveko**  
Bolo ya rhaba  
yo olova.  
  
Vatlangi  
va ntlhanu na  
ku tlula.  
  
Ndhawu ya  
le handle.



**Ko tlangela kona**  
Ndhawu ya le handle  
yo tlangela leyi nga  
ekule na mafasitere na  
mimovha.



**Xikongomelo xa  
ntlangu lowu**  
Ku va mutlangi  
wo hetelela  
entlangwini:  
vatlangi lava  
nyikiwaka maletere  
va humesiwa  
entlangwini loko  
maletere ya tsala rito  
H-U-M-A.



## Milawu ya ntlangu

- 1 Mutlangi un'wana na un'wana u fanele ku teka nomboro ya yena ya xihundla ebokisini.  
Hi ku siyerisana, un'wana u fanele ku vula leswaku i mani a nga ta nyika tinomboro. Xik." mudyondzisi wa wena u ta nyika un'wana na un'wana nomboro ya xihundla."
- 2 Hlawula mutlangi loyi a nga ta sungula ntlangu. U fanele a teka bolo. Mutlangi loyi a nga na bolo u ta vitaniwa **xona**.
- 3 **Xona** u ta hoxa bolo emoyeni kutani a vitana nomboro. Mutlangi loyi a nga na nomboro u ta hundzuka **xona** naswona u fanele ku khoma bolo. Vatlangi lavan'wana va fanele ku tsutsuma va baleka.
- 4 **Xona** u fanele ku huwelela a ku HUMA. Vatlangi hinkwavo va fanele ku yima va nga ninginiki.
- 5 **Xona** u teka magoza manharhu lamakulu a tshunelela mutlangi wa le kusuhi, kutani a n'wi hoxela bolo emikondzweni ya yena. Mutlangi loyi a hoxeriwaka a nga fanelangi ku ninginika.
- 6 Loko **xona** o ba mutlangi kumbe mutlangi o ninginika, mutlangi u ta hundzuka **xona** kutani a kuma letere ra **H** (leri yimeleke HUMA). Nkarhi lowu landzelaka loko mutlangi a biwa, u ta kuma letere ra **U** na loko a biwa nakambe u ta kuma letere ra **M** ku kondza a kuma letere ra **A**.
- 7 Loko mutlangi a kumile maletere hinkwavo (**HUMA**) wa humesiwa entlangwini naswona ntlangu wu ta ya emahlweni a nga ri ku tlangeni.



**A hi tsaleni**

Sweswi hlamlula swivutiso leswi mayelana na ntlangu wa HUMA.

*Ringetani ku  
tlanga ntlangu  
ku kambisia  
loko milawu yi  
tirha.*

Xana hi byihi vugimuntsongo bya nhlayo leyi lavekaka ku tlanga ntlangu?

Xana vatlangi va fanele ku endla yini loko xona a vitana "HUMA"?

Xana i tindhawu tihia laha swi nga fanelangiki ku tlanga ntlangu?

Xana hi xihi xifaniso lexi xi fambisanaka na nawu wa 5?



# Maendlelo ya xinkwa xo oxa xa Xifurwa



A hi hlayeni

Languta swifaniso kutani u hlaya swiletelo. Landzelela nxaxamelo wa swifaniso kutani u tsala tinomboro el swileriso hi nxaxamelo lowu nga wona.





## RhesipyaxinkwaxooxaxaXifurwa

### Swilaveko

- 2 wa matandza
- 4 wa swilayi swa xinkwa
- Swilepulana swimbirhi swa jamu
- $\frac{1}{4}$  khabpu ya masi
- Swimunywana

### Endlelo

- Oxa swilayi swa xinkwa, u swi hundzuluxela loko swi ri swa buraweni.
- Totela xikan'we na jamu.
- Chela mafurha u tata tshaku ra pani yo ratinga.
- Faya matandza u ma hlanganisa xikan'we na masi.
- Peta matlhelohinkwawo ya xinkwa eka swihlanganisiwa swa masi.



Siku:



Ehleketa hi swibye leswi u nga ta swi tirhisa ku endla xinkwa xo oxa xa Xifurwa. Swi longoloxe.


Sweswi yelanisa swileriso leswi nga le ka rhesipi na swiletelo swo tlanga ntlangu wa HUMA.

Xana swileriso leswi swimbirhi swi fana hi ndlela yini?



Loko hi nyika swileriso hi tala ku tirhisa marito ya xithekiniki.


Languta swibumabumelo leswi swi vulavulaka hi riqingho ra selefoni kutani u hlamusela munghana wa wena leswaku swi vula yini.

wachi ya alamu		menyu	
betiri ri le hansi		riqingho leri nga hupiwa	
khalendara		lava u va belaka riqingho	
ku leha ka nkarhi wo vulavula		SMS	
nghenisa nomboro ya PIN		khiyilula	
mahungu yo siyiwa eka riqingho		tsala mahungu	

Tsala swiletelo swo byela Robbie Robot maendlele yo rhumela SMS kumbe mayingiselele ya mahungu lama rhekhodiweke eka riqingho.


Hi mina Robbie Robot naswona  
a ndzi tivi nchumu! Ndzi  
kombela ku pfuniwa.



TEACHER: Sign \_\_\_\_\_ Date \_\_\_\_\_

# Ku tsala swiletelo na milawu

Xana wa tlanga mintlangu?



Xana wa tirhisa riqingho ra le nyongeni?


Xana u tirhisa ayini ya gezi kumbe ketlele?



Tsala swileriso kumbe milawu yo pfuna Robbie Robot ku tirhisa switirhisiwa swa xithekiniki kumbe ku twisia milawu ya ntlangu lowu u wu tlangaka.

## Milawu na swileriso

Swa: \_\_\_\_\_



Xana wa tlanga ntlangu?



Siku:

## Swivulwa-nkatsano



Swivulwa-nkatsano swi na maendli mambirhi.

Nkhwatihata maendli eka swivulwa leswi. Kutani hambanisa swivulwa-nkatsano ku huma swivulwa swimbirhi.



Mufana wa khwita hikuva u vaviseke nenge.

Mufana wa khwita.

Mufana u vaviseke nenge.

Ndzi rhandza rhagibi naswona ndzi rhandza bolo ya milenge.



Mudyondzisi u pfune n'wana hikuva a nga twisisi.



Mbyana yi vukurile hikwalaho ko twa pongo.

Ndzi pfuna manana ku sweka kutani ndzi deka tafula.



TEACHER: Sign \_\_\_\_\_

Date \_\_\_\_\_

# Maengeteri ya nkarhi, mukhuva na ndhawu

## Xana hi kwihi ku hambana ka maengeteri lawa?

Tanihi leswi u swi voneke eka phepha ro tirhela eka rona leri nga hundza, maengeteri yo tala ya ku byela hi mukhuva wa maendlele, nkarhi lowu swilo swi endliwaka hi wona na ndhawu ya laha swi humevelaka kona. Hi marito man'wana, ya hlamusela mukhuva, ndhawu kumbe nkarhi wa xiendleko.

Riengeteri ra mukhuva

Riengeteri	ra mukhuva
khwatsi	hi ku hatlisa
swinene	hi ku nonoka

Languta maengeteri

Riengeteri ra mukhuva ri hlamusela mukhuva lowu xanchumu xi humevelaka hi wona.

Riengeteri	ra mukhuva
hi vuxiyaxiya	hi tintswalo
hirirhandzu	ngopfu

## Malongoloxelo ya maengeteri

Maengeteri ya hlamula swivutiso swa leswaku kwihi, njhani, rini na hikwalaho ka yini xiendleko xi humelerile.

Riendli	Maendlelo/ mukhuva	Ndhawu	Ku vuyeleta	Nkarhi	Swikongomelo
Nyiko wa hlambela	ngopfu	exihlobyen	mixo wun'wana na wun'wana	ri nga si xa	ku va na miri wa kahle
Tatana wa famba	swinene	exitolo	madyambu man'wana na man'wana	hi nga si lalela	ku kuma phephahungu
Wanuna wa chayela	khwatsi	entirhweni	mixo wun'wana na wun'wana	hi nga si fihlula	ku fika hi nkarhi



A hi tsaleni

Nkhwatihata riengeteri eka xivilwa xin'wana na xin'wana kutani u vula leswaku ri hlamusela **maendlelo/mukhuva**, **ndhawu** kumbe **nkarhi** wa xiendleko.

Rixaka ra maengeteri

U vulavulela ehansi ngopfu.

Hi tshama kwala.

Hi ta ya eDurban mundzuku.

U tshamela ku endla ntirhokaya wa yena.

U famba hi ku nonoka hikuva u tivavisile nenge.

Khwayere yi yimbelela kahle swinene.

A ndzi si tshama ndzi dya nyama.

Vana va tlangile hi ntsako ephakeni.

Va vuye ekaya hi bazi.

Ndzi le ku dyeni sweswi.

Tolo a ndzi yile edorobeni.

U yime hi xihatla a hlamula selefoni ya yena.

A chuhile kutani a vulavula hi ku hatlisa swinene.

## Xana u tsundzuka yini?



Nkhwatihata maeneteri hinkwawo lawa John a wa tirhisaka eka mbulavulo wa yena. Kutani tsondzela maendli lawa ya hlamusewaka.

Ndzi tlangile ntlangu wo xonga wa bolo ya milenge tolo nimadyambu. A ndzi tsutsuma hi rivilo, ndzi hlasela hi matimba ndzi tlhela ndzi howisa tigolo tinhharhu hi ku olova swinene. Katsongo ndzi howisile golo ya vumune. Ndzi tlangile kahle lero mudzaberi a kala a vula leswaku loko ndzo tshamela ku endla switoloveto ko tala ndzi nga va xitlangi xa Bafana Bafana siku rin'wana. Vahlaleri a va huwelela hi ntsako loko ndzi howisa golo. Siku rin'wana ndzi ta va mutlangi wa bolo ya milenge wa phurofexinali. Kumbexana ndzi nga va mukapiteni wa Bafana Bafana!



Sweswi nkhwatihata mabumabumeri hinkwawo lama Ann a ya tirhisaka eka mbulavulo wa yena.




Xana wa swi tiva leswaku xifuwana xi na yini? Ndzi na pume ro hlamarisa. I xifuwana xa kahle swinene! Xi na tintswalo. Buti wa mina a lava ximanga lexisongo xa ntima. Swimanganyana swi sasekile swinene kambe pume ri tsakisa ngopfu. Ku phamela rona swa olova naswona i ritsongo lero u nga ri rhwala u fambafamba na rona siku hinkwaro! Van'wana va vanghana va mina va chava pume kambe a ri na khombo. Pume ra mina ri tsakisa ku tlula swifuwana swa van'wana. Loko ndzi kula ndzi lava ku dyondza Zoology. Ndzi ehleketa leswaku swihadyana swa milenge ya ntsevu swa hlamarisa.



Sweswi tsala nhlamuselo ya ntlangu lowu u nga wu tlanga kumbe xifuwana lexi u nga na xona. Tirhiswa mabumabumeri na maeneteri yo hambana-hambana.


# Ku famba exibakabakeni



A hi vulavuleni

Languta swifaniso leswi nga eka pheji leri kutani u tlhela u hlamusela leswi xitshuriwa xi vulavulaka hi swona. Bulani hi swivutiso leswi na munghana wa wena.

- ❖ Xana vanhu va yisa ku yini exibakabakeni?
- ❖ Vanhu lava va vuriwa yini?

- ❖ Xana vahandzulampfhuka va ambala yini loko va famba exibakabakeni?
- ❖ Xana wa swi tiva leswaku hikokwalaho ka yini va ambala mpahla yo karhi?



A hi hlayeni

Sweswi hlaya swileriso swa ku ambala swiambalo swa le xibakabakeni.




1

Xo sungula vahandzulampfhuka va ambala nchumu wo fana na xirhangiso xo leha. Xi endliwile hi rhekerhe leyi nga na machubu ya rhabara leyi rhungeleriweke eka xona. Mati ya kota ku khuluka hi machubu lawa ku endlela leswaku vahandzulampfhuka va titwa va horile tanihi leswi ku hisa ka mimiri ya vona ku nga kotiki ku huma loko vo kala va tipfalela endzeni ka tisudi ta vona ta le xibakabakeni.

2

Muhandzulampfhuka loyi a landzelaka u ambala xiyenge xa le hansi xa sudu, leyi endliweke hi xiphemu xin'we - xo tiya xo bumbula na tibutsu leti khomanike na xona. Emisaveni vahandzulampfhuka va fanele ku ganama ehansi ku kota ku ambala maburuku ya vona. Empfhukeni va ambala va ri karhi va papamala emoyeni.




3


Vahandzulampfhuka va papamala emoyeni va ndzundzela eka xiphemu xa le henbla xa swiambalo swa vona. Xiphemu xa le henbla i xiphambati xo tiyela lexi nga na mavoko lawa ya petsekaka hi ku olova. Nhloko ya muhandzulampfhuka yi humelela hi nhamu ya xingwavila xo endliwa hi nsimbhi laha mavoko ya nga humaka kona na magilavhu ya khomaka kona. Xiphemu lexi xa mpahla ya le xibakabakeni xa tika swinene loko xi ri eka pulanete. Xi nyika moyo lowo tenga, mati, fene na tibetiri.



4

Loko vahandzulampfhuka va ri endzeni ka mpahla leyi, un'wana wa vona u sala endzeni ku pfuna ku khomanisa swiambalo leswi swin'we. Va nga si ambala magondolo, vahandzulampfhuka va ambala swihuku leswi nga na swipikara swa xiyanimoya etindleveni na timakhirofoni leti ti humelelaka emahlweni ka milomu ya vona leswaku va kota ku vulavurisana na ntlawu hinkwawo.




**5**

Leswi hinkwaswo swi teka tiawara ti nga ri tingani. Kambe eku heteeleni, va va va tilulamiserile ku ambala magondolo na magilavhu yo ka ya nga tivikani. Va lunghisa tikepisi ta vona no nwaya tinhompfu ta vona ro hetelela. A va nga swi koti ku endla swilo leswi nakambe ku fikela loko ntirho wa vona wa le xibakabakeni wu hela.

**6**

Muhandzulampfhuka loyi a ri ku pfuneni u suka eka xipfalamoya kutani a ya pfala nyangwa. Endzeni ka tisudi ta vona letikulu, vahandzulampfhuka vambirhi va tata xindhawana. Va yima va ri vambirhi timinete titsongo eka moya wo pfaleka, moya wu ri karhi wu huma. Va kota ku twa tindleve ti pfuleka loko va ha yimele geji ya ntshikelelo wa moya yi kombisa leswaku moya wu humile.

**7**

Eku heteeleni va nga pfuna kutani va humela exibakabakeni. Va nga si papamala va huma eka xipfalemoya, vahandzulampfhuka va khweketa tiwayere to lala exikarhi ka tisudu ta vona na xibamubamu. Tiwayere leti ti endla leswaku vahandzulampfhuka va nga phaphamali va ya ekule na xibamubamu.

**8**

Ku papamala va ya exibakabakeni ku endla leswaku va hundzuka vanhu va tisathelayiti. Va rhendzeleka hi misava. A va lavi xibamubamu, hambileswi swi nga swa nkarhinya, hikuva tisudu ta vona ta le xibakabakeni ti na moya wo ringanelia na betiri ya gezi yo va hlayisa leswaku va nga hanya ku ringana kwalomu ka tiawara ta nkombo. Ku tlhela ku va na ximhandzana xa swakudya na bege ya mati endzeni ka gondolo. Va ya eka ndhawu yo veka mindzwalo endzeni ka xibamubamu. Leyi i ndhawu leyi switirho leswi swi lavekaka ku kota ku tirha exibakabakeni swi vekiwaka kona, eka bokisi lerikulu ra switirho. Va susa switirho leswi va swi lavaka va swi khweketa eswisutini kumbe emahlakaleni ya mavoko ya vona, va karhala hikuva ku fambafambisiwa kun'wana na kun'wana loku va ku endlaka ku vula ku susumetana na xiphemu xo karhi xa xibamubamu hi le ndzeni. Loko se wu ri nkarhi wo va va ya hlangana nakambe na ntlawo hinkwawo endzeni ka xibamubamu, endzhaku ka tiawara to karhi va ri ehandle, vahandzulampfhuka va papamala va tlhelela endzeni ka xipfalamoya. Kambe hambileswi va nga va ka va karhele, va yimanyana va languta xifaniso xa misava na mpfhuka va nga si pfala nyangwa exibakabakeni.



**1. Xana atikili leyi yi vulavula hi yini?**

- A Hikokwalaho ka yini vahandzulampfhuka va tirha hi vambirhimbirhi?  
 B Xana xibamubamu xi fana na yini?  
 C Hikokwalaho ka yini vahandzulampfhuka va ya eka mixini exibakabakeni?  
 D Xana swi njhani ku tirha exibakabakeni?

**2. Xana hi xihi xivangelo xin'we lexi nga endla leswaku vahandzulampfhuka va ya ehandle ka xibamubamu?**

- A Ku lunghisa  
 B Ku kota ku valanga misava  
 C Ku beriwa hi moyo  
 D Ku va na mavonavona

**3. Xana hikwalaho ka yini vahandzulampfhuka va ya ehandle hi vambirhimbirhi?**

- A Leswaku va ta kota ku pfunana  
 B Leswaku va ta tshama swin'we  
 C Leswaku va nga phaphamali va famba  
 D Leswaku va kota ku tiphina

**4. Xana machhubu ya tirhabara endzeni ka tisudi ta le xibakabakeni ya va pfunisa ku yini?**

- A Ya va pfuna ku kota ku vulavula na ntlawa  
 B Ya va nyika moyo lowo tenga  
 C Ku va pfuna ku va va tshama va khomanile  
 D Ya va titimerisa

**5. Xana i nchumu wihi lowu sivelaka vahandzulampfhuka exibakabakeni ku hahela ekule loko va ri ehandle ka xibamubamu?**

- A Tiphaketii ta tibetiri  
 B Tibutsu ta xibakabaka  
 C Tiwayere leto lala  
 D Ku khomana hi mavoko

**6. Xaxameta swiphemu swa sudu ya le xibakabakeni ku ya hi ndlela leyi vahandzulampfhuka va ambarisaka xiswona. Tirhisa tinomboro ku suka eka 1 ku fika eka 4.**

- Xiphemu xa le henhla xa sudu  
 Gondolo  
 Xiphemu xa le hansi  
 Xirhangiso xa rhekerhe

Ku ya hi atikili leyi, hi kwihi ku hambana lokukulu exikarhi ka ku va endzeni ka xibamubamu na ku va laha misaveni?

Hikwalaho ka yini vahandzulampfhuka va ambala mpahla yo ya exibakabakeni loko va ri ehandle ka xibamubamu? Nyika tinhlamuselo timbirhi leti humaka eka atikili.

Hikwalaho ka yini swi teka vahandzulampfhuka tiawara to hlaya ku tilunghisela ku ya ehandle ka xibamubamu?

Siku:

Xana hikokwalaho ka yini xiphemu xa le henhla xa miri xi ri na nkoka eka sudu ya le xibakabakeni?

Xana hikokwalaho ka yini mutsari a vula leswaku vahandzulampfhuka "va tinwaya tinhompfu ro hetelela" va nga si nghena exibakabakeni?

Titeke u lava ku va muhandzulampfhuka. Vula xilo xin'we lexi u nga xi tsakelaka na xin'we lexi u nga xi tsakeriki mayelana na ku va muhandzulampfhuka. Hlamusela leswaku hikokwalaho ka yini.

Lexi ndzi xi tsakelaka na leswaku hikokwalaho ka yini:

Lexi ndzi nga xi tsakeliki na leswaku hikokwalaho ka yini:



Rhumela vandyangu kumbe vanghana va wena posikarata u ri exibakabakeni u va byela leswi ku nga xiswona.

<hr/> <hr/> <hr/> <hr/> <hr/> <hr/> <hr/> <hr/>	A postage stamp featuring a blue and red rocket launching into space, with the number "R5" in the bottom left corner.
<hr/> <hr/> <hr/> <hr/> <hr/>	<hr/> <hr/> <hr/>

TEACHER: Sign \_\_\_\_\_ Date \_\_\_\_\_

# Ku tirhisa swivutiso swa inthavhiyu



Xana hi swi kumisa ku yini leswaku munhu u rhandza kumbe a nga rhandzi xin'wana? Ndlela yin'wana i ku va muintavhiyuwi kutani u va vutisa leswi va titwisaka xiswona mayelana na munhu kumbe xanchumu. Inthavhiyu ya muxaka lowu yi fanele ku lulamiseriwa, handle ka swona hi nga rivala swivutiso leswi hi faneleke ku swi vutisa kumbe hi nga vutisa swivutiso swo hoxeka. Hi fanele hi tsala swivutiso leswi hi nga ta swi tirhisa eka inthavhiyu. Tirhisa swivutiso leswi nga laha hansi ku kuma leswi vanghana va wena va ehleketa swona hi xikolo na leswi va lavaka ku swi cinca. Xivutiso xo hetelela xi ri "swin'wana". Laha u fanele ku nghenisa xivutiso xin'wana na xin'wana lexi u xi tsakelaka kambe xi fanele ku yelana na leswi swi lavisisiwaka. Kombela vanghana vambirhi ku hlamula **ina** kumbe **e-e** eka swivutiso leswi.

Tsala ntsengo wa nhlayo ya migwajulo.

## Ndzavisiso mayelana na ku cinca sisiteme ya xikolo

Vekela gwaju eka <b>ina</b> kumbe xihambano eka <b>e-e</b> eka tikholumu leti nga le kusuhi na swivutiso.	1	2	3	4	5	6	7	8	9	10	Ntsengo wa va ina	Ntsengo wa va e-e.
1. Hi fanele ku ambala xin'wana na xin'wana lexi hi xi lavaka loko hi ta exikolweni, ku nga ri yunifomo ntsena.												
2. Hi fanele hi va na mintlangu xikolo xi nga si nghena ematshan'wini yo va na yona loko xikolo xi huma.												
3. Siku ra xikolo ri fanele ri engeteriwa leswaku ntirhokaya wu ta ka wu nga bohi.												
4. Xikolo xa rimbewu rin'we xa antswa ku ri na xikolo xa vafana na vanhwanyana.												
5. Vana va fanele ku va na xiave eka ku endla milawu ya xikolo.												
6. Swin'wana												

Tsala leswi u swi kumeke eka inthavhiyu eka tafula leri:

## Tafula ra 1: Leswi kumiweke eka ndzavisiso mayelana na ku cinca sisiteme ya xikolo

Tatisa leswaku i vanghana vangani lava pfumelelanaka na:						
	Ku tshika ku ambala yunifomo	Mintlangu nimpundzu	Ku engeteriwa ka nkarhi wa xikolo	Xikolo xa rimbewu rin'we	Ku va na xiave eka ku endla milawu	Swin'wana



Siku:



Sweswi tsala xiviko hi leswi u swi kumeke. U fanele ku tsala swivulwa swimbirhi eka xivutiso xin'wana na xin'wana.



**Xivutiso xa 1:** Xana vanghana va wena va pfumerile leswaku va fanele ku ambala xin'wana na xin'wana lexi va xi lavaka loko va ya exikolweni?



**Xivutiso xa 2:** Xana vanghana va wena va ehlekisetise ku yini hi mintlangu ya loko xikolo xi nga si nghena?



**Xivutiso xa 3:** Xana vanghana va wena va pfumerile leswaku siku ra xikolo ri engeteriwa leswaku va nga ha vi na ntirhokaya?



**Xivutiso xa 4:** Xana vanghana va wena va tsakela vana va xinuna na vaxisati va nghena swin'we kumbe va tsakela xikolo xa vana va rimbewu rin'we?



**Xivutiso xa 5:** Xana vanghana va wena va pfumerile leswaku va fanele ku va na xiave eka ku endla milawu ya xikolo?

**Xivutiso xa 6:** Xana hi xihi xivutiso "xin'wana" lexi u xi vutiseke?

Xana vanghana va wena va ehleketile yini hi xivutiso lexi u nga xi vutisa laha henhla?

Sweswi leswi u nga swi kuma leswaku vanhu va ehleketa yini hi swilo leswi, hi kwihi ku cinca loku u vonaka ku fanerile ku endliwa mayelana na sisteme ya xikolo?



TEACHER: Sign

Date



A hi hlayeni



Hinkwerhu hi vanhu emisaveni. Hi tshama hinkwako, emadorobeni lawa ku taleke vanhu na le swidorobanini. Hi tshama etindhawini to basa hikwalaho ka gamboko na le swihlahleni swa rihlaza. Hi tshama emananga, ematlhelo ka tintshava na le swihlaleni elwandle.

Hi na mihlovo yo hambanahambana. Van'wana va hina hi na nhlonge yo vonikela ku fana na ku tlhava ka dyambu esaveni. Van'wana hi na nhlonge ya buraweni lowo dzika ku fana na chokoleti leyi fuweke. Van'wana va hina hi na nhlonge ya pinki wo fana na xiluva xa rhozi, muhlovo wa tilo loko dyambu ri pela. Mahlo na misisi swa hambana na swona. Hi na mahlo ya wasi, mahlo ya buraweni, mahlo yo kwalala kumbe mahlo ya rihlaza. Misisi ya hina i yo tshwuka, buraweni, ntima kumbe yo basuluka. Yi nga va yo ololoka kumbe yo songana.

Hi ta hi swiyimo hinkwaswo na tisayizi. Van'wana va komile kasi van'wana va lehile. Van'wana va larile kasi van'wana va nyuherile. Hi na tindlela to tala ta vutomi na ku pfumela ni mahanyelo lawa ya hambaneke. Hi rhandza swakudya swo hambana. Hi aka tindlu ta hina ku hambana. Hi huma eka mindyangu yo hambana, mintlawa yo hambana, tinxaka to hambana na mindhavuko yo hambana.

Kambe hi tikuma hi fana hi tindlela to tala ta nkoka. Hinkwerhu hi lava swakudya leswaku hi ta dya. Hinkwerhu hi lava ku hlayiseka, ku tshama ka kahle na ku tsaka. Hinkwerhu hi lavarirhandzu na vunghana. Hinkwerhu hi rhandza swilo swo saseka.

Naswona hinkwerhu hi vandyangu lowukulu wun'we – ndyangu wa vanhu va kwalomu ka 7 wa mabiliyon. Hinkwerhu hi na vakokwa va vakokwana van'we. Ina, hi vanhu va pulanete ya misava naswona hinkwerhu hi tumbuluke kwala Afrika-Dzonga.

(Xihlovo: *World book: Childcraft, vol 8:7*)

A hi tsaleni

Mutsari u vule tindhawu ta nkombo to hambana ta laha vanhu va tshamaka kona. Longoloxa tindhawu leti.

Vula swilo swa mune leswi mutsari a vulaka leswaku hi hambanile hi swona.

Xana hinkwerhu hi fana hi ndlela yihi?

Siku:



A hi hlayeni

Vanhu hinkwavo va lava swakudya, swiambalo na ndhawu yo tshama eka yona. Kambe a hi dyi swakudya swo fana. A hi ambali swiambalo swo fana. A hi tshami eka tindlu to fana. Mindyangu ya hina yi hambanile na yona.

Chloe i Mueskimo. U na malembe ya 12. U tshama en'walungwini wa Canada. Yena na ndyangu wa ka Vona va tshama endhawini yo titimela swinene emisaveni naswona va ambala swiambalo leswi swi endliweke hi madzovo ya swiharhi leswaku va ta kufumela. Va dya mafurha ya tinkavangaheti, nyama ya bere na ya tisili. Mafurha yo nona ya swakudya leswi ya endla leswaku mimiri ya Vona yi kufumela. Khale Vaeskimo a va tshama etindlwini leti endliweke hi ayisi leti vitaniwaka igilo na le matendeni lawa ya endliweke hi madzovo ya swiharhi. Namuntha va tshama etindlwini leti ti kufumetiweke.



John u tshama eNghilandji. U na 13 wa malembe hi vukhale. U sungule ku ya exikolweni loko a ri na 3 wa malembe. U rhandza ku dya nhlampfi na machipisi. U ambala yunifomo naswona u ya exikolweni hi bayisikiri hi ximumu. Wa penga hi bolo ya milenge.

Ruth u tshama eIsrael, eka kibbutz, leyi ku nga muxaka wun'wana wa purasi. Ruth u na 11 wa malembe. Eka kibbutz, vana na vatsvari a va tshami ndhawu yinwe. Vatsvari va tshama endlwini ya vanhu lavakulu kasi vana va tshama endlwini ya vana. Ruth u nghena xikolo epurasini a tlhela a dya swakudya swo fihlula exikolweni.



Adil wa malembe ya khumenharhu yena u tshama eMalaysia emakaya. Emakaya lawa ku na yindlu yin'we ntsena. Yindlu leyi yi vuriwa yindlu yo leha naswona yi nga va kaya ra mindyangu yo fika eka 50. Mindyangu yi hlawula murhangeri wa yindlu ya Vona leyikulu.



Kwi u na 7 wa malembe. U tshama emananga ya le Botswana. I wa rixaka ra Vasan. Tata wa yena u hlota swiharhi swa nhova leswaku va ta kuma swakudya. Kwi u ta ya exikolweni xo boda loko a kurile. Sweswi u dyondza hi ndhavuko wa Vona hi ku yimbelela na switori leswi ndyangu wa ka Vona wu n'wi byelaka swona.



Kofi wa malembe ya khumen'we yena u tshama emakaya ya le Ghana. U tshama endlwini leyi vuriwaka Ashanti na mana wa yena na mana wa mana wa yena. Eka yindlu leyi, Kofi u vitana vaxisati hinkwavo "manana", vana Vona va vuriwa vabuti na vasesi.



A hi tsaleni

Tatisa tafula leri hi ku tirhisa vuxokoxoko lebyi u byi kumeke loko u hlaya.

Vito na malembe	Tiko	Ndhavuko wa yena

TEACHER: Sign

Date

# Matikonkulu ya nkombo




Languta mepe emakumu ka buku leyi kutani u tata mavito ya matikonkulu ya nkombo na malwandlenkulu.



A hi hlayeni

Mintila ya xihingakanyi leyi kombisiweke emepeni wo anakanyiwa hi leyi hi yi tirhisaka ku kuma tindhawu emisaveni. Mintila ya xihingakanyi yi famba ku suka evuxeni ku ya fika evupeladyambu, kasi mintila yo leha yi suka eNorth Pole ku fika eSouth Pole. Kutani mintila ya hingakanyana.



Siku:



Tsala mavito emepeni hi ku tirhisa vuxokoxoko lebyi nga laha hansi.


**Ekweyitoro** i ntila wo anakanyiwa exikarhi ka misava.

**Tiropiki ya Cancer** yi le ka  $23^{\circ}$ en'walungu wa Ekhweyitoro.

**Tiropiki ya Capricorn** yi le ka  $23^{\circ}$  edzongeni wa Ekweyitoro.

**Ndzhendzhewuti wa Arctic** wu kwalomu ka  $66^{\circ}$ en'walungu wa Ekweyitoro.

**Ndzhendzhewuti wa Artarctic** wu kwalomu ka  $66^{\circ}$  edzongeni wa Ekhweyitoro.



TEACHER: Sign \_\_\_\_\_ Date \_\_\_\_\_

Kotara ya 4 – Mavhiki ya 3–4

**29** **Vula tiko leri kumekaka edø ngeni wa Afrika.**

**28** **Xana kaya ra Mickey Mouse” hi rihi?**

**27** **Xana u ehleketa yini? Tiphengwini ti tshama eAntarctica ntsena?**

**26** **Xana ku na matiko mangani eSouth America?**

**25** **Xana ku na matiko mangani eAfrika?**

**24** **Xana lwandlenkulu ra Atlantic na ra India ya hlangana kwihi edø ngeni?**

**23** **Mali ya le Yuropa yi vitaniwa yini?**

**22** **Hikokwalaho ka yini bere ya pholi yi nga gwitsili? Hikokwalaho ka yini tiphengwini ti nga gwitsili?**

**21** **Xiya igilo eGreenland. Xana yi endliwe hi yini?**

**HETA**

**32**

Xana  
hikokwalaho  
ka yini Somalia  
yi vuriwa  
rimhondø ra  
Afrika?

NDLENKULU RA  
LANTIC RA LE  
N'WALUNGU

GUANA  
SURINAME  
FRENCH GUIANA

Rio de Janeiro

**AMERIKA DZONGA**

PARAGUAY  
URUGUAY

SWIHLALA  
SWA FALKLAND

Hi rihi lwandle  
lerikulu leri u  
faneleke ku ri  
semakanya hi  
xikene?



21

20

19

18

17

Siku:

Tlanga ntlangu lowu na munghana wa wena. Hoxela khoyini ehenhla. Loko yo wa hi nhloko, u famba tindhawu timbirhi. Loko yi wa hi ncila u famba ndhawu yin'we ku ya emahlweni. Languta emepeni ku kuma tinhlamulo.

**SUNGULA**

1 Xana u tshama etikweni rihi?

2 Vula vito ra tiko rin'we ra le Afrika.

3 Xana va vulavula ririm'i rihi eChina?

4 Vula mavito ya swiharhi swimbirhi swa le Australia.

5 Xana va vulavula ririm'i rihi eAustralia?

6 Xana xihondø xa Eifel xi kumeka kwahi?

7 Vula xin'we xa swiharhi leswikulu swa ntihanu eAfrika.

8 Tiphiramidi u nga ti kuma kwahi?

9 Xana va tirhisa mali ya muxaka wihi eUSA?

10 Xana hi xihi xinyenyana xa rixaka xa Afrika-Dø nga?

11 Xana hi wihi ntsinda wa United States of America?

12 Xana hi wihi ntsinda wa Brazi?

13 Xana hi wihi ntsinda wa Namibia?

14 Xana hi rihi tiko lerikulu emisaveni hinkwayo hi vunavi?

15 Hi rihi tiko leri nga na vanhu vo tala?

16 Xana u nga komba leswaku evupeladyambu hi kwahi?

TEACHER: Sign

Date

# Mindhavuko yo hambana



Sweswi u ta tiendlela  
vulavisisi hi wexe.



Etikweni ra Afrika-Dzonga hi na mindhavuko na vukhongeri lebyi hambanaka na bya wena. Vutisa munhu swivutiso leswi nga etafuleni laha hansi kutani u tsala tinhlamulo eka kholomu ya le xineneni.



Xana i vamani va khongelaka?	
Xana va khongela kwihi?	
Xana va khongela kangani?	
Xana va na maendalelo, mikhuva na magandzelelo ya njhani?	
Xana vanhu va ambarisa ku yini eminkhubyen i leyi?	
Xana vavanuna na vavasati va khongela swin'we?	

Hlawula tiko rin'we kutani u dyondza swo tala hi rona hi ku kuma tinhlamulo ta swivutiso leswi landzelaka.



Xana tiko leri ri le kwihi-ri le ka tikonkulu rihi? Fungha tiko leri emepeni.	
Xana hi yihi mintoloveloyin'wana?	
Xana hi byihivuxokoxoko byin'wana lebyi tsakisaka lebyi u nga byi kumaka?	

Siku:

## Marito yo kombisa ku siyanana



A hi tsalení



Jim



Jabu



Ajay

Hetisa swivulwa leswi landzelaka.

Jim u na swiluva swo **tala**.

Buruku ra Jim ri **leħille**.

Jabu u na swiluva swo .

Buruku ra Jabu ri .

Ajay u na swiluva swo .

Buruku ra Ajay ri .



Bongi



Pam



Dumi

Bongi u **leħille**.

Bongi u na buku **leyikulu**.

Pam u .

Pam u na buku .

Dumi u .

Dumi u na buku .

Ndzi na mali **yitsongo**.

Makuwa lama ya **nandziha**.

Gavaza u na mali .

Makuwa lamo ya .

Hatlani u na mali .

Makuwa lamaya ya .

Lawa i marito  
man'wana lama  
u faneleke ku ma  
tsundzuka.

**tirħa** **tirħanyana** **tirħa ngopfu**

**dyana** **dyananyana** **dyana swinene**

**tlula** **tlulanyana** **tlula swinene**

**kukula** **kukulanyana** **kukula swinene**

TEACHER: Sign

Date



A hi hayeni

## MAHUNGU YA VANA

### Jaha ra xikolo (9) ri khugula hi munhu wo sungula

15 Mhawuri 2008

CRADLE OF HUMANKIND, Afrika-Dzonga - Matthew Berger, wa malembe ya kaye, a tsutsuma endzhaku ka mbyana ya yena, Tau, ebyanyini byo leha laha Maropeng, siku rin'wana nimpundzu. U phijiwile hi ntsandze kutani a wela ehenhla ka swikumiwa swa akhiyoloji. "Tatana, ndzi kumile fosili". Matthew a huwelela tata wa yena, Dokodela Lee Berger, loyi a ri eku laveni ka marhambu ya vakokwa va vakokwa va hina ku ringana malembe ya 20 lama hundzeke.

Xihlangi, Matthew, a xi khomile marhambu ya mufana lawa a ya lehile ku ringana 1,27 wa timitara, loyi a ri nkulunyana eka Matthew hi malembe matsongo loko a lova. Loko dokodela Berger a yile ku ya vona leswi Matthew a n'wi vitanelo swona, u hlamarile ku vona jaha ra yena ri khomile rhambu ra nkolo wa hominidi.

**Tirhisa swiangi**  
swa xikwere [tani  
hi leswi] loko u lava  
ku engetela marito  
ku hetisa leswi  
hlamuseriweke hi  
vanhu.


Dokodela Berger na valavisistikulobye vo huma eYunivhesiti ya Witwatersrand eJoni, ku suka kwalaho va kumile marhambu yo talanyana ya nkongotlo wa mufana, ku katsa na marhambu ya yena ya xipalapala. Va ehleketa leswaku yena ni ndyangu wa ka vona a va lavana na mati na leswaku swiharhi swin'wana leswi a swi hlotana na vona swi va susumetele emakumu ka rigiyagiya, laha ku sukela kona va nga wela emuhochweni wa le xikarhi ka 30 na 45 wa timitara hi ku enta kutani va lova.

"A ndzi swi kholwangi! Ndzi titwe ndzi khomiwa hi nsuluwana" ku vula dokodela Berger endzhaku ka nkarhi. "Katsongo ndzi file [hi ku hlamala]".



Dokodela Berger na ntlawa wa yena wa van'wasayense va vula leswaku marhambu lawa ya kombisa leswaku mufana loyi a ri wa rixaka ra hominidi. Tihominidi i vakokwana va vakokwa va vanhu na maxaka man'wana ya vanhu.

Van'wasayense va thye rixaka leri Sediba (leri nga rito ra Xisuthu leri vulaka xihlovo kumbe xiseluselu). Rixaka leri a ri famba ri ololokile hi milenge ya rona yo leha kambe ri tlhela ri khandziya mirhi. A ri ri na meno lamatsongo na xivumbeko xa xikandza xa ku fana na vanhu va ximanguva-lawa, kambe milenge ya rona a yi ri ya xikhale na byongo lebyitsongo ngopfu. Tidyondzo ta van'wayense ti komba leswaku rixaka ra Sediba ri hanyile eka malembe ya kwalomu ka 1,78 wa mamiliyonu ku fika eka 1,95 wa mamiliyonu lama hundzeke.



Siku:



A hi tsalen'i

Xana mufana na mbyana ya yena va thumbile yini?

Xana hi swi tivisa ku yini leswaku tata wa yena a hlamarile? Xana a hlamarisiwa hi yini?

Xana tifosili i yini?

Xana Sediba swi vula yini? Xana u ehleketa leswaku hikokwalaho ka yini va thye tifosili leti vito ra Sediba?

Xana rixaka ra Sediba a ri fana na vanhu hi ndlela yihi?

Xana rixaka ra Sediba ri hambane na vanhu hi ndlela yihi?

Titeke u ri Matthew Berger wa malembe ya kaye. Tsala eka dayari leswi humeleleke hi siku leri.

Eka Dayari

Namunth'a a ndzl famba na mbyana ya mina Tau

Siku!



TEACHER: Sign

Date

Hi hanya emisaveni leyi yi nga le ku cinceni minkarhi hinkwayo. Minkarhi yin'wana ku cinca ku vangiwa hi ntumbuluko, ku fana na ku ninginika ka misava na ku fambafamba ka malwandle. Kambe ku onha kun'wana ku endliwa hi vanhu, hi ku thyakisa milambu na malwandle xikan'we na ku onha swihlahla swa mpfula. Leswi hinkwaswo swi endla leswaku hi lahlekeriwa hi swin'wana leswi vana va hina swi nga endlekaka leswaku va nga swi voni ku fana na swihlahla swa mpfula kumbe swiharhi swo saseka ku fana na yingwe ya Bengal, leswi nga ekhombyeni ro herisiwa. Hi fanele hi sirhelela ndhavuko wa hina leswaku hi ta kota ku hlayisela vana va hina na vatukulu va hina va mundzuku.

**Xana ndhawu ya ndzhaka i yini?**

Nhlangano wa United Nations Education and Science Organisation (UNESCO) wu kombele matiko ku vula leswaku hi tih tindhawu leti nga na nkoka eka misava ya tona leswaku ti ta kota ku sirheleriwa. UNESCO yi ta kambisia tindhawu leti, loko tindhawu leti ti ri na nkoka wo ringaneli, UNESCO yi ti pfumelela tanihu ndhawu ya swa ndzhaka ya misava hinkwayo. Robben Island hi yin'wana ya tona. Yin'wana ya nkoka swinene i Cradle of Humankind, laha van'wasayense va nga vula leswaku vanhu vo sungula va tumbuluke kona.

**Hikokwalaho ka yini ndhawu leyi yi ri ya nkoka?**

Masalela ya marhambu ya kumekile emabakwini eka ndhawu ya bodara ya Gauteng na North West, ekusuhi na doroba ra Krugersdorp. Ku tshembiwa leswaku marhambu lama hi man'wana lama ya nga ya vanhu lava nga sungula ku hanya laha emisaveni.

**Xana masalela ya marhambu ya kumeke njhani?**

Van'wasayense va sungurile ku cela masalela ya mimiri ya vanhu va khale hi lembe ra 1890, loko vatirhi va timayini va ri ku laveni ka nsuku, ku vuriwa leswaku va kumile masalela ya marhambu ehansi ka misava. Van'wasayense va kumile masalela ya

Siku:



Marito lamantshwa

⌚ Q▼ google

Xana ndhawu ya ndzhaka i yini?

Lava




marhambu ya swikeletoni swo yelana na vanhu lava. Hi lembe ra 1947, Dokodela Robert Broom u kumile xipalapala xa munhu wa xisati, xo yelana na vanhu lava vitaniwaka Plesianthropustransvaalensis emabakwini ya Sterkfontein. Vanhu va kume swi va tikela ku tsundzuka vito leri kutani va nyika xipalapala lexi vito ra: Manana Ples.

#### U hanyile rini?

Manana Ples u hanyile eka mamiliyoni ya malembe lama ya nga hundza, ku nga si thumbiwa ndzilo kumbe switirhisiwa swa nsimbhi swi nga si endliwa. Van'wasayense va tshemba leswaku masalela ya marhambu (hominidi) hi vona vakokwa va vakokwa va vanhu va sweswi na leswaku rixaka ra vanhu ri tumbuluke endhawini yona leyi. Hikokwalaho yi vitaniwaka Cradle of Humankind.

#### Hi byihivuxokoxoko lebyi hi nga na byona bya vanhu vo sungula vo huma eAfrika?

Hi lembe ra 1995, n'wasayense un'wana, Ronald Clarke, u thumbhile masalela ya marhambu man'wana eka ndhawu yona yaleyo. Xikeletoni lexi xi vitaniwile Little Foot, hikuva loko van'wasayense va cela xikeletoni lexi, marhambu ya nkondzo ya vile yo sungula ku kumiwa. Hikokwalaho ka nkoka wa ku thumbiwa loku, UNESCO yi tiyisisile ndhawu leyi nga etlhelo ka mabaku ku va ndhawu ya ndzhaka ya misava hi lembe ra 2000.



TEACHER: Sign

Date

# Ndzhaka ya hina



Bula hi swivutiso leswi na munghana wa wena kutani mi tsala tinhlamulo eka swivandla leswi nyikiweke.


Xana ndhawu ya ndzhaka i yini?

Xana hikokwalaho ka yini **Cradle of Humankind** yi ri ya nkoka eka hina vanhu va Afrika-Dzonga?




Tlhela u hlaya atikili ya phephahungu hi Matthew Berger na xiviko xa inthanete xa *Cradle of Humankind* kutani u endla phositara yo navetisa **ndhawu ya Cradle of Humankind**.

Endla phositara. Phositara ya wena yi fanele ku endla vanhu leswaku va navela ku endzela *Cradle of Humankind* kutani tirhisa marito yo kucetela na swifaniso.




Siku:

## Swo tala hi ririm... hi ririm...



Kanelani maengeteri lawa yo vuyeleta na munghana wa wena. Ya vula leswaku u vuyeleta njhani ku endla swilo. Endla swivulwa leswi kombaka leswi rin'wana na rin'wana ri vulaka swona. Kutani tsalani swivulwa eka tafula leri nga laha hansi.



Ku vuyeleta	Leswi ndzi swi endlaka
minkarhi hinkwayo	
hi xitalo	
ko tala	
minkarhi yin'wana	
a ndzi endli	
a ndzi tali ku	



Tsala swivulwa leswi hlamuselaka magoza ya ku tirhisiwa ka maengeteri hi ku vuyeleta.

Nimixo ndzi tshamela ku

Nhlekanhi wun'wana na wun'wana ndzi

Hi ku hela ka vhiki ndzi tshamela ku

Nivusiku ndzi tshamela ku

Hi minkarhi ya ku wisa ka swikolo ndzi tshamela ku

Hi masiku ya ku velekiwa ka mina ndzi tshamela ku

Hi Muggivela nivusiku ndzi tala ku

Hi vuxika a ndzi endlili

### Tinhlamuselo timbirhi

Swivulwa leswi swimbirhi swi na tinhlamuselo timbirhi. Tirha na munghana wa wena ku kuma leswi swi vulaka swona. Dirowa xifaniso ku kuma nhlamuselo ya xin'wana na xin'wana.

Mufana va ta n'wi dlaya namuntlha.

Xana u tsakela ku ringanisa rhoko leyi nga efasitereni?

# Ku kunguhata phamfulete



Tsema pheji ley i nga langutana na leyi kutani u yi petsa yi endla burochara ya khadi ra Z. Tumbuluxa burochara ku navetisa *Cradle of Humankind*.

U ta fanelu ku hlaya pheji ra webe u ta kota ku hlengeleta vuxokoxoko. Pheji ra le mahlweni ri fanele ku kombisa ndhawu ya sayiti na xivulwahava kumbe xilogene lexi kokaka rinoko. Eka tipheji letin'wana dirowa xifaniso u tlhela u hlamusela leswi va nga ta swi vona.

Tsundzuka ku tsala adirese ya ndhawu, mali yo nghena na minkarhi yo sungula:

- adirese ya sayiti,
- mali yo nghena na
- minkarhi yo nghena.

Endla khavhara ya le mahlweni.

1

---



---



---

Tsala vuxokoxoko lebyi faneleke.

2

---



---



---

Tsala vuxokoxoko lebyi faneleke.

3

---



---



---

Tsala vuxokoxoko lebyi faneleke.

4

---



---



---

Tsala vuxokoxoko lebyi faneleke.

5

---



---



---

Nyika vuxokoxoko bya wena bya adirese na tinomboro ta tapingho.

6

---



---



---

PHEJI RA LE MAHLWENI: Petsela emahlweni

1

PHEJI RA LE NDZHAKU: vuxokoxoko byo angarhela tanihi nomboro ya  
wena ya riqingho, adirese ya wena na adirese ya wena ya imeyili.

6

5

2



3



4



## Nkongomelo wa 8: Vunghana na ku hlayisa

### Mavhiki ya 5 - 6: Nkarhi wa xitori

#### 113 Xiharhi xa layiburari 102

Ku hlaya xitshuriwa xa ndzungulo.  
Ku bula hi swivutiso swo huma eka ndzimana.

#### 114 I mani loyi a dyaka tibuku ta hina? 104

Ku hlaya xitshuriwa xa ndzungulo.  
Ku bula hi mahetelelo yo hambana ya xitshuriwa.  
Ku tumbuluxa mahetelelo ya xitori no encenya.  
Ku tsala mahetelelo yo hlawuleka ya xitshuriwa.

#### 115 Vhiki ra tibuku 106

Ku hlamula swivutiso swo huma eka xitshuriwa xa vhiki ra tibuku.  
Ku tsala eka dayari ku hlamuseriwa xitshuriwa.  
Ku tsala swivulwa eka tlhelo ra nandzulo.

#### 116 Ku tsala xitori xa wena 108

Ku tirhisa mepe wa miehleketo ku kunguhata ku tsala xitori ku langutiwa swimunhuhatwa, kungu, mbangu na swiendleko.

#### 117 Vana va ya ekhempeni 110

Ku hlaya xitshuriwa xa ndzungulo.  
Ku boxa vamavizweni eka xitshuriwa.

#### 118 Rivonavona ra le nhoveni 112

Ku hlamula swivutiso swo huma eka xitori lexi humaka eka phepha ro tirhela leri hundzeke.  
Ku yelanisa swivulwa ku kombisa xivangelo na mbuyelo.  
Ku hlanganisa swivulwa hi ku tirhisa mahlanganisi.  
Ku tsala ndzimana ya nhlamuselo hi rivonavona ra le khwatini.

#### 119 Ku va bofu a swi ndzi sivelangi 114

Ku hlaya ntsalwa-vutomi.  
Ku longoloxa swiendleko leswi vuriweke eka tsalwa-vutomi.  
Ku tsala mavito ya vona va tirhisa chati ya maletere ya bureyili.

#### 120 Ku languta ririmbi 116

Ku yelanisa maendli na swifaniso leswi faneleke.  
Ku boxa maendli, mabumabumeri ya engetelo na mapfuna-riendli.  
Ku boxa tinhlamuselo ta swivuriso.

### Mavhiki ya 7 - 8: Vutlhokovetsesi bya vana

#### 121 Phunyuka, ximanga xo hlamarisa 118

Ku hlaya xitlhokovetselo.  
Ku encenya xitlhokovetselo.  
Ku boxa marito lama nga na yelano wa mipfumawulo eka xitlhokovetselo.  
Ku lava marito eka dikixinari no tsala tinhlamuselo ta wona.

#### 122 Ku ehleketa hi ximanga xo hlamarisa 120

Ku hayela xitlhokovetselo ehenhla.  
Ku hlamusela ximanga.  
Ku hlamula swivutiso swo huma eka xitlhokovetselo.  
Ku tsala xitlhokovetselo hi xiharhi xa vona lexo tlhariha.

#### 123 N'waxigghoko xo tshwuka na N'wamhis 122

Ku hlaya xitlhokovetselo.  
Ku hlamula swivutiso swo huma eka xitlhokovetselo.  
Ku encenya xitlhokovetselo.

#### 124 Tilimeriki 124

Ku hlaya tilimeriki.  
Ku hlamula swivutiso swo huma eka tilimeriki.  
Ku tsala tilimeriki ta vona.

#### 125 Ku tiphina hi vutlhokovetsesi 126

Ku hlaya xitlhokovetselo.  
Ku hlamula swivutiso swo huma eka xitlhokovetselo.

## Kotara ya 4: Mavhiki ya 5 - 8

#### 126 I lembe lerintshwa 128

Ku hlaya xitlhokovetselo.  
Ku hlamula swivutiso swo huma eka xitlhokovetselo.  
Ku hlamusela leswi va swi dyondzeke na leswi va humeleleke eka swona exikarhi ka lembe.  
Ku hlamusela tipulani ta vona ta lembe leri taka.



# Xiharhi xa layiburari



A hi hlayeni

"Ku ta va Vhiki ra Tibuku ku nga ri khale!" ku vula Manana Maharaj. Tumi na vana va tlilasi va tshamile naswona va languteka va tsakile. Vhiki ra Tibuku swi vula **mimphikizano**, ku ya elayiburari edorobeni na switori swo tala.

"Nkongomelo wa Vhiki ra Tibuku ra lembe leri i swiharhi," ku vula Manana Maharaj. "Kutani hi ta fanela ku dirowa tipositara no tsala switori hi swiharhi leswi dlayiwaka na leswi swi **nyamalalaka swi nga ha kumeki**. Tsundzukani leswaku hi vulavurile hi swona eka vhiki leri nga hundza." A kombetela swifaniso swin'wana ekhumbini.

"Swiharhi swin'wana swi le **khombyeni** hikuva vanhu va swi hlotela voya bya swona," ku vula Tumi, loyi a tivaka swilo swo tala. "Nkarhi wun'wana swa fa hikuva a swi kumi swakudya leswi faneleke."

"Ina Tumi, leswi u swi vulaka hi swona," ku vula Manana Maharaj. "Kutani n'wina vana, sungulani ku ehleketa hi tipositara na switori swa n'wina hi tinxaka leti ta swiharhi."

Vana van'wana va dirowile tipanda na tibere. Van'wana va dirowile timhelembe na tiyingwe. Van'wana va dirowile dodo na *quagga*. Kambe vunyingi bya vona ku katsa na Tumi, va tsarile hi dayinasoro. Ku nga ri dayinasoro ya khale, kambe yin'wana yo hlawuleka. Va tsarile hi iguanadono leyi va dyondzeke hi yona eka vhiki leri nga hundza.



Tumi u tsundzukile kahle xifaniso xa xiharhi lexi. A xi ri na milenge yo koma ya le mahlweni na ncila wo koma wu tlhela wu **bumbula**. Eminkondzweni a xi ri na swikunwana swa ntlhanu swo bumbula. A xi ri na tintiho ta ntlhanu eka voko rin'wana na rin'wana na khudzu ro dziva. Iguanadono a yi dya swimilana – na xin'wana na xin'wana lexi endliweke xi huma eka swimilana.

Swikolo hinkwaswo emugangeni swi vile na xiave eka Vhiki ra Tibuku elayiburari ya le dorobeni. Vana va hetile mavhiki yo hlayanyana va endla no penda tipositara leti a ti fanele ku rhumeriya elayiburari.

-  **Loko u nga si hlaya**
- Languta swifaniso na tinhlokomhaka kutani u ringeta ku bvumba leswi xitshuriwa xi nga ta vulavula hi swona.
- Sikima pheji ku vona leswi u nga ta swi hlaya.

## Loko u ri karhi u hlaya

- Pimanisa ku bvumba ka wena na leswi u swi hlayeke. ● Loko u nga twisisi xiyenge xo karhi, tlhela u xi hlaya hi ku nonoka. Xi hlayele ehenhla.



Loko siku ra ku kombisa tiphositara na switori elayiburari ri fika, vana va tlilasi ya Tumi va khandziyile bazi ra xikolo kutani va famba. A ri ri siku ro titimela ku tlhela ku ba moyo.

Loko vana va fika, xilo xo sungula lexi vana va xi endleke a ku ri ku lava tiphositara ta vona.

"Hi leyi ya mina!" ku vula Tumi. A yi ri ya dayinasoro leyi n'wayitelaka yi ri na xiluva enon'wini wa yona, ku kombisa leswaku a yi ri dayinasoro leyi dyaka swimilana.

"Hi lexi xitori xa mina xo vulavula hi bere ya pholi!" ku vula Anna.

"Leswi ndzi swi tsaleke hi mhelembe hi leswi!" ku vula Thami hi ku tinyungubyisa.

Loko vana hinkwavo va fikile, Manana Motha wa mulayiburari u te, "Ndzi mi khomel xihlamariso."

Vana hinkwavo va tshamile ehansi va lava ku tiva xihlamariso lexi va nga ta byeriwa hi xona.

Rivanti ri pfulekile kutani ku nghena bere ya pholi yi ambarile xinorobaji xo saseka, yi landzeleriwa hi nghala na panda. "Swaha! Ku huwelela n'wana un'wana. "E-e," ku vula un'wana. "Swi lo ambexiwa. I vanhu va nga lo ambala hi ndlela leyi."

Bere ya pholi yi  
cinilenyana yi  
tlhela yi tlulatlula  
yi ya hala na  
hala. Yi tlhele yi  
rhendzeleka yi  
qhavula vana  
hinkwavo.




A hi vulavulen!



❖ Xana mi na Vhiki ra Tibuku exikolweni xa n'wina? Ri njhani?

- ❖ Tumi u nyika swivangelo swimbirhi swa leswaku hikwalaho ka yini swiharhi swi fa. Hi swihi swiharhi swa kona?
- ❖ Xana dodo na quagga a swa ha ri kona kumbe i swiharhi leswi nga ekhombyeni ro herisiwa swi nyamalala? Xana ma swi tiva leswaku swi langutekisa ku yini?
- ❖ Xana Tumi u rhandzile yini hi Vhiki ra Tibuku?
- ❖ Hi rihi vito ra dayinasoro leyi a yi tiviwa hi vana?
- ❖ Xana nghala i xiharhi lexi nga nyamalalaka? Hikwalaho ka yini u vula sweswo?
- ❖ Marito lama dzwihatiweke ya vula yini? Bula na munghana wa wena.



# I mani loyi a dyaka tibuku ta hina?



A hi hlayeni

Manana Motha a a lava ku sungula ku hlaya xitori loko rivanti ri pfuleka kutani ku nghena xivumbiwa xin'wana, xi ri karhi xi yisa nhloko ya xona ya magegetsu hala na hala.

"Leswi swi kahle!" Ku vula un'wana wa vadyondzisi.

"Lexi i xambalo xo saseka ku tlula hinkwaswo!"

"Yoo, vonani!" ku vula vana. "I iguanadono."

"E!" ku vula Manana Motha. "Dayinasoro!" A hlamarile hikuva a nga tsundzuki a odarile xambalo xa dayinasoro.

Dayinasoro yi tlulatlulela laha vana a va ri kona wonge hi loko yi lava munhu un'wana. Kutani yi vona Tumi loyi a tshamile endzhaku. Yi tlulela eka yena yi fika yi n'wi qhavula. "Xewani!" ku vula Tumi.

Vana hinkwavo a va lava ku qhavulana na dayinasoro, kutani yi fambile yi rhendzeleka na vona yi va qhavula hi voko ra yona ro khwaxa kutani yi wela ehansi yi ba hi vurhongo. Tumi u ringetile ku byela Manana Motha hi dayinasoro kambe a lava leswaku a yima ku fikela loko a hetile ku hlaya xitori xa bere ya pholi.

Tumi a nga swi koti ku yingisela xitori hikwalaho ka mpfumawulo wo chavisa lowu a wu huma eka xiharhi lexi. Dayinasoro a yi ba mantonoro. Mpumawulo wu ya ehenhla wu twakala swinene. Hinkwavo va hundzuluka va lava ku vona.

"Mi nga n'wi tekeli enhlokweni," ku vula Manana Motha.

Xitori xi hela dayinasoro ya ha ettele. Vana hinkwavo va yima va sungula ku languta tibuku. Manana Motha a kombisa vana van'wana buku ya swinyenyana loko a twa rito endzhaku  
ka yena. A yi ri nhloko ya xikolo.

"Ndzi khomeleni," ku vula nhloko ya xikolo.

"A ndzi fanele ku va ndzi hatlile ndzi fika. Xana swi fambe kahle? Ndza swi vona leswaku swambalo swi fikile."

"Kambe," ku vula Manana Motha a hlamarile, "loko ku nga ri n'wina endzeni ka xambalo xa dayinasoro, ku nga va ku ri mani?"



Iguanodono yi hanyile kwalomu ka 130 wa mamiloyini ya malembe lama hundzeke, yi dya swimilana yi 2 000 kg, loko yi yimile ku suka kwalomu ka 3 wa timitara kasi ku fika ehenhla yi lehile 6 ku fika eka 10 wa timitara. Vito ra yona ri huma eka ra nkwhale leri hi Xinghezi ku nga iguana hikuva a yi ri na meno yo fana na ya nkwhale.



"Ndzi ringetile ku mi byela," ku vula Tumi. "Ndzi swi tivile leswaku a hi munhu loyi a ambale hi ndlela leyi."

"Xii!" Ku vula un'wana a kombetele xiyenge xa tixelufu ta tibuku. Dayinasoro a yi ri ku dyeni ka buku leyi vitaniwaka *Malwandle na Milambu ya Misava*.

Tumi u ringetile ku hlamusela. "I iguanodono," a byela Manana Motha.

"Ti dya swimilana kasi maphepha ya huma eka mirhi futhi mirhi i swimila. Lexi hi xona xivangelo xo rhandza phepha."

Vana va hlalerile dayinasoro loko yi dya Kavanyisa ka Ntsevu ka buku yo vulavula hi malwandle.

"Yoo," ku vula Manana Motha, "leswi a hi swona". Dayinasoro yi vona nhulu ya tibuku tintshwa.

Tikhavhara a ti tiyile ti tlhela ti hatima. Yi phorhetela, yi phorhetela, buku yi nyamalala exikarhi ka tinhlaya ta dayinasoro.

Hinkwavo a va anakanyile ndlela yo susa dayinasoro.



A hi endleni

Ku hava loyi a lavaka leswaku dayinasoro yi dya layiburari ya yena. Xana vana a va fanele ku endla yini exitorini lexi leswaku va kota ku susa dayinasoro elayiburari ya vona? Bulani hi swona mi tlhela mi encenyeta mavonele ya n'wina emahlweni ka tlilasi.



A hi tsalen'i

Loko mi hlalerile ku encenyeta ko hambana, hlawulani ku encenyeta ko hlawuleka kutani mi tsala xitshunxo. Sweswi mi na mahetelelo ya xitori xa *Xiharhi xa layiburari*.




Tlhela u languta xitori kutani u hlamula swivutiso leswi landzelaka.




Hi swihi swiendleko leswi a swi kunguhateriwe Vhiki ra Tibuku?



Xana nk wahle wu languteka hi mukhuva wihi? Hlaya nhlamuselo eka xitori u tlhela u wu dirowa.



Tsala nkatsakanyo hi xivumbeko xo tsala eka dayari u hlamusela leswi humeleleke elayiburari namuntlha. Tsala u tirhisa munhu wo sungula u tirhisa "Mina" na nkarhi lowu nga hundza.



### Eka Dayari

Namuntlha xi harhi a xi tile elayiburari kutani xi sungula ku dya tibuku.


Siku:



A hi vulavuleni

Vulavula na munghana wa wena hi tafula leri u tlhela u titoloveta ku vumba **nandzulo**.

Mina	a ndzi	rhandzi rhagibi.
Wena	a wu	tsemakanyi loko rhoboto yi ri yo tshwuka.
Hina	a hi	tlangi netibolo.
Vona	a va	tsakisi hi nchumu.
Yena	a nga	dyi malekere yo tala.
Xona	a xi	nwi masi yo titimela.
Yona	a yi	vukuli munhu.
Yona	a yi	ni hi xixika.



Sweswi tsala nandzulo wa leswi landzelaka.

Vana va tlanga bolo ya milenge.

Hi dya timanga na matimba.

Magezi u senga homu.

Hi hlalela thelevhixini hi nkarhi wo endla ntirhokaya wa hina.

Gamboko yi wa hi xixika eAfrika-Dzonga.



Sweswi tirhisa tafula na swikombiso swin'wana leswi nga ku pfunaka ku tsala swivulwa eka tlhelo ra nandzulo.  
Hi ku endlele xikombiso.

A nga tsakeli rhagibi.

### Tlhelo ra nandzulo

Nandzulo wu vumbiwa hi ku tirhisa xiaki xa nandzulo xa "a" no tsala "-i" emakumu ka riendli.




TEACHER: Sign

Date



Kunguhata ku tsala xitori kumbe ntsheketo.  
Rhanga hi ku tsala mianakanyo ya wena eka mepe  
lowu wa miehleketo. Kutani u tirhisa mepe loko u  
tsala xitori xa wena eka pheji leri landzelaka.



I vamani  
swimunhuhatwa?

---



---



---

Hi rihi kungu?

---



---



---



Nhlokomhaka ya xitori xa wena hi yihi?

---



---



- Tirhisa mepe wa miehleketo ku ku pfuna ku kunguhata tsalwa ra wena
- Kombela munghana wa wena ku hlela mpfapfarhuto wa wena ● Pfuxeta xitshuriwa xa wena u tlhela u endla ndzulamiso ● Pfuxeta xitshuriwa xa wena u tlhela u endla ndzulamiso lowu faneleke
- Tsala swi basa ebukwini ya wena.

Hi wihi mbangu?

---



---

I yini lexi rhangaka xi  
humelela?

---



---



---

Ku landzela yini?

---



---



---

Swi herisa ku yini?

---




---



---

Siku:



TEACHER: Sign \_\_\_\_\_ Date \_\_\_\_\_

# Vana va ya ekhempeni



- ❖ Hi kwihi ku hambana exikarhi ka swian'wisi na swikokovi?
- ❖ U nga boxa swikokovi swingani?
- ❖ Byela tlilasi hi leswi u swi voneke loko u tshama u vona xikokovi.



Vusi u le ndzhaku ka munghana wa yena Mike, loyi a pfulaka zipi ya tende. Vusi u tlula hi ku hatlisa a chuhwile swinene loko munghana wa yena a huwelela hi rito lerikulu kutani a wela Bongi loyi a nga endzhaku ka yena.

"Nyo...nyo... nyoka"! ku huwelela Mike a byela Vusi loko a ri karhi a tlhelela endzhaku hi xindzhakwandzhakwana.

Tata wa Vusi, Nkulukumba Mosoma u tile hi ku tsutsuma a suka endzilweni. "Mi swi tivisa ku yini leswaku i nyoka?" a vutisa a ri karhi a tumbeta ku n'wayitela ka yena tanihi leswi vana lavanharhu a va rhurhumela hi ku chava.

"Tatana, ririmi ra yona ri huma ri tlhela ri nghena endzeni ka nomu, yi tlhela yi languteka tanihi nkolombyani lowukulu swinene!" ku vula Vusi.

"Yimani laha hinkwenu ka n'wina loko ndzi landza thochi eka Jeep. Kumbe a hi nyoka".

Bongi a khoma katla ra Mike. "Swi nga endlisa ku yini yi nga vi nyoka? U tiva xiharhi xin'wana lexi nga na ririmi ro leha leri humaka ri tlhela ri tlhelela enon'wini"? a vutisa.

Mike na Vusi va hlakahla tinhloko ta vona. A va na nhlamuselo.

Nkulukumba Mosoma u vuya na thochi evokweni rin'we, a khomile foxolo hi voko lerin'wana. U vitana Vusi leswaku a ta etlhelo leri a nga eka rona.

"Vusi, ndzi khomele thochi leswaku ndzi kota ku khoma foxolo kahle," ku vula Tatana Mosoma.

"Tatana, hikwalaho ka yini mi ku mina"? Ku vutisa Vusi hi xiritwana.

"U nga vileli, ndzi ta rhanga ndzi nghena ndzi lava xikokovi lexi."

Nkulukumba Mosoma a tlakusa rivanti ra tende hi voko rin'we no hatimisa thochi eka tende. Vana vanharhu va tshunela kambe va siya mpfhuka exikarhi ka vona na tende.



"Ina, hi leswi a ndzi ehleketa swona," ku vula Nkulukumba Mosoma, a byela vana.  
"I nkolomyani wa Cape monitor. Xana wu nghenise ku yini laha? Ndzi ehleketa wonge a ndzi mi byerile leswaku mi bohelela tende ehansi ematlhelio."

Vusi u languta titeki ta yena kasi lavan'wana vambirhi va langutana va tlhela va khindlata makatla. A va jahile eka mpundzu wolowo tanihi ntolovelio. Vusi a vona leswaku i nkarhi wo cinca leswi va vulavulaka hi swona. "Tatana, Cape monitor i yini?  
Xana xa luma kumbe xo tshwutela marha?"

Bongi a hlamarisiwa hi xivumbeko xa nkolomyani lowukulu. Eka rivoni ra thochi, tibuloko ta ntima a ti vonaka kahle hi patironi leyi hatimaka eka nhlana wa wona wa magegetsu. Wu na minwala yo leha ya ntima eka milenge hinkwayo leyi nga khwanyana. U tlula hi nchavo loko xivandzana xi humesa mpfumawulo lowukulu wa noti.

"Mi va na vuxiyaxiya, xiharhi lexi a xi kahle. Loko xo ku luma, hi ta fanele ku kuma nsimbhi leswaku hi kota ku pfula tinhlaya ta xona," ku vula Nkulukumba Mosoma.

"Hmmm!" ku gungula Mike loko a ri karhi a tlhelela endzhaku a suka laha a ku ri na ku vonakala.



Hlaya xitori nakambe kutani u lava vamavizweni va marito lama landzelaka.  
(Xitsundzuxo: vamavizweni i marito yo fana na rhanga na sungula, lama nga na nhlamuselo yin'we.

hundzula	
anakanya	
xivandzana	
vangama	
mixo	

# Rivonavona ra le nhoveni



Tlhela u hlaya xitori xa Cape monitor kutani mi bula hi tinhlamulo ta swivutiso leswi landzelaka na munghana wa wena. Tatisa tinhlamulo eka swivandla leswi nga laha hansi.

Vana va famba hi ndzandzelelano wihi loko va ya etendeni?

wo sungula

wa vumbirhi

wa vunharhu

U ehleketa leswaku Vusi u tshama a vona nkwhale? Hikwalaho ka yini u vula sweswo?

Hikwalaho ka yini Vusi a chayisanile na Bongi?

Xana Nkulukumba Mosoma u chava swikokovi? Seketela nhlamulo ya wena.

Hi swi tivisa ku yini leswaku vana va chava swikokovi?

Xana xikokovi lexi xi nghenise ku yini endzeni ka tende?



Hi tala ku vulavula hi xivangelo na mbuyelo wa xanchumu. Ku endla tano, hi tirhisa **hikuva** na **kutani**. Yelanisa swivulwa swa kholomu ya rihlaza na xivangelo kumbe mbuyelo eka kholomu ya wasi.

Nkolomyani wu nghenile endzeni ka tende.

Nkolomyani wu tikumile wu rhendzeriwile hi vana.

Nkulukumba Mosoma u yile eka Jeep.

Mike u bile goza lerikulu a tlhelela endzhaku.

Vusi a nga si tshama a vona nkwhale.

A a landza thochi.

U chayisanile na Vusi.

U ehleketa wonge u langute nyoka.

Vana a va bohelelangi tende ehansi.

Wu endla mpfumawulo wu humesa no tlherisela ririm i endzeni ka nomo wa wona.

Sweswi tirhisa **hikuva** kumbe **kutani** ku hlanganisa swivulwa u tlhela u tsala swivulwa leswintshwa eka pheji leri landzelaka.

Siku:




Tsala tindzimana timbirhi hi nkarhi lowu a wu ri ekhempeni enhoveni. (Loko u nga si tshama u ya ekhempeni, hlamusela leswi u ehleketaka leswaku swi xiswona). Tirhisa marito lama landzelaka ku ku pfuna. Hlamusela leswi u titwiseke xiswona, leswi u swi nuheteleke, leswi u swi tweke, leswi byanyi na mirhi a swi twakarisaka xiswona loko u swi khoma.


### Ntokoto wa le nhoveni

tende    xipedi    bakete    mati    tihunyi    ndzilo    poto ra milenge  
minharhu    tinsuna    murhi    mhala    xikokovi    mhisu    ku chava  
tinthonono    khwaxa    patu ta giravhele    phaka    purasi    mathayere  
                  ku tengu    swinyenyana    ku yimbelela



TEACHER: Sign \_\_\_\_\_ Date \_\_\_\_\_

# Ku va bofu a swi ndzi sivelangi



Xana u tshama u titwa wonge u lava ku tshika ku endla swilo? Leswi swi endla hi mhaka ya leswaku swilo swi tika ngopfu? Xana u na swiphigo leswi susaka miehleketo ya wena eka ntirho wa wena wa xikolo?



A hi hlayeni

A hi hlayeni hi n'wana loyi a nga tinyiketangiki.

Hi mina Obert Maguvhe. Ndzi velekiwe hi 1967 emugangeni wa le Venda, exifundzeninkulu xa Limpopo. Loko ndzi ri na malembe ya ntsevu, ndzi vile na swimungwamungwana, vuvabyi bya vana lebyi tivekaka. A ndzi vangi na nkateko – ku vile na swiphigo swo tala kutani ndzi lahlekeriwa hi ku vona ka mina. Ndzi hundzukile bofu. Ndzi titwe ndzi nga ha ri na ntshembo, ndzi pfumala matimba no tlhela ndzi titwa ndzi lahlekile. Xana a ndzi ta ya emahlweni na vutomi hi mukhuva wihi?



Ndzi dyondzile exikolweni xa mabofu xa Bosele hi 1973 laha ndzi dyondzeke ku hlaya hi bureyili. A ndzi amukela dyondzo ya kahle. A ndzi swi tiva leswaku a ndzi fanele ku kuma matiriki. Vana va xikolo nkarhi wun'wana a va swi lemuki leswaku va fanele ku tirha hi matimba exikolweni kambe va tisola endzhaku ka malembe yo tala.

Loko ndzi hetile xikolo, hi 1987 ndzi yile eYunivhesiti ya N'walungu eLimpopo ku ya dyondza kona. Hi lembe ra 1991, ndzi dyondzile tidyondzo leti nga ehenhla ka digiri eYunivhesiti ya Witwatersrand eJoni. A ndzi lava ku va gqweta. A ndzi tiva magqweta yo tala ya mabofu. Kambe kokwana u vule leswaku a ndzi fanele ku va mudyondzisi. Kunene a tiyisile – hi laha mbilu ya mina yi nga kona.

Hi 1997 ndzi kumile nseketelo wa Fullbright Fellowship. Leswi a swi vula leswaku ndzi nga ya dyondza tidyondzo ta masitasi ekholichi ya Boston. A ndzi kholwangi. Mina Obert Maguvhe ndzi haha hi xihahampfhuka ekule na le kaya eVenda! Xitichi xa mina lexi landzelaka i Amerika! A ndzi swi koti no swi anakanya. Ndzi khandziyile xihahampfhuka ndzi kongoma eUnited States laha ndzi dyondzeke tidyondzo ta malembe mambirhi hi nkarhi wa tin'hweti ta khumembirhi. Vaphurofesa va mina a va ehleketa leswaku a ndzi ri muchudeni wo tlhariha swinene kutani ndzi tlhelerile ekaya ka ha sale lembe leri a ndzi languteriwe ku vuya hi rona. Endzhaku ka malembe ya nkombo ndzi vuyile eUS, ndzi hetile tidyondzo ta vudokodela eYunivhesiti ya Pitori.

Xin'wana na xin'wana xa humelela loko u titshemba na loko u tiyimiserile ku tirha swinene. Xibakabaka hi xona xi nga ku sivelaka. Xin'wana lexi nga endla leswaku ndzi va na vutitshembi loko ndza ha ri lontsongo hi leswi tatana a lava leswaku ndzi endla swilo hinkwaswo leswi a swi endliwa hi vanhu lava nga riki vatsoniwa, tanihi ku risa tihomu na timbuti no hlakula emasin'wini ya ka hina. Lexi hlamarisaka hi leswi munghana wa mina emugangeni wa ka hina a ri mbheveve. Hambileswi a hi nga tirhisi swikoweto a hi twanana hi tlhela hi tlanga na vana van'wana. A hi endla swiharhi na swinyenyana hi vumba, a hi khida, hi senga tihomu no khandziya mirhi. Hambileswi a ndzi nga voni na munghana wa mina a nga twi, a swi kalangi swi ndzi fikela leswaku swilo leswi a swi endla leswaku hi titwa hi ri eka xiyimo xa le hansi.

Hi 2008 ndzi joyinile Ndzwulo ya Dyondzo ya Masungulo ku fambisa pfhumba ra ku dyondza ku hlaya no tsala ra Kha ri Gude. Pfhumba leri a ri ri na xikongomelo xo dyondzisa 3,5 wa mamiliyon i ya vanhu lavakulu va Vaafrika-Dzonga ku tsala no hlaya. Xiyenge xa mina a xi languta ku dyondzisa vanhu lavakulu va mabofu ku kota ku hlaya hi bureyili. A hi swi koti ku tirhisa mahlo ya hina ku hlaya kutani hi tirhisa tintiho ta hina.

A ndzi tsakile hi 2013 loko ndzi thoriwa eka xiyimo xa vuphurofesa eyunivhesiti ya Afrika-Dzonga. Eka ntirho wa mina lowuntshwa, ndzi languteriwa ku letela vadyondzisi eka ku dyondzisa vana va vatsoniwa. Swi kahle ku va eka xiyimo lexi munhu a nga swi kotaka ku pfuna van'wana.

Mahungu ya mina eka vantshwa i ya leswaku dyondzani loko swa ha koteka exikolweni. Mi nga yimeli minkarhi yo tika kumbe gome ku mi yisa ehansi. Hinkwerhu hi fanele ku fikelela ku navela na milorho ya hina. Leswi lavekaka ku kota ku swi fikelela i ku tirha hi matimba!

Siku:



Tatisa leswi humeleleke evuton'wini bya Dokodela Obert Maguvhe eka malembe lama landzelaka. Tlhelela endzhaku u hlaya tsalwa-vutomi ra yena loko u nga tsundzuki swilo hinkwaswo. U ta fanela ku khakhuleta malembe loko ma nga nyikiwangi exitorini.



Lembe	Leswi humeleleke
1973	
1987	
1991	
1997	
2004	
2008	
2013	

Mahungu yo hlawuleka ya Obert eka vantshwa hi wahi?

Ntitsalwa-vutomi i xitori lexi munhu a tsalaka hi vutomi bya yena. Tsalwa-vutomi ri tsariwa hi munhu un'wana. Ntitsalwa-vutomi leri mi tsaleriwile rona hi Obert.



Bureyili i yini?

Bureyili i sisiteme leyi tirhisiwaka hi mabofu ku kota ku hlaya no tsala va tirhisa tintiho ta vona. Letere rin'wana na rin'wana ri yimeriwa hi patironi ya mathonsi lama tlakusiweke, lama va ya twaka no ya lemuka hi tintiho ta vona. Tafula leri nga laha hansi ri ku kombisa leswi maletere ya bureyili ya nga xiswona.



•	• :	• •	• : :	• .	• : •	• : :	• : •	• :
A	B	C	D	E	F	G	H	I
• :	•	• :	• :	• :	• .	• :	• :	• :
J	K	L	M	N	O	P	Q	R
• :	• :	• :	• :	• :	• :	• :	• :	• :
S	T	U	V	W	X	Y	Z	

Tsala vito ra wena hi bureyili. Veka maletere ya vito ra wena eka rixaxa ra le hansi kutani u kopunula mathonsi ya letere rin'wana na rin'wana eka rixaxa ra le henhla.


TEACHER: Sign

Date



A hi tsaleni

## Maendli

Yelanisa maendli na swifaniso leswi faneleke. Tatasa nomboro ya xifaniso ekusuhi na riendli leri faneleke. U nga tirhisi riendli ko tala.

- sweka
- endla
- nwa
- chayela
- dya
- famba
- kuma
- rhandza
- yingisela
- tshama
- tlanga
- hlaya
- vulavula
- baka
- languta
- ambala
- gada
- tima

<b>1</b> efuleteni	<b>2</b> bayisikiri	<b>3</b> xifuwana
<b>4</b> khekhe	<b>5</b> xijarimana	<b>6</b> VW
<b>7</b> phephahungu	<b>8</b> xiyanimoya	<b>9</b> bayisikopo
<b>10</b> thelevhixini	<b>11</b> makhandhlela	<b>12</b> thenisi
<b>13</b> sangweji	<b>14</b> kofi	<b>15</b> swakudya leswi nga riki leswinene
<b>16</b> swakudya swa ninhlekani	<b>17</b> ntirhokaya	<b>18</b> magogolo

Siku:

## Ripfuna-riendli

Ripfuna-riendli i rito leri twalaka loko ri ri na riendli. Mapfuna-riendli i marito yo fana na **tshama, za, fikela, kondza**.

Nkhwatihata maendli eka swivulwa leswi landzelaka u tlhela u ba xirhendzevutana eka mapfuna-riendli.

Hi ta yima ku kondza va vuya.

Vana va ta za va lan'wa.

U tshama u khandziya xihahampfhuka?

Va ta tlanga ku fikela loko dyambu ri pela.

Va ta ka va hlula.

Ndzi tala ku pfuka nimpundzu.

A va pfa va wisa loko va tirha.

## Mabumabumeri ya engetelo

Vana lava tlangaka bolo i va ka Valoyi.

Mufana loyi a yiveke xikanyakanya u khomiwile.

Xitimela lexi tsutsumaka swinene i xa Gautrain.

Nkhwatihata mabumabumeri ya engetelo eka swivulwa leswi landzelaka.

Vanhu lava tshamaka laha va kwihi?

Mudyondzisi loyi a fambaka hi Jeep i wa hina.

Yindlu leyi akiwaka i ya ka hina.

Xitulu lexi vatliweke xi durhile swinene.

Xipopana lexi lahlekeke i xa mina.

Nkuku lowu ringaka wu hi bela huwa.

Movha lowu dumaka wu ta suka sweswi.



A hi vulavuleni



## Hlaya swivulwa u tiphina hi swona

Hlaya swivulwa kutani u vulavula hi tinhlamuselo ta swona.

Ku tlula ka mhala ku letela  
n'wana wa le ndzeni.



Nyoka yo yi vona a yi lumi.



Ku ūlawula ndluwa  
u slyā ūove.

**U NGA CHAVI MALEBVU  
YA NGHALA.**

**Mulavi wa  
mpfula yi  
nela yena.**



Ku banana  
hi rhambu ra  
mfenhe.

**Ku dya hi  
ku engeta**



Xigego

Xigego xi ringanisa swilo swimbirhi xi vula leswaku nchumu wo karhi i nchumu wun'wana. A xi tirhisi wonge, swange, tanahi, swa, onge, bya na tanahi.

Xikombiso: U na meno ya macheleni.

Xana wa ha swi tsundzuka swiga-ririmbi leswi?

Marito lama nga na xitwari lexi fanaka ma tirhisiwa ku encenyeta kumbe ku vuyeleta mpfumawulo wa leswi ku tsariwaka hi swona kumbe ku tumbuluxa xiyimo xo karhi.

Xikombiso: Xana u rħandza mpaħla ya ntima?



**Mbuyelelo wa switwari**

TEACHER: Sign

Date

117

# Phunyuka, ximanga xo hlamarisa



A hi hlayeni

Hlaya xitlhokovetselo xa *Phunyuka, ximanga xo hlamarisa*. Encengetani xitlhokovetselo ku kombisa tindlela ta ximanga to hlamarisa.

- Bana xirhendzevutana eka marito lama nga na yelano wa mpfumawulo.
- Lava marito lama nga dzwihiatiwa kutani u tsala tinhlamuselo ta wona eka bokisi leri nga ethhelo ka xitlhokovetselo.



## Phunyuka, ximanga xo hlamarisa

Phunyuka, ximanga xo hlamarisa, xi vitaniwa maseletela-nkondzo –  
I xigevenga lexikulu lexi tshovaka milawu.

U kayakayisa muganga hinkwawo,

Maphorisa ya sala ya lo gabaa!

Loko va fika eka ndhawu ya xiendlo xa vugevenga  
– *Phunyuka, a nga kona!*

Phunyuka, Phunyuka, ku hava wo fana na Phunyuka,  
U tshovile milawu hinkwayo ya vanhu, u tshova na **nawu wa nkoko**.  
Matimba ya yena yo papama ematini ya n'wi vangela ku hlaleriwa.

Kambe loko u fika endhawini ya vugevenga –

*Phunyuka a nga kona!*

U nga n'wi lava ehansi eka besimente, u nga n'wi lava emoyeni –  
Kambe ndza ku byela, *Phunyuka a nga kona!*

Phunyuka i ximanga xa mpunga, xo leha xi tlhela xi lala;  
U ta xi tiva loko u xi vona, hikuva mahlo ya xona ya werile endzeni.

Tinkohe ta xona ti nkhwatihatiwile hi miehleketo,

Nhloko ya xona i ya **xilwangu**;

Voya bya xona byi na ritshuri hikwalaho ko ka xi nga hlayisiwi.





Malebvu ya xona a ya kamiwangi  
Xi fambisa nhloko ya xona ku ya hala na hala, hi  
mafambelo yo fana na ya nyoka. Loko u ehleketa leswaku  
xi khoma hi vurhongo, xa hanyanya.

Phunyuka, Phunyuka, ku hava wo fana na Phunyuka,  
I muxanisi hi xivumbeko xa ximanga  
Xivandzana xa nsele.

U nga hlangana na yena etlhelo ka patu, u nga kotlana na yena –  
Kambe loko ku lemukiwa xiendlo xa vugevenga,  
*Phunyuka a nga kona!*

Wa xiximeka. (Va ri u na vuxisi eka makhadi.)  
Minkondzo ya yena a yi kumiwi eka tifayili ta **khotso**.  
Kambe loko swilo swi **phangiwile** kumbe loko juwelari yi **sechiwile**,  
Kumbe loko masi ya nyamalarile, kumbe xifuwana xi tlombiwile,  
Kumbe nghilazi ya dladla yi fayiwile, na fense leyi sirhelelaka –  
*Phunyuka a nga kona!*

Phunyuka, Phunyuka, ku hava wo fana na Phunyuka,  
A ku si tshama ku va na ximanga xa vuxisi no xonga hi ndlela leyi  
Nkarhi hinkwawo xi na nchumu wo tisirhelela hi wona:  
Nkarhi wun'wana na wun'wana wa ku humelela ka xiendlo –  
**PHUNYUKA A NGA RI KONA!**

Va ri swimanga hinkwaswo swa swiendlo swo homboloka swa tiveka  
(Ndzi nga hlaya Mungojeri, ndzi nga hlaya Giridile)  
Vo va ntsena vatirhiswa va ximanga lexi lawulaka matirhelo ya swona:  
Napoleon wa milandzu!

Phunyuka, Phunyuka, ku hava wo fana na Phunyuka,  
I muxanisi hi xivumbeko xa ximanga  
xivandzana xa nsele.  
U nga hlangana na yena exindledyanini, u nga kotlana na yena  
Kambe loko ku lemukiwa xiendlo xa vugevenga,  
Kutani Phunyuka  
Phunyuka, Phunyuka, Phunyuka –  
Kambe loko ku lemukiwa xiendlo xa vugevenga, Phunyuka a nga kona!

TS Elliot



# Ku ehleketa hi ximanga xo hlamarisa




A hi hlayeni

Hlayela xitlhokovetselo ehenhla kutani u vulavula hi nhlamuselo ya ximanga. Hi xihi xifaniso lexi yimelaka Phunyuka?



A hi tsalenii



Hi swihi swivulwa leswi ku byelaka leswi Phunyuka a langutekisaka xiswona?


Hi yihi nhlamuselo ya Phunyuka leyi hi byelaka leswaku a tlharihile swinene?


"Napoleon wa milandzu" swi vula yini?



Hikwalaho ka yini ximanga xi vitaniwa leswaku i "Maseletela-nkondo"?


Mutsari u tirhisa vumunuhato loko a hlamusela Phunyuka leswaku u na swihlawulekisi swa vanhu. Hi swihi swihlawulekisi swa vanhu leswi a nga na swona?


Siku:



Sweswi tsala xitlhokovetselo xa wena hi xiharhi lexi tlhariheke.  
Hlamusela swihlawulekisi swa xiharhi. Xana xi endla yini lexi kombisaka vutlhari?  
Bula na ntlawa wa wena hi xiharhi xa wena. Engetela marito ya mpfumawulo  
lowu yelanaka na marito lama u nga na wona. Tirhisa marito lama ku tsala  
xitlhokovetselo xa wena. Tirhisa marito lama nga na yelano wa mimpfumawulo  
emakumu ka phere yin'wana na yin'wana ya mintila. Tsala ephepheni u nga si  
tsala ebukwini.



Kombisa xitlhokovetselo xa wena.

TEACHER: Sign

Date

# N'waxigqhoko xo tshwuka na N'wamhisi



A hi hlayeni

Hinkwerhu hi tiva xitori xa N'waxigqhoko xo tshwuka na mhisi.

Hlayelani xitlhokovetselo ehenhla hi ntlawa. Mi ta lemuka leswaku xi fana na ntsheketo kambe mutsari u xi cincile ku kombisa nhwanyana loyi a tisirhelelaka eka mhisi.



N'wamhisi a lava swakudya **swa kahle**,  
A ya gongondza enyangweni wa kokwana.  
Loko kokwana a pfula, a vona meno yo basa  
yo kariha na n'wayitelo wo **chavisa**.  
N'wamhisi a ku, "Ndzi nga nghena?"  
Kokwana a chuhwile swinene,  
"U ta ndzi dya!" a rila.  
Kunene a tiyisile.  
U n'wi dyile hi ku luma kan'we.  
Kokwana a solekile a tlhela a tiyela,  
N'wamhisi a gungula, "A swi ringanelangi!  
A ndzi swi twi leswaku ndzi vile na swakudya  
swa kahle!"  
U rhendzelekile na khixi,  
"Ndzi fanele ku kuma swa **vumbirhi!**"  
A engetela hi **mahlo yo chavisa**,  
"Ndzi ta yima kwala ku fikela loko

N'waxigqhoko xo tshwuka  
a vuya eku tiololeni milenge enhoveni."

Ku fika xinhwanyetana xi ambale swo  
tshwuka.

Xi yima. Xi languta. Kutani xi ku,  
"U na tindleve letikulu to saseka,  
Kokwana."

"Ndzi twa kahle hi tona," ku hlamula N'wamhisi.  
A tshama a n'wi languta a n'wayitela.

A ehleketa leswaku u ta dya n'wana loyi.  
Ku n'wi pimanisa na kokwana, u tanihi burayi.  
N'waxigqhoko xo tshwuka a ku,  
"Kokwana, u na voya byo saseka swinene."

"A hi swona!" ku huwelela N'wamhisi.  
"Xana u rivele  
Ku vula leswaku ndzi na meno lamakulu?"

Ndzimana i ntlawa  
wa mintila eka  
xitlhokovetselo.  
Switlhokovetselo swin'wana  
swi na ndzimana yin'we  
kasi swin'wana swi na  
tindzimana to tala. Xana  
xitlhokovetselo lexi xi na  
tindzimana tingani?

Siku:

Hambi wo vula yini,  
Ndzi tiyimisele ku ku dya.  
Xinhwanyetana xi hleka.  
Banti ra yena ra ntima  
ri wela ehansi.

Xi ba N'wamhisi hi karati.  
Xi kongomisa enhlokweni  
ya xiharhi,  
Endzhakunyana ko yi ba yi  
va yi file.

Endzhaku ka mavhiki ma nga ri  
mangani, enhoveni,  
Ndzi hlangana na  
N'waxigqhoko xo tshwuka.

Ku cinca ko tani! Xigqhoko xo tshwuka a xa  
ha ri kona,  
Ku hava xigqhoko enhlokweni.  
Xi te, "Xewani, vona na jazi ra mina ra voya  
bya dzovo ra mhisí".  
Roald Dahl (ku tekelela)



A hi tsalení

Hi swihi swiphemu swa xitlhokovetselo leswi fanaka na swa ntsheketo wa  
*N'waxigqhoko xo tshwuka?*

Mahetelelo ya xitlhokovetselo ya hambanisa ku yini na mahetelelo ya ntsheketo? (Nhwanyana u  
tisirhelele hi ndlela yihi?)


Hi swi tivisa ku yini leswaku mutsari u hlanganile na *N'waxigqhoko xo tshwuka?*  
(Languta ndzimana yo hetelela ya xitlhokovetselo.)




Encenyetani xitlhokovetselo. Mi ta fanela ku va na swimunhuhatwa leswi  
landzelaka: *N'waxigqhoko xo tshwuka*, kokwana, *N'wamhisi* na mutsari.



A hi hlayeni

Hlaya tilimeriki kutani u hlamula  
swivutiso leswi landzelaka.



A ku ri na mufana loyi a vitaniwaka Sid  
A ehlakete leswaku a tiva swilo swo tala.  
A ehlaketa leswaku nyankwave  
Yi ta haha loko u vukula.  
Kutani a hlambela ku ya swi ringeta ... Sid mbuya!

Mupendi loyi a tshama eNghilandhi,  
A kavanyeta swinhwanyetana leswi lukaka.  
U vule hi ku nonoka,  
“Bence ra phaka  
Ra ha ku pendiwa, leri u nga tshama  
eka rona.”



Ndzi lava rivanti ra le mahlweni ra holo  
ya mina;  
Leri ndzi ri xaveke ri lehile ku tlula na hina.  
Kutani ndzi ri tsemile;  
Ndzi ri tsemile ri ringanelo kahle;  
Sweswi i ritsono swinene.

Siku:



Xana limeriki yi na mintila mingani?

Hi yihi mintila leyi nga na yelano wa mpfumawulo?

Ku na mapeletwana mangani eka ntila wun'wana na wun'wana?

Ntila wa 1	Ntila wa 2	Ntila wa 3	Ntila wa 4	Ntila wa 5



Sweswi tsala limeriki ya wena, u sungurisa xileswi:

A ku ri na nhwanyana loyi a vitaniwa Solani

(Handwriting practice lines for the sentence 'A ku ri na nhwanyana loyi a vitaniwa Solani').

Sweswi endla nonganoko  
wa marito lama yelanaka  
hi mpfumawulo na rito  
ro hetelela eka ntila wo  
sungula -e ka xiyimo  
lexi, Solani.  
Nonganoko wa wena  
wu nga katsa tirhani,  
fambani, holani, tsalani,  
tlulani na hoxani.



Ringeta ku tirhisa marito lama yelanaka na Gayisa.

U nga tirhisa marito yo fana na hlayisa, hayisa, tisa, xisa kumbe dyisa.

A ku ri na mufana loyi a vitaniwa Gayisa

(Handwriting practice lines for the sentence 'A ku ri na mufana loyi a vitaniwa Gayisa').



# Ku tiphina hi vutlhokovetseri



Xana u tshama u vona nkwalhe?

Xana wu twa njhani?

Xana wu njhani?



A hi hlayeni

I'm walking with my iguana

Ndzi le ku fambeni  
na nkwalhe wa mina

Loko mahiselo ya tlakuka  
ya va ehenhla ka makumenhungu  
ntlhanu,  
Nkwalhe wa mina wu languteka  
wonge wu va na vutomi.

Kutani hi ya eribuweni,  
mina na nkwalhe wa mina,  
wu tshama ekatleni ra mina  
loko hi ri karhi hi  
tifambahafambela elwandle ...

Loko munhu a hi vona  
hi xihamariso lexikulu,  
mina na nkwalhe wa mina  
eka vutiolori bya siku na siku,

Ku fikela loko un'wana a fona  
maphorisa ya ndhawu va  
ku ndzi na aligetara  
leyi bohiweke hi ntambhu.

I longo ra yona enhlaneni leri endlaka leswaku  
wu languteka wu tsanile,  
Kambe wu rhandza ku nwayiya  
ehansi ka xilebvu.

Ndza swi tiva loko nkwalhe wa mina wu lava ku  
ambala tipijama wu etlela  
Wu veka nhloko leyi khudzehelaka ehansi.

Ndzi famba  
Na nkwalhe wa mina

Na nkwalhe wa mina ...  
na piranha ya mina  
na xihwahwa xa mina,  
na chinchila ya mina,  
na gorila ya mina  
na xidongoti xa mina ...  
naswona ndzi famba na nkwalhe  
wa mina ...

Brian Moses

Siku:



Yelanisa marito na tinhlamuselo leti faneleke. Vula mavito ya swiharhi kutani u yingisela mipfumawulo.

piranha
chinchila
xihwahwa
gorila
xidongoti
aligetara

xikondlwana xa ncila wa voya
ximbyanyana
nhlampfi ya meno yo kariha
mfenhe leyikulu
yi fana na ngwenya kambe yi na nomu lowutsongo
miri wo olova, milenge yo tala xi fana na xivungu naswona xi nga va na mavala lama vangamaka



Hlaya xitlhokovetselo hi vukheta kutani u hlamula swivutiso leswi landzelaka.



U ehleketa leswaku mutsari a famba na nk wahle wa yena kumbe lexi ko va xitlhokovetselo xo hlamarisa? Hikwalaho ka yini u vula sweswo?
Mutsari u vulavula hi themparecha ya 85°F. Themparecha leyi i yini hi selisiysi?
Hi ku vona ka wena hikwalaho ka yini a va ku nk wahle i aligetara?
Xana u ta hlamala loko u vona munhu a fambafambisa nk wahle wa xifuwana xa yena? Hikwalaho ka yini?
Xana u nga fonela maphorisa loko wo vona swo fana na leswi? Hikwalaho ka yini?
Hi wahi marito lama yelanaka hi mipfumawulo eka xitlhokovetselo lexi? Ya tsale ehansi.

TEACHER: Sign \_\_\_\_\_ Date \_\_\_\_\_

# I lembe lerintshwa



A hi hayeni

Hlaya xitlhokovetselo.

Huree! Huree!  
I novinjara

Huree! Huree! I novinjara!


Siku leri hi sungulaka hi vuntshwa.

Lembe leri ndzi hlawurile ku va xinjhenghwe.

Kumbexana ndzi ta dyondza ku haha,  
kumbe ndzi ta famba hi makhumbi,  
kumbe ndzi hundzuka ndzi nga vonaki  
kumbe ndzi tsutsuma ehenhla ka  
maboboma ya mati.

Ndzi ta tiendla rhekerhe kutani  
ndzi tidyondzisa ku khanyana.

Ndzi ta va swihalaki kutani ndzi  
tichela endzeni ka sinki.



Ndzi ta endzela tipulanete  
kutani ndzi hlangana na  
tialiyeni to tala.

Ndzi ta famba ndzi ya eka  
nkarhi lowu hundzeke khale  
ndzi khandziya dayinasoro.

Ndzi na tipulani to tala to hlamarisa.

Ndzi ta sungula sweswi.

Ina, leri ri ta va lembe lerinene  
ku tlula hinkwawo.

Huree! Huree! I novinjara

Kenn Nesbitt

<b>Ndzi kota ku</b>			
hlaya xitshuriwa xa ndzungulo			
bula hi swivutiso swo huma eka xitshuriwa			
bula hi mahetelelo lama faneleke ya xitori			
encenyeta mahetelelo ya xitori no encenyetela vana va ttilasi			
tsala mahetelelo yo hambana ya xitori			
tsala eka dayari ndzi tirhisa munhu wo sungula			
tirhisa tlhelio ra nandzulo na minkomiso			
tsala xitori kumbe ntsheketo ku langutiwa swimunhuhatwa, kungu, mbangu na swiendleko			
pananisa swivulwa swa xivangelo na mbuyelo			
tirhisa mahlanganisi			
tsala ndzimana ya nhlamuselo			
boxa maendli, maengeteri na switwananisi			
bula hi tinhlamuselo timbirhi ta swivulwa			
bula hi tinhlamuselo timbirhi ta xivulwa			
hlaya xitlhokovetselo			
vona tindzimana ta xitlhokovetselo			
boxa marito ya mipfumawulo leyi yelanaka eka xitlhokovetselo			
encenyeta xitlhokovetselo			
boxa marito lama nga na yelano wa mipfumawulo.			
hlayela xitlhokovetselo ehenhla			
bula hi nhlamuselo ya vumunhu bya ximunhuhatwa			
hlamula swivutiso swo huma eka xitlhokovetselo			
tsala xitlhokovetselo			
encenyeta xitlhokovetselo			
hlaya limeriki			
nyika swikombiso swa swifananisi			
nyika swikombiso swa switirho swa vutlhokovetseri (xik: xigego)			
tsala papila ra mafundza			

# U hlawulekile. Miri wa wena kinkwawo uu hlawulekile. **Miri wa wena i wa wena!**



**KU HAVA  
MUNHU  
loyi a faneleke  
ku khoma swirho  
swa wena swa le  
xihundleni.**

**U fanele ku byela munhu un'wana loko ku  
ri na munhu loyi a khomaka swirho swa  
wena swa le xihundleni.**

**U fanele ku byela munhu un'wana loko  
ku ri na munhu loyi a ku endlisaka  
swilo leswi u nga tsakeriki  
ku swi endla.**

**Lava u nga va fonelaka  
loko u lava ku pfuniwa:**

**Riqingho ra swa vana: 0800 05 55 55**

**Nomboro ya xihatla ya SAPS: 10111**


**Riqingho ro ponisa vutomi: 0861 322 322**

**Riqingho ro sivela vugevenga ra SAPS: 086 00 10111**


**Yuniti yo sirhelela vana: 012 393 2359/2362/2363**




2. Cut out the planets. Attach a thin piece of string to each and hang them according to the correct number on the blue circle.




1. Cut out the blue circle and paste this on to a paper plate or a stiff piece of cardboard.



3. Hang your planet mobile from the roof.







Step 1: Cut all around on the black line






DEF

ABC

Step 2: Fold on the red line



Step 4: Staple your book in the middle



OPQR

STUV

KLMN



三  
H  
G



WXXM



# My Telephone and Address Book



This book belongs to: